

ჯაბა სამუშია

**ბაბრატომთა სამეფო
ოჯახი**

(XI-XII სს.)

გენეალოგიური ნარკვევი



გამომცემლობა არტანუჯი

თბილისი 2003

ნიგნი მოთხრობილია XI-XII სს. ბაგრატიონთა სამეფო ოჯახის შესახებ. მასში საუბარია როგორც ამ პერიოდის ქართველ მონარქებზე, ასევე იმ პიროვნებებზე, რომლებიც მათ უახლოეს წრეს შეადგენდა და არანაკლებ მნიშვნელოვან როლს ასრულებდნენ ქვეყნის პოლიტიკურ ცხოვრებაში.

ნიგნი განკუთვნილია სტუდენტებისათვის და მკითხველთა ფართო წრისათვის.

რედაქტორი

აკადემიკოსი რინე ვატრეველი

რეკონსტრუქციები:

**ისტორიის მეცნიერებათა კანდიდატი
მინაილ ბახტაძე**

**ისტორიის მეცნიერებათა კანდიდატი
ბუბა ჯუღაძე**

წინასიტყვაობა

ბაგრატიონთა სამეფო სახლის ისტორია საუკუნეების სიღრმეში იყარგება და სისხლხორცეულადაა დაკავშირებული ქართველი ხალხის წარსულთან.

დღეისათვის სხვადასხვა ურთიერთგამომრიცხავი მოსაზრება არსებობს ამ საგვარეულოს წარმომავლობასთან დაკავშირებით. ერთნი ბაგრატიონებს – ქართველებად, მეორენი – სომეხებად, მესამენი კი ებრაელებად მიიჩნევენ. ჩვენს ისტორიოგრაფიაში ძირითადად გაბატონებულია მათი ქართული პროვინციიდან – სპერიდან წარმომავლობის მოსაზრება.

თავად ქართველი ბაგრატიონები თავის თავს ბიბლიური იესე – დავით-სოლომონის ჩამომავლებად თვლიდნენ. გადმოცემა ბაგრატიონთა გვარის დავით წინასწარმეტყველისაგან წარმომავლობის შესახებ დაცული იყო სომხურ საისტორიო მწერლობაშიც.

ქართველ ბაგრატიონთა ღვთიური წარმოშობის ლეგენდა VIII-IX საუკუნეების მიჯნაზე უნდა შექმნილიყო, როდესაც ამ საგვარეულოს წარმომადგენლებმა საფუძველი ჩაუყარეს ახალ პოლიტიკურ ერთეულს ტაო-კლარჯეთის სამთავროს ანუ „ქართველთა სამეფოს“.

შუა საუკუნეების საქართველოში ჩამოყალიბდა არა მხოლოდ ბაგრატიონთა ბიბლიური წარმოშობის ლეგენდა, არამედ მძლავრ თეოლოგიურ საფუძველზე დაყრდნობით შეიქმნა, ბაგრატიონთა სამეფო ხელისუფლების ღვთიური წარმომავლობის თეორია. ამ კონცეფციის პირველ ოფიციალურ დაფიქსირებას ეხვედებით გიორგი მერჩულეს „გრიგოლ ხანძთელის ცხოვრებაში“. გრიგოლი აშოტ კურაპალატს მიმართავს: „დავით წინასწარმეტყველისა და უფლისა მიერ ცხებულისა შვილად ნოდებულო ხელმწიფეო, მეფობაჲ და სათნოებანიცა მისნი დაგიმკვიდრენ ქრისტემან“. ამ თეორიის დამადასტურებელი არაერთი მაგალითი მოიპოვება ქართულ ეკონოგრაფიაში.

IX საუკუნის შუა ხანებიდან ქართველ ბაგრატიონთა სამეფო საგვარეულო ორ მთავარ შტოდ – ტაოსა და კლარჯეთის ბაგრატიონებად დაიყო. პირველობა ტაოს ბაგრატიონებს ერგოთ. სწორედ ამ შტომ მიიღო IX საუკუნის ბოლოს „ქართველთა მეფობა“, ხოლო X საუკუნის მიწურულს

– ერთიანი საქართველოს მეფობა. ბაგრატიონთა კლარჯეთის შტო XI საუკუნის დასაწყისში ამონყდა.

ერთიანი საქართველოს დაშლის შემდეგ ქართლში, კახეთსა და იმერეთში პირველობა კვლავ ბაგრატიონთა საგვარეულოს ჰქონდა. ამიერიდან, ისტორიულ ასპარეზზე ჩნდება ბაგრატიონთა სახლის სამი მთავარი შტო: კახეთის, ქართლისა და იმერეთის. XIX საუკუნის დასაწყისში რუსეთის მიერ საქართველოს ანექსიის შემდგომ ბაგრატიონებს ქართლ-კახეთსა და იმერეთში მეფობა ჩამოართვეს. მათი დიდი ნაწილი იმპერატორის ბრძანებით პეტერბურგსა და მოსკოვში გადაასახლეს. დღეს ბაგრატიონები ცხოვრობენ საქართველოში, რუსეთში, საფრანგეთში, ესპანეთსა და იტალიაში.

* * *

ნარკვევი „ბაგრატიონთა სამეფო სახლი“ რამდენიმე ნაწილადაა ჩაფიქრებული. წინამდებარე წიგნი XI-XII საუკუნეების ბაგრატიონთა სამეფო ოჯახს ეძღვნება. ეს არის ერთიანი საქართველოს სახელმწიფოს ჩამოყალიბებისა და აყვავების პერიოდი, რომელიც ქართულ ისტორიოგრაფიაში სრულიად სამართლიანად „ოქროს ხანადაა“ წოდებული. ჩვენ შევეცადეთ მეტ-ნაკლები სისრულით მოგვეთხრო ამ პერიოდის ქართველ მეფეთა ოჯახის წევრთა შესახებ, იმ პიროვნებებზე, რომლებიც გარს ეხვივნენ ქართველ მონარქებს და რომლებიც არანაკლებ მნიშვნელოვან როლს ასრულებდნენ ქვეყნის პოლიტიკურ ცხოვრებაში.



పాఠశాల III

ბუდიის ლეთისმშობლის ტაძრის ფრესკა

ბაგრატ III-ის ოჯახი


X-XI საუკუნეების მიჯნაზე საქართველოში მიმდინარე პროცესმა საუკუნეების მანძილზე განსაზღვრა ჩვენი ქვეყნის მომავალი. სწორედ ამ დროს ჩაეყარა ბალეარის სამეფო-სამთავროებად დანაწილებულ საქართველოს ერთიანობას. ეს გაერთიანება მეყსეულად არ მომხდარა და მას მრავალი წინაპირობა ჰქონდა. მაგრამ ამ ერთიანობის საფუძველთა საფუძველი მაინც დინასტიური კავშირები იქცა, რომელიც ამიერ ტაოს სამეფო ოჯახს გააჩნდა თავის მონათესავე ტაო-კლარჯეთის ბაგრატიონებთან თუ აფხაზთა სამეფოს მმართველ საგვარეულოსთან. X საუკუნის 70-იან წლებში, ერთდროულად რამდენიმე ქართული სამეფოს ერთადერთ მემკვიდრედ ბაგრატ უფლისწული აღმოჩნდა. ქართული მინა-წყლის გამთლიანების პროცესი მომავალში მაინც განხორციელდებოდა, ვინაიდან მოვლენების განვითარება ამის წინაპირობას იძლეოდა, მაგრამ, ბაგრატ III-ის ფაქტორმა უბრალოდ დააჩქარა და შედარებით უმტკივნეულო გახადა საქართველოს გაერთიანება.

ბაგრატ III იყო ამიერტაოს მეფის გურგენ ბაგრატის ძის ვაჟი. დედა გურანდუხტ დედოფალი აფხაზთა მეფის გიორგი II-ის ასული გახლდათ.

ბაგრატის მეუღლის მხოლოდ სახელია ცნობილი, მას მართა რქმე-ვია. ბაგრატ III-სა და მართას ერთი ვაჟი ჰყავდათ, შემდგომში საქართველოს მეფე გიორგი I.

ქართულ ისტორიოგრაფიაში არსებობს ასევე მოსაზრება, რომ ბაგრატ III-ს მეორე ვაჟიც ჰყავდა, რომელიც მონასტერში წავიდა და

შემდგომში ცნობილი საეკლესიო მოღვაწე შეიქმნა. მისი ბერობის სახელი იყო ბასილი. მას იხსენიებს გიორგი მცირე თავის თხზულებაში „გიორგი მთაწმინდელის ცხოვრება“. ღირს მამას, ბასილს, ბაგრატ III-ის ძედ მიიჩნევს ასევე ქართული მართლმადიდებლური ეკლესიის კალენდარიც. მაგრამ მრავალი ფაქტის შეპირისპირების შედეგად დგინდება, რომ მამა ბასილი არ იყო ბაგრატ III-ის ძე (მით უმეტეს გიორგი I-ის შვილი, როგორადაც გამოცხადებულია ბასილი ზოგიერთ გამოცემაში) და რომ, საქართველოს მეფეს ჰყავდა მხოლოდ ერთი, მხოლოდშობილი ვაჟი გიორგი.



ბაგრატ III, გაერთიანებული საქართველოს პირველი მეფე. 978 წლიდან აფხაზთა სამეფოს განაგებს. 1008 წლიდან – „აფხაზთა და ქართველთა“ მეფე.

ადამიანთა შორის, ღეთის ნებით, ზოგჯერ გამოჩნდება ისეთი პიროვნება, რომელიც უდიდეს მისიას იკისრებს თანამედროვეთა წინაშე. ისტორიაში ქვაკუთხედის როლს შეასრულებს და ქვეყნის განვითარებას სრულიად სხვა მიმართულებით წარმართავს. როგორც წესი, ასეთ ადამიანებს, ისტორიკოსები განსაკუთრებული ეპითეტებით იხსენიებენ ხოლმე. შთამომავლობა საგანგებოდ უკვდავყოფს მის სახელს, ეკლესია წმინდანად შერაცხავს.

ასეთ ადამიანთა დასს ეკუთვნის გაერთიანებული საქართველოს პირველი მეფე ბაგრატ III. მას წილად ზედა სამეფო-სამთავროებად დანაწილებული საქართველოს გამთლიანება, ქვეყნის გავლენის ნიკოფსიიდან დარუბანდამდე განვრცობა. მაგრამ, რაოდენ გასაკვირი არ უნდა იყოს, მას შთამომავლობამ არავითარი ზედწოდება არ შეარქვა.

რატომ? არავინ უნყის ასეთი უმადურობისა თუ უყურადღებობის მიზეზი. ბაგრატი III-მ დიდი წვლილი შეიტანა ქართული მართლმადიდებლური ეკლესიის განვითარებაშიც, თუნდაც ბედიის, ნიკორწმინდას, ბაგრატის ტაძრების აშენება კმარა ამის საილუსტრაციოდ. მის დროს უნდა დაწყებულიყო სვეტიცხოვლის მშენებლობაც. მემატიანე საგანგებოდ აღნიშნავს: „ეკლესიათა მაშენებელი იყო, გლახაკთა მონყალე და სამართლის მოქმედი ყოველთა კაცთათჳს“. მაგრამ, როგორც ჩანს, ეკლესიამ მას არ აპატია კლარჯი ხელმწიფეების ამონყვეტა და იგი წმინდანად არ შერაცხა. ნაწილობრივ ქართული ისტორიოგრაფიაც ვალში იყო მის წინაშე (მხოლოდ უკანასკნელ ხანს გამოვიდა ბაგრატი III-სადმი მიძღვნილი მ. ლორთქიფანიძის, გ. მჭედლიძისა და გ. გაბუნიას მონოგრაფიები).

ბაგრატი III სრულიად სამართლიანად იმსახურებს ზედწოდებას „გამაერთიანებელი“. ეს არის მთელი მისი მოღვაწეობის ყველაზე დიდი შედეგის ერთი სიტყვით გადმოცემა, ამიტომაც, გადაჭარბებული არ იქნება, თუ მას „გამაერთიანებლის“ სახელით მოვიხსენიებთ (ამ ზედწოდებითაა ბაგრატი III მოხსენიებული გ. მჭედლიძის მონოგრაფიაში).

ბაგრატი III-ის დაბადების ზუსტი თარიღი ჩვენთვის უცნობია. მაგრამ თუ იმას გავითვალისწინებთ, რომ 975 წლისათვის ის ჯერ კიდევ მცირეწლოვნად ითვლებოდა, ხოლო 978-980 წლებში უკვე დამოუკიდებლად შეეძლო თავისი პოლიტიკის წარმართვა, მაშინ სავარაუდოდ, იგი X საუკუნის 50-60-იანი წლების მიჯნაზე შეიძლება დაბადებულიყო. უკვე პატარაობის ასაკში ბაგრატი III იმიერ ტაოს მეფემ დავით კურაპალატმა იშვილა. ამით ორად გაყოფილი ტაოს სამეფოს კვლავ გამთლიანების პერსპექტივა შეიქმნა. 975 წელს ქართლის ერისთავის იოანე მარუშისძის ინიციატივით ბაგრატი III ქართლში ჩამოიყვანეს და ქართლის ერისთავად დასვეს. უფლისციხეში ბაგრატის გამთავრებას სიმბოლური მნიშვნელობა ჰქონდა. ამით ხაზი გაესვა აფხაზთა მეფეთა ტახტზე მის მემკვიდრეობას. დასავლეთ საქართველოში თეოდოსის მეფობისას მეტად მძიმე პოლიტიკური ვითარება შეიქმნა. ამას დემატა უსინათლო თეოდოსის უშვილობა. ფაქტობრივად აფხაზ მეფეთა საგვარეულოში ერთადერთი ვაჟი მემკვიდრე დარჩენილი იყო თეოდოსის დისშვილი ბაგრატი უფლისწული. აფხაზთა სამეფოში

მიღებული იყო, რომ ტახტის მემკვიდრეს გამეფებამდე ქართლის ერისთავის სახელო დაეკავებინა. დემეტრესა და თეოდოსის დროს ეს წესი ვერ შესრულდა მეფეთა უშვილობის გამო, და ამიტომაც ქართლის ერისთავად იოანე მარუშისძე დაინიშნა. მაგრამ მას შემდეგ რაც გადნყდა ბაგრატ III-ის აფხაზეთში გამეფება, იგი პირველად სწორედ იმ ძველი ტრადიციისამებრ, ჯერ ქართლში გააერისთავეს და ამით საფუძველი მოუზადეს ქუთაისში მის გამეფებას, ხოლო სამი წლის შემდეგ, ისევ და ისევ, იოანე მარუშისძის მცდელობით და დავით კურაპალატის დასჭურით, ბაგრატ III ქუთაისში გადაიყვანეს და თეოდოსის თანამოსაყდრედ აკურთხეს.

მცირე ხნის შემდეგ, უსინათლო თეოდოსმა თავისი ნებით თუ იძულებით აფხაზეთა სამეფო მიატოვა და დავით კურაპალატთან წავიდა. ამიერიდან ბაგრატ III აფხაზეთა სამეფოს ერთპიროვნული მმართველი გახდა. მართალია, თეოდოსი ხელს არ უშლიდა ახალგაზრდა მეფეს ქვეყნის გაძლოლაში, მაგრამ მისი ქუთაისში ყოფნა, ბაგრატის მონინალმდეგე ფეოდალებს შეიძლება ცუდად გამოეყენებინათ. თეოდოსი ვინმესთვის პოლიტიკურ იარაღად რომ არ ქცეულიყო, იგი აფხაზეთა სამეფოს გაარიდეს და ტაოში გაისტუმრეს.

აფხაზეთის სამეფოში ხელისუფლების განმტკიცების შემდეგ ბაგრატ III-მ შიდა ქართლისთვისაც მოიცალა. მით უმეტეს, რომ მეფე კარგად უწყოდა, რომ აფხაზეთა სამეფოს შემადგენლობაში მოქცეულ შიდა ქართლში მის წინააღმდეგ მიმართული მოძრაობა იყო დაწყებული. დაგვიანების შემთხვევაში საქმე შეიძლება უფრო გართულებულიყო.

ბაგრატ III დიდი ლაშქრით შიდა ქართლში გადავიდა. მან თილვას დაიბანაკა. სწორედ აქ მოელოდა იგი განდგომილი ქართლის აზნაურების ჯარს, რომელსაც ქვეთარ ტბელი სარდლობდა. გადამწყვეტ ბრძოლაში ბაგრატ III-მ გაიმარჯვა და უფლისციხესაც დაეპატრონა

აფხაზეთა სამეფოს ერთიანობის აღდგენის შემდეგ, ბაგრატ III-მ ურჩი ყრმებისთვის მოიცალა. 988 წლის ახლო ხანებში მან იერიში მიიტანა რატი ბაღვაშზე. ამ უკანასკნელმა მოახერხა ეს კონფლიქტი დავით კურაპალატსა და ბაგრატ III-ს შორის დაპირისპირებაში გადაქხარდა. რატიმ დავითი დაარწმუნა, რომ ბაგრატი „არა სადა

ნარვალს სსუაგან, არამედ განმზადებულ არს სიკუდილად შენდა“. კლდეკარის ერისთავმა და მისმა მომხრეებმა იმდენი შეძლეს, რომ დავითი შვილობილის ლალატში დააჯერეს და მის წინააღმდეგ აამხედრეს. იმერ ტაოს მეფემ ჯარი შეჰყარა და თრიალეთისკენ დაიძრა. მოწინააღმდეგეები ერთმანეთის საპირისპიროდ დაბანაკდნენ. გადამწყვეტ მომენტში ბაგრატ III მცირე ამალის თანხლებით ეახლა დავით კურაპალატს და ვითარების განმუხტვას შეეცადა. „მატიანე ქართლისას“ თქმით, ბაგრატ III-მ თავის მამობილს მიმართა: „სხუსა არა რომლისთვის მოვედ, გარნა არა მორჩილებისათვის რატიისა“. ბოლოს და ბოლოს, ეს კონფლიქტი უსისხლოდ მოგვარდა. რამდენიმე ხნის შემდეგ ბაგრატ III-მ კიდევ ერთხელ ილაშქრა რატი ერისთავის წინააღმდეგ და თრიალეთში ბაღვაშთა თითქმის დამოუკიდებელ მმართველობას ბოლო მოუღო. ამავე პერიოდში მოხდა კიდევ ერთი ფაქტი, რომელმაც თითქმის საუკუნის მანძილზე განსაზღვრა საქართველო-ბიზანტიის ურთიერთობა. 987-989 წწ. ბიზანტიაში იფეთქა ბარდა ფოკას აჯანყებამ. დავით III კურაპალატი მეამბოხეთა მხარეზე დადგა. ფოკას გამოსვლის დამარცხების შემდეგ, კეისარი აჯანყების მონაწილეებისა და მათ მომხრეთა დასჯას შეუდგა. ქართველმა კურაპალატმა იმპერატორის რისხვის თავიდან ასაცილებლად დანაშაულის პატიება ითხოვა. ბასილი II-მ მხოლოდ ერთი პირობით უარი თქვა დავით კურაპალატის დასჯაზე: თუ ეს უკანასკნელი ფიცს დადებდა, რომ გარდაცვალების შემდეგ მისი სამეფო მემკვიდრეობით ბიზანტიას გადაეცემოდა. ასეთ ექსტრემალურ პირობებში დავით კურაპალატი იძულებული გახდა მიეღო ეს წინადადება. ამდენად, 989 წლის შეთანხმებით იმიერ ტაოს სამეფო მეფის გარდაცვალების შემდეგ იმპერიის მფლობელობაში გადადიოდა. დაპყრობის ამგვარ ფორმას საკმაოდ მოხერხებულად იყენებდა ბიზანტიის იმპერია. ამ მოვლენას ჩვენ შეიძლება ვუნოდოთ – ეტაპობრივი ინკორპორაციის პროცესი. პირველ ეტაპზე მზადდებოდა ერთგვარი იურიდიული საფუძველი ამა თუ იმ სამეფოს ბიზანტიასთან შეერთებისა, ხოლო შემდეგ „კანონიერების“ დაცვით ხდებოდა ამ ტერიტორიის დაპყრობა. X-XI საუკუნეებში მარტო აღმოსავლეთში ამ გეგმით ბიზანტიელებმა მოახერხეს ტარონის, იმიერ ტაოს, ვასპურაკანისა და ანისის სამეფოების

დაპყრობა. უნდა ვაღიაროთ, რომ, პოლიტიკური თვალსაზრისით, ეს იყო მართლაც გენიალურად მოფიქრებული გეგმა.

1001 წელს დავით კურაპალატის გარდაცვალების შემდეგ, ანდერძისამებრ, იმიერ ტაოს ბიზანტიელი იმპერატორი ბასილი II დაეპატრონა (ამ ფაქტის შესახებ ვრცლად ვისაუბრებთ სპეციალურ ნაწილში, რომელიც ტაო-კლარჯეთის ბეგრაციონებს მიეძღვნება – ვ. ს.). ბასიანში ჩამოსულ ბასილს ეახლნენ ბაგრატ III და გურგენ მეფეთ მეფე. ქართული წყაროების ცნობით, იმპერატორს მამა-შვილი საგანგებოდ დაუსაჩუქრებია და თან ბიზანტიური ტიტულები უბოძებია – ბაგრატ III-სათვის კურაპალატობა, ხოლო გურგენ მეფეთ მეფისათვის, შედარებით დაბალი ხარისხი – მაგისტროსობა. სხვათა შორის იმდროინდელი ქართული საზოგადოება ადვილად ჩასწვდა ბასილი II-ის ვერაჯულ ჩანაფიქრს. მას, ამით მამა-შვილის გადაკიდება სურდა და მათ შორის, შურის ნიადაგზე, შუღლის ჩაგდება უნდოდა. სუმბატ დავითის ძის მითითებით: „და მოსცა მათ ბასილი მეფემან პატივი – გურგენს მაგისტროსობა და ბაგრატს კურაპალატობა, რათამცა ვითარ მტერ ყვნა ერთმანერთისა მიმართ მამა-ძენი ესე, და ამით ღონითა იძმა-ცუა. ხოლო გურგენ ქეშმარიტი და მართალი იყო და ვერა აღძრა გული მისი ზაკუთა ამით მიწეხითა და ვერა უძლო ღონისძიებითა“. ამასთანავე, ბასილი II მოერიდა დავით კურაპალატის მამულების სრულ დაპყრობას და ამიტომ, იმიერ ტაოს სამეფოს ნაწილი სიცოცხლის ბოლომდე ფლობის უფლებით ბაგრატ III-ს დაულოცა.

ბაგრატ III-ის ხელისუფლება განსაკუთრებით გაიზარდა XI საუკუნის დასაწყისიდან, როდესაც აფხაზთა სამეფო იწყებს თავის გარშემო საქართველოს გაერთიანებას. 1008 წელს გარდაიცვალა გურგენ მეფეთ მეფე და ბაგრატ III, როგორც მემკვიდრე, ამიერ ტაოს სამეფოს უფლება. 1008-1010 წწ. ბაგრატი კახეთ-ჰერეთის შემოერთებისათვის იბრძვის. მან კვირიკე კახთა მეფე ბოჭორმის ციხეში შეამწყვდია. მცირე ხნის შემდეგ ციხეც აიღო, კვირიკე თავისთან წამოუყვანია და „დაიპყრა სრულადად ჰერეთი და კახეთი“.

დაახლოებით 1011-1012 წწ. ბაგრატ III განძის ამირა ფადლონზე ლაშქრობს. ამ სამხედრო კამპანიაში მონაწილეობდა გაგვი სომეხთა მეფეც, რომელსაც ასევე აწუხებდა განძის საამიროს გაძლიერება.

მოკავშირეებმა ბრწყინვალე გამარჯვება მოიპოვეს. ფადლონმა საგანგებო ხელშეკრულებით გააფორმა თავისი ვალდებულება ბაგრატ III-ს წინაშე.

საქართველოს გაერთიანებისათვის ბრძოლაში ბაგრატ III უკომპრომისო იყო. მან საკუთარი ნათესავები – კლარჯეთის ერისთავებიც არ დაინდო. ქართულ წყაროებში ისინი „კლარჯ ხელმწიფეებად“ არიან მოხსენიებული. მემატინანე აღნიშნავს, რომ სუმბატ არტანუჯელი და მისი ძმა გურგენი, ბაგრატის მამიდაშვილები ყოფილან. 1011 წლის ახლო ხანებში მეფემ ისინი სტუმრად ფანასკურტის ციხეში მიიწვია და შეიპყრო, მათი ოჯახი კი ამონყვიტა. მხოლოდ ბაგრატ სუმბატის ძე და დემეტრე გურგენის ძე გადაურჩნენ მახვილს და თავი ბიზანტიას შეაფარეს.

ბაგრატ III-ის ცხოვრების ბოლო წლების შესახებ წყაროებში არაფერია აღნიშნული. მემატინანე მხოლოდ მოუთითებს: „ამისა შემდგომად ბაგრატ მეფემან მოვლო ყოველი სამეფო თჳსი, აფხაზეთი, ჰერეთი და კახეთი, მოვიდა და დაიხამთრა კევთა ტაოსათა. და მო-რა-ინია ზაფხული, მოვიდა მასვე ციხესა ფანასკურტისასა“. სწორედ აქ, ფანასკურტის ციხეში 1014 წლის 7 მაისს, პარასკევ დღეს გარდაიცვალა ბაგრატ III. ანდერძისამებრ ზვიად მარუშიანმა მეფე აფხაზეთში წაასვენა და ბედიამი დაკრძალა.

საოცრად კონტრასტულია ბაგრატ III-ის პიროვნება. თავისი პოლიტიკური მიზნის მისაღწევად იგი არ ერიდებოდა ომსა და სისხლისღვრას, ნათესავების ამონყვიტასაც კი. მეფე ყველაფერს აკეთებდა იმისათვის, რომ საქართველო ამიერკავკასიის ხალხებისათვის პოლიტიკურ და კულტურულ ცენტრად ქცეულიყო. თვით მშენებლობაშიც კი მომავალი ძლიერი საქართველოს იდეა იყო ჩადებული. მნახველი უნდა განეცვიფრებინა ამ შესანიშნავ ტაძრებს, ისინი „აფხაზთა სამეფოს“ ძლევამოსილებაში დაერწმუნებინა. ბაგრატ III საკმაოდ მოხერხებულად უთავსებდა ერთმანეთს დიპლომატიასა და სამხედრო ძალის გამოყენებას. მან იცოდა რომელი ხერხი ვის წინააღმდეგ მიემართა. ბიზანტიასთან თუ ბაგრატ III მშვიდობისმოყვარე პოლიტიკას ატარებდა და არ ამწვავებდა ურთიერთობას, ამიერკავკასიის წერილ-წერილი სამეფო-სამთავროების მიმართ იგი აქტიურ სამხედრო ექსპანსიას ეწეოდა.

ამ დროისათვის ქართული პოლიტიკა ძირითადად ამიერკავკასიაში ჰეგემონიისაკენ იყო მიმართული. ქართველი მემკვიდრე განცხადებით: „ბაგრატ მეფემან კურაპალატმან დაიპყრა ყოველი კავკასია თვთმპყრობელობითა ჯიქეთითგან ვიდრე გურგენადმდე, და ადარბადაგანი და შირვანი მოხარკე ყო სომხითისა კელმნიფებითა. მეფე სპარსთა მეგობარ და ერთგულ ყო სიბრძნითა და ძლიერებითა თუსითა, უფროს სახლულთა თუსთასა, და ბერძენთა მეფესაცა შიში აქუნდა ამისი ყოვლადვე“.

გურგენ მეფეთ მეფე – ბაგრატ III-ის მამა. ამიერ ტაოს მეფე. ვრცლად მის შესახებ ჩვენ ვისაუბრებთ ტაო-კლარჯეთის ბაგრატიონებზე საუბრისას.

გურანდუხტ დედოფალი – ბაგრატ III-ის დედა. აფხაზთა მეფის გიორგი II-ის ასული. მის შესახებ საგანგებოდ ვისაუბრებთ გურგენ მეფეთ მეფის ოჯახზე საუბრისას.

მართა დედოფალი – ბაგრატ III-ის მეუღლე. დედა გიორგი I-სა. ქართულ წყაროებში იგი არ იხსენიება. მის შესახებ თითქმის არაფერია ცნობილი. მას მხოლოდ ორიოდ წარწერაში ვხვდებით. თუმცა ალსანიშნავია, რომ ამ წარწერების წყალობით დედოფლის მხოლოდ სახელის დადგენა შესაძლებელი. ბრეთის ვერცხლის ჯვრის წარწერაში ვკითხულობთ: „ქ. დაამყარე და აღიდე ბაგრატ, აფხაზთა მეფე ძეი მეფეთა მეფისა გურგენისი. ქრისტე შეინყალე მართა დედოფალი“. თ. ჟორდანიამ აქ მოხსენიებული მართა დედოფალი ბაგრატ III-ის მეუღლედ მიიჩნია. მანვე მოიხმო მ. ბროსეს წაკითხული გელათის ჯვრის წარწერაც, რომელიც ერთგვარად ამბობდა ამ მოსაზრებას. წარწერაში ნათქვამია: „ქ-ე შ-ე სული მეფისა პანკრატისა და დედოფლისა მართასი და ძე მათი მეფეთა მეფე გიორგი“. ვფიქრობთ, არც ის ფაქტი უნდა იყოს შემთხვევითი, რომ გიორგი I-მა თავის ერთ-ერთ ასულს მართა შეარქვა, იქნებ სწორედ დედის საპატივცემულოდ. ბაგრატ III-ის მეუღლე, ოღონდ სახელის გარეშე, მოხსენიებულია ბაგრატის ტაძრის წარწერაში: „მეუფეო, მფლობელო ყოველთა სუფევა“.

თაო, უმეტესად ადიდე ძლიერი ბაგრატ კურაპალატი, აფხაზთა და ქართველთა მეფე, თანა: მამით, დედით, დედოფლით და ძით მათით, ამენ".

გიორგი - ბაგრატ III-ის ვაჟი, საქართველოს მეფე 1014-1027 წლებში, იხ. *გიორგი I*.

ლიტერატურა

1. ა. აბდლაძე, ამიერკავკასიის პოლიტიკურ ერთეულთა ურთიერთობა IX-XI საუკუნეებში, თბ., 1988.
2. გ. გაბუნია, საქართველო X საუკუნის ბოლო მეოთხედში და XI საუკუნის დასაწყისში, ქუთაისი, 1997.
3. რ. გოგოლაური, ბაგრატ კურაპალატის სამართლის ავტორის ვინაობისათვის, კრ.: მესხეთი, ტ. III, თბილისი-ახალციხე, 1999.
4. ვ. გუჩუა, ბაგრატ III, ქართული საბჭოთა ენციკლოპედია, ტ. II, თბ., 1977.
5. ა. თოფურია, აღმოსავლეთ ამიერკავკასიის პოლიტიკური ერთეულები XI-XII საუკუნეებში, თბ., 1975.
6. ვ. კოპალიანი, საქართველოსა და ბიზანტიის ურთიერთობა 970-1070 წლებში, თბ., 1969.
7. მ. ლორთქიფანიძე, ზ. პაპასჭირი. ერთიანი ქართული სახელმწიფოს წარმოქმნა და მისი დიპლომატიური უზრუნველყოფა, წიგნ.: ქართული დიპლომატიის ისტორიის ნარკვევები, I ნაწ., თბ., 1998.
8. მ. ლორთქიფანიძე, მეფე ბაგრატ მესამე, ქუთაისი, 2002.
9. მათიანე ქართლისა, ქართლის ცხოვრება, ტ. I, ტექსტი დადგენილია ვველა ძირითადი ხელნაწერის მიხედვით ს. ყაუხჩიშვილის მიერ, თბ., 1955.
10. გ. მელიქიშვილი, ფეოდალური საქართველოს პოლიტიკური გაერთიანება და საქართველოში ფეოდალურ ურთიერთობათა განვითარების ზოგიერთი საკითხი, თბ., 1973.
11. დ. მუსხელიშვილი, საქართველოს ისტორიული გეოგრაფიის ძირითადი საკითხები, თბ., 1980.
12. გ. მჭედლიძე, ბაგრატ III-ის საქართველო, ქუთაისი, 1996.
13. ზ. პაპასჭირი, ერთიანი ქართული ფეოდალური სახელმწიფოს წარმოქმნა და საქართველოს საგარეო-პოლიტიკური მდგომარეობის ზოგიერთი საკითხი, თბ., 1990.
14. თ. პაპუაშვილი, რანთა და კახთა სამეფო, თბ., 1982.
15. თ. ფორდანია, ქრონიკები და სხვა მასალა საქართველოს ისტორიისა, ტ. I, ტფ., 1892.
16. ჯ. სამუშია, ბაგრატიონთა სამეფო სახლის გენეალოგიიდან, წიგნ.: ჯ. სამუშია, ნარკვევები შუა საუკუნეების საქართველოს ისტორიიდან, წიგნ.: I, თბ., 1999.

17. ბ. სილოგაძე, იაპია ანტიოქიელის ცნობები საქართველო-ბიზანტიის ურთიერთობის შესახებ X ს-ის ბოლო მეოთხედსა და XI ს-ის პირველ მეოთხედში, კრ.: ქართული წყაროთმცოდნეობა, ტ. VI, თბ., 1985.
18. ვ. სილოგაძე, ფეოდალური საქართველოს პოლიტიკური გაერთიანებისათვის ბრძოლის ქრონოლოგიიდან (კახეთის შემოერთება 1003 წ.), კრ.: მრავალთავი, XIX, 2001.
19. ვ. სილოგაძე, ეპიგრაფიკული მასალა ბაგრატის ტაძრიდან და მისი მიდამოების არქეოლოგიური გათხრებიდან, კრ.: ქუთაისის უნივერსიტეტის მოამბე, № 4, 1995.
20. სუმბატ დავითის ძე, ცხოვრება და უწყება ბაგრატიონიანთა, ტექსტი გამოსაცემად მოამზადა, გამოკვლევა, შენიშვნები და საძიებლები დაურთო გონელი არახამიამ, თბ., 1990.
21. ქართული ლაპიდარული წარწერების კორპუსი, ტ. II, დასავლეთ საქართველოს წარწერები, ნაკვ.: I (IX-XIII სს.), შეადგინა და გამოსაცემად მოამზადა ვალერი სილოგაძემ, თბ., 1980.
22. ე. ცაგარეიშვილი, სომხური წყაროები საქართველო-ბიზანტიის ურთიერთობის შესახებ X-XI საუკუნეებში, კრ.: მრავალთავი, ტ. II, თბ., 1973.
23. ივ. ჯავახიშვილი, ქართველი ერის ისტორია, წიგნ.: II, ივ. ჯავახიშვილი, თხზულებანი თორმეტ ტომად, ტ. II, თბ. 1983.
24. З. В. Алчабадзе, Из истории средневековой Абхазии, Сухуми, 1959.
25. М. Лорткпанидзе, Из истории грузино-византийских взаимоотношений на грани X-XI вв., კრ.: საქართველოს ფეოდალური ხანის ისტორიის საკითხები, ტ. II, თბ., 1972.
26. М. Д. Лордкипанидзе, История Грузии XI – пачало XIII века, Тб., 1974.
27. Г. Н. Чубинашвили, Грузинское чеканное искусство, Тб., 1959.



ბიჭვანი I


გიორგი I. ბიბლიოტეკური მინიატურა.

გიორგი I-ის ოჯახი

საქართველოს მეფეს გიორგი I-ს (1014-1027) საცამოდ მრავალრიცხოვანი ოჯახი ჰყავდა. მართალია, გიორგი I სრულიად ახალგაზრდა გარდაიცვალა, მაგრამ იგი ამ დროს უკვე ხუთი შვილის მამა იყო. „მატიანე ქართლისას“ ავტორი საგანგებოდ დასძენს: „ესხნეს შვილნი ოთხნი: ძენი ბაგრატ და დემეტრე, და ასულნი გურანდუხტი და კატა; მესხუთე შვილი მათი მართა მიცვალებულ იყო“.

გიორგი I-ის მეუღლე მარიამ დედოფალი ვასპურაკანის სომხური სამეფოს მეფის სენექერიმ არწრუნის შვილი გახლდათ. მარიამს, გიორგისაგან შეეძინა ვაჟი ბაგრატი, მომავალი საქართველოს მეფე ბაგრატ IV (1027-1072) და ასულები, გურანდუხტი, მართა და კატა.

გიორგი I-ის მეორე მეუღლე იყო ოსთა მეფის ასული ალდე, რომელთანაც მეფეს ერთადერთი ვაჟი – დემეტრე უფლისწული ჰყავდა.



გიორგი I, საქართველოს მეფე 1014-1027 წლებში. იგი სრულიად ახალგაზრდა იყო, როდესაც საქართველოს სამეფო ტახტი დაიკავა. მემატიანე საგანგებოდ აღნიშნავს, რომ „ხოლო ესე გიორგი ეუფლა ყოველსა მამულსა და სამეფოსა თუსსა ჟამსა ოდენ სიყრმისა და

სიჭაბუკისა მისისასაო“. რა თქმა უნდა, ბაგრატ III-ის მიერ შექმნილი სახელმწიფოს გაძლოდა არც ისე ადვილი იყო, მითუმეტეს ახალგაზრდა მონარქისათვის.

როდის დაიბადა გიორგი I?

ამ საკითხთან დაკავშირებით, ქართულ წერილობით წყაროებში ერთმანეთის საწინააღმდეგო ცნობებია შემონახული. გამსახვევებაა არა მარტო მემატიაანეთა ცნობებში, არამედ ერთი და იგივე წყაროს სხვადასხვა ხელნაწერს შორისაც კი. „მატიანე ქართლისას“ თხზულების ანასაეულ (A) და ჭალაშვილისეულ (C) წესხებში აღნიშნულია, რომ გიორგი I 12 წლის გამეფებულა. მაშასადამე, იგი 1002 წელს უნდა იყოს დაბადებული. იმავე წყაროს მარიამისეულ (M), თეიმურაზისეულ (T) და მაჩაბლისეულ ხელნაწერში კი თექვსმეტი („ათექუსმეტი“) წელია აღნიშნული. „მატიანე ქართლისას“ დანარჩენ გვიანდელ წესხებში 18 წელია მითითებული. სწორედ ამ უკანასკნელ ვარაუდს ეთანხმება სუმბატ დავითის ძე. ამ მონაცემთა გათვალისწინებით გიორგი შეიძლება დაბადებულიყო 996, ან 998, ან არადა 1002 წელს. ამჟამად ჭირს იმის გადამწყვეტით თქმა, რომელ ამ თარიღთაგანს შეიძლება მიენიჭოს უპირატესობა. ერთი რამ შეიძლება აღინიშნოს, რომ ანასეული და ჭალაშვილისეული წესხების ინფორმაციები ამკარად გადასახედია. იგი შემდეგდროინდელ გადამწერთა მიერ დაშვებული შეცდომიდან უნდა მომდინარეობდეს. ამის თქმის უფლებას გვაძლევს ის ფაქტი, რომ 12 წლის ადამიანს ძველად საქართველოში „ყმას“ უწოდებდნენ, ეს მაშინ, როცა მემატიაანესთან აღნიშნულია, რომ გიორგი უფლისწული გამეფებისას ყოფილა „სიყრმისა და სიჭაბუკის“ ასაკში. ახალგაზრდა მეფე „ყრმა“ კი არ არის, არამედ იგი „სიჭაბუკის“ ასაკშია უკვე გადასული. ასეთი კი შეიძლება იყოს 16 ან 18 წლის ახალგაზრდა და არავითარ შემთხვევაში 12 წლის ბავშვი. ამდენად გიორგი I-ის დაბადების თარიღად, სავარაუდოდ, შეიძლება ვცნოთ 996 ან 998 წელი.

გიორგი I-ს ტახტზე ასვლისთანავე ქვეყნის საგარეო-პოლიტიკური მდგომარეობა გართულდა. ბიზანტიის იმპერატორმა ახალგაზრდა მონარქს გამეფებისთანავე შეახსენა, რომ მამამისს – ბაგრატ III-ს, დავით კურაპალატის მამულებიდან სიცოცხლის ბოლომდე ფლობის უფლებით გარკვეული ტერიტორიები ეკავა. ამჟამად კი, ბასილ II მათ დათ-

მობას ითხოვდა. საქართველოს სამეფო კარმა უარით გაისტუმრა ბიზანტიელი ელჩები. ამის საპასუხოდ, იმპერატორმა სამხედრო რაზმები გამოგზავნა და ძალით შეეცადა ამ მიწების ხელთგდებას. ქართველმა მხედრობამ, გიორგი I-ის სარდლობით, მტერი დაამარცხა და ოლთისამდე სდია. ამ წარუმატებლობის შემდეგ, ბასილ II-მ დროებით შეაჩერა სამხედრო კამპანია ამიერკავკასიაში და მომავლისათვის გადასდო. ამ დროს ბიზანტიას არ ეცალა საქართველოსთვის, იგი ბალკანეთის ნახევარკუნძულზე იყო ჩაბმული ბულგარეთის სამეფოს წინააღმდეგ ომში. ორ ფრონტზე ბრძოლა კი სახიფათო იყო იმპერიისათვის. ბალკანეთში შექმნილი ვითარების შესახებ კარგად უწყობდნენ საქართველოში და სამეფო კარი ცდილობდა ბიზანტია-ბულგარეთის ომი თავისი ინტერესებისათვის გამოეყენებინა. 1015-1018 წწ. გიორგი I-მა მთლიანად დაიკავა იმერ ტაო და ქვემო ბასიანის ტერიტორია. ქართველი მეომრები ზემო ბასიანის გარკვეულ ნაწილსაც დაუეფლნენ.

გიორგი I-ის გამეფებისას, მემატიანის სიტყვით, კახეთ-ჰერეთის ერისთავებს შეუპყრიათ საქართველოს ცენტრალური ხელისუფლების წარმომადგენლები და კვლავ დამოუკიდებლობა გამოუცხადებიათ. რა თქმა უნდა, წარმატებით დაწყებული ქვეყნის გაერთიანების პროცესი, ამით გარკვეულწილად ფერხდებოდა, მაგრამ, ვფიქრობთ, აქ ერთი მომენტია გასათვალისწინებელი. კახეთ-ჰერეთის სამეფოს აღორძინება არ ნიშნავდა იმას, რომ ეს სახელმწიფო, ამის შემდეგ, სრულ დამოუკიდებლობას აღწევდა. იგი „აფხაზთა და ქართველთა“ მეფის მორჩილი და ყმადნაფიცი უნდა ყოფილიყო. ამას გვაფიქრებინებს ის ფაქტი, რომ ამ მოვლენის შემდეგ, კახეთ-ჰერეთის სამეფო, ყოველთვის გიორგი I-ის მომხრე კოალიციის აქტიური წევრი იყო.

ამ დროს, გიორგი I, არა მარტო ბიზანტიის განდევნას ცდილობდა იმერ ტაოსა და ბასიანიდან, არამედ აქტიურად ერეოდა ამიერკავკასიის სახელმწიფოთა საქმიანობაში. 1017 წ. ანის-შირაკის მეფის გაგკ I-ის გარდაცვალების შემდეგ, სამეფო სისხლისმღერელმა ომმა მოიკვა. ტახტის დასაუფლებლად ერთმანეთს დაუპირისპირდნენ გაგკის შვილები, ჰოვჰანეს-სუმბატი და აშოტი. როგორც სომხურ წერილობით წყაროებშია მოთხრობილი, ძმებს შორის ატეხილ უთანხმოებაში ჩარეულა საქართველოს მეფე გიორგი I. არისტაკეს ლასტივერტეცი დასძენს: „მათთან მოვიდა აფხაზთა მეფე გიორგი და მშვიდობიანად

შეარება ისინი... სუმბატს (ასაკის) უფროსობის გამო (გიორგიმ) მისცა წილი: ანისის ციხე, მის გარშემო მდებარე გავარებიტურთ, ხოლო აშოტს – ქვეყნის შიდა მხარე, რომელიც სპარსეთს და საქართველოს უყურებდა". ანის-შირაკის სამეფოს საქმეებში თუ გიორგი I უშუალოდ ერეოდა, მეორე სომხურ სახელმწიფოსთან – ვასპურაკანის სამეფოსთან მას მოყვარული ურთიერთობა ჰქონდა. გიორგი I-ის მეუღლე მარიამ დედოფალი ვასპურაკანის მეფის სენექერიმ არწრუნის ასული იყო. ამ ქორწინებასაც გარკვეული პოლიტიკური სარჩელი უნდა დებოდა. გიორგი I აღმოსავლეთში ქმნიდა საკმაოდ დიდ ალიანსს ბიზანტიის იმპერიის წინააღმდეგ, რამეთუ საქართველოს სამეფო კარი კარგად უწყობდა, რომ გადამწყვეტი ომი იმპერიასთან ჯერ კიდევ წინ იყო. სწორედ ამ პოლიტიკის გამოძახილი უნდა ყოფილიყო გიორგი I-ის კავშირი ეგვიპტის ფატიმიდ ხალიფასთან ალ-ჰაქიმთან.

1018 წელს ქ. დრაჩის გარემოცვისას გარდაიცვალა ბულგარეთის მეფე ივანე ვლადისლავი. ეს იქცა მრავალი ბულგარელი დიდებულის კაპიტულაციის მიზეზად. ბულგარეთის პირველმა სახელმწიფომ თავის 340 წლიანი არსებობა შეწყვიტა. 1019 წელს იმპერატორი კონსტანტინოპოლში დაბრუნდა. ამიერიდან, ბასილი II-მ აღმოსავლური პოლიტიკისათვის მოიცალა. იმპერატორმა პირველად ალ-ჰაქიმის მოშორება გადწყვიტა. ამ დროს, გაურკვეველ ვითარებაში, ეგვიპტის ფატიმიდი ხალიფა გაუჩინარდა. იმთავითვე ყველას სერიოზული ეჭვი ჰქონდა, რომ ამ საქმეში ბიზანტიელთა ხელი უნდა ყოფილიყო გარეული. ალ-ჰაქიმის ჩამოშორების შემდეგ, ბასილი II-მ საქართველოს წინააღმდეგ ლაშქრობისათვის მოიცალა. იმპერატორმა ლაშქრობისათვის საჭირო სურსათი, ფურაჟი და იარაღი ანტიოქიაში გაგზავნა. ყველას ეგონა, რომ ბიზანტიელები სირიაში მიდიოდნენ სალაშქროდ. ყველაფერი კი კეთდებოდა იმისათვის, რომ გიორგი I-ის ყურადღება მოედუნებინათ. უეცრად, 1021 წელს ბასილი II-მ გზიდან ჯარები შემოატრიალა და საქართველოსკენ გამოილაშქრა. გიორგი I, როგორც ჩანს, მიხვდა ბიზანტიელთა მანევრს და მომზადებული დახვდა მტერს. ქართველთა ლაშქარი ბასიანში დაბანაკდა. ბიზანტიელთა და ქართველთა ჯარები რამდენიმე დღის განმავლობაში პირისპირ იდგნენ, მაგრამ ვერ გაბედეს შებრძოლება. გიორგი I-მა თავი აარიდა ბასიანის ველზე ბასილი II-ის ჯარებთან შებმასა და უკან დაიხია. იმპერიის სამხედრო ნაწილები

ქართველებს დაედევნენ. პირველი დიდი ბრძოლა ქართველების არიერ-გარდსა და ბიზანტიელთა ავანგარდს შორის მოხდა სოფ. შირიშნის მიდამოებში. ბრძოლაში ორივე მხარემ დიდი დანაკლისი განიცადა. გიორგი I იძულებული შეიქნა კვლავ უკან დაეხია და საქართველოს სიღრმეში გამაგრებულიყო. პასილი II-მ სასტიკად მოაოხრა სამხრეთი საქართველო და გამოსაზამთრებლად ტრაპიზონში დაბანაკდა. სამხედრო კამპანია 1022 წელსაც გაგრძელდა. ბოლოს და ბოლოს, გიორგი I იძულებული შეიქნა დაზავებულიყო ბიზანტიასთან. ზავის პირობების მიხედვით, ქართველები უარს ამბობდნენ დავით კურაპალატის სამფლობელოზე და კონსტანტინოპოლში მძევლად ტახტის მცირეწლოვან მემკვიდრეს ბაგრატ უფლისწულს აგზავნიდნენ.

ბასილი II-სთან წარუმატებელი ომის მოუხედავად, გიორგი I-ს არ შეუწყვეტია ბიზანტიის წინააღმდეგ ბრძოლა. საქართველოს მეფე შეეცადა, ამ დაპირისპირებაში ჩრდილო კავკასიის ჩაბმას. დაახლ. 1026 წლისათვის საქართველოს მეფე გაეყარა თავის პირველ ცოლს მარიამ დედოფალს და ოსთა მეფის ასულ აღდეზე დაქორწინდა. გიორგი I ცდილობს ახალი ანტიბიზანტიური კოალიციის ფორმირებას, მაგრამ ნადრევმა სიკვდილმა საქართველოს მეფის ეს გეგმა ჩაშალა. გარდაცვალებამდე მცირე ხნით ადრე გიორგიმ განძაზე ილაშქრა, მაგრამ უშედეგოდ.

გიორგი I 1027 წლის 16 აგვისტოს გარდაიცვალა თრიალეთში. დაკრძალეს ქუთაისში – ბაგრატის ტაძარში.

მარიამ დედოფალი – გიორგი I-ის მეუღლე, ვასპურაკანის მეფის სენექერიმ არწრუნის ასული. დაბადებული უნდა იყოს XI საუკუნის დასაწყისში.

1025 წლის ახლო ხანებში გიორგი I გაეყარა მარიამს და ცოლად ოსთა მეფის ასული მოიყვანა. სამეფო ოჯახში მომხდარ ამ კონფლიქტს პოლიტიკური სარჩული უნდა ჰქონოდა. ამის შემდეგ, საქართველოს მეფეს დიდხანს აღარ უცოცხლია და 1027 წლის აგვისტოში გარდაიცვალა. ტახტი დაიკავა მარიამისა და გიორგის ვაჟმა ბაგრატ IV-მ. ახლაგაზრდა მეფე ამ დროს მხოლოდ 9 წლის იყო და სახელმწიფო საქმეებს ფაქტობრივად მარიამ დედოფალი განაგებდა. სწორედ

ამიტომ იყო, რომ 1029-1030 წლებში ბიზანტიაში წასულ საქართველოს სამეფოს დელეგაციას სათავეში მარიამი ედგა. ბიზანტიიდან დაბრუნებულმა დედოფალმა თავის ვაჟს „მოართვა პატივი კურაპალატობისა“, ამასთანავე, მარიამმა ბაგრატ IV-ს ბიზანტიიდან ჩამოუყვანა მისი მომავალი მეუღლე ელენე დედოფალი.

ქვეყნის მართვაში მარიამ დედოფლის როლი საგანგებოდაა აღნიშნული „მატიანე ქართლისაში“. მას კონკრეტულ პოლიტიკურ გადაწყვეტილებებზე მიუწვდებოდა ხელი.

მარიამი კვლავ პოლიტიკური მოვლენების ეპიცენტრშია XI საუკუნის 40-იანი წლების შუა ხანებში. 1045 წლისათვის მარიამი ანისის სამეფოს მესვეურებმა ქვეყნის გამგებლად მიიწვიეს. ამ დროს ბიზანტიის იმპერია ცდილობდა ანისის სამეფოს ოკუპაციას და, ფაქტობრივად, მარიამ დედოფალს ამ აგრესიის შეჩერება უნდა მოეხდინა. ანისში დედოფალთან ერთად გაიგზავნა საქართველოს სამეფოს ჯარები და გავლენიანი დიდებულები. მაგრამ, იმდენად, მასშტაბური იყო ბიზანტიელთა აგრესია, რომ 1045 წლის შემოდგომაზე ქალაქი დაეცა და ანისის სამეფო იმპერიის გავლენის ქვეშ მოექცა. მარიამ დედოფალი ანისიდან კვლავ საქართველოში დაბრუნდა.

XI საუკუნის 50-იანი წლის დასაწყისში საქართველო კიდევ ერთმა ფართომასშტაბიანი სამოქალაქო ომმა მოიცვა. თურქ-სელჩუკთა ტყვეობიდან განთავისუფლებულმა ლიპარიტ ბაღვაშიმ ბიზანტიელთა დახმარებით მალევე აღიდგინა დაკარგული უფლებები საქართველოში და მთელ მესხეთს დაეპატრონა. ბაგრატ IV-მ, კონფლიქტის დარეგულირების მიზნით, იმპერატორ კონსტანტინე IX მონომახთან მოლაპარაკების გამართვა გადაწყვიტა და ბიზანტიას ეწვია. მეფის ამაღლებაში იყო მარიამ დედოფალიც. გიორგი მცირე „გიორგი მთაწმინდელის ცხოვრებაში“ საგანგებოდ მოგვითხრობს მარიამის ბიზანტიაში მოღვაწეობის შესახებ. კონსტანტინოპოლში საქართველოს დედოფალი დაემონაფა გიორგი მთაწმინდელს და „იკურთხა მის მიერ სქემითა“. შემონახვების შემდეგ, მარიამი მცირე ხანს კიდევ დარჩა კონსტანტინოპოლში.

სამშობლოში დაბრუნებულმა ბაგრატ IV-მ 1056 წელს თავისი ქალიშვილი მართა გაგზავნა ბიზანტიაში აღსაზრდელად. პატარა პრინცესას,

კონსტანტინოპოლში ბებია მარიამი მიეგება. გიორგი მცირეს თქმით, მართას ჩამოსვლისას „მასვე უამსა მარიამ დედოფალი, დედაჲ ბაგრატ მეფისა, მუნ იყო“.

საქართველოს დედოფალი დიდ ზრუნვას იჩენდა უცხოეთში არსებული ქართული ეკლესია-მონასტრების მიმართ. გიორგი მცირეს მითითებით, მას კონსტანტინე IX მონომახისაგან საგანგებოდ გამოუთხოვია „ლიტრაჲ ერთი როქად“ ათონის ქართველთა მონასტრისთვის. მარიამის მიერ ათონის ბერებისადმი დახმარება საგანგებოდაა აღნიშნული „ათონის ქართველთა მონასტრის საალაპე ნიგნში“. 15 აგვისტოს განწესებულ აღაპში ვკითხულობთ: „თუესა აგუსტოსსა იე, მარიამობაჲ. მარიამ დედოფალმან, ბაგრატ კურაპალატისა დედამან, ლიტრაჲ ერთი სოლიმნი შეგუქმნა ბერძენთა მეფისაგან, სალოცველად და საქსენებლად მისდა საუკუნოდ“.

ბიზანტიაში ყოფნისას მარიამ დედოფალს გადაუწყვეტია წმინდა ადგილთა მოსალოცად იერუსალიმში გამგზავრება. ამ დროს იერუსალიმის გარშემო მეტად მძიმე პოლიტიკური ვითარება სუფევდა. ბიზანტიელები შეეცადნენ, მარიამისათვის ხელი აეღებინებინათ განზრახულ მოგზაურობაზე. გიორგი მცირეს თქმით, მათ გიორგი მთანმინდელს სთხოვეს დედოფლის დაყოლიება. გიორგი მთანმინდელმა, მართალია, მოახერხა დედოფლისათვის უარი ეთქმევინებინა იერუსალიმში წასვლაზე, მაგრამ მან, სამაგიეროდ, თავად იცისრა მარიამის მიერ ქერივობოლთა, დატაკთა და ეკლესია-მონასტრებისათვის წამოღებული თანხის წმინდა ქალაქში ჩატანა. იერუსალიმიდან მშვიდობით დაბრუნებულმა გიორგი მთანმინდელმა მარიამი შავ მთაზე ინახულა. ამის შემდეგ მალევე მარიამი სამშობლოში გამოგზავრებულა.

ბაგრატ IV-ის გარდაცვალების დროს მარიამ დედოფალი ცოცხალია და მოხსენიებულია იმ პირთა შორის, რომლებმაც ინახულეს მომაკვდავი მეფე.

მარიამის გარდაცვალების ზუსტი თარიღი ჩვენთვის უცნობია. 1104 წ. რუის-ურბნისის საეკლესიო კრების „ძეგლისწერაში“ იგი უკვე გარდაცვალებულად იხსენიება. დოკუმენტში აღნიშნულია, რომ „წმიდასა დედოფლისა და ღმრთივ სულიერისა დედისა ჩვენისა მარიამ მონაზონისა საუკუნომცა არს ქსენებაჲ“.

აღდე დედოფალი – გიორგი I-ის მეორე ცოლი, ოსთა მეფის ასული. ქართული წყაროებიდან მას „მატიანე ქართლისა“ იხსენიებს. მისი სახელი კი შემონახულია ბიზანტიელ ავტორთან სკილიცე-კედრენესთან.

აღდე დედოფლის და გიორგი I-ის ქორწინება 1026 წლის პირველ ნახევარში უნდა მომხდარიყო. ახალი დინასტიური კავშირებით საქართველოს მეფე მიისწრაფოდა მძლავრი ანტიბიზანტიური კოალიციის შექმნისაკენ, მაგრამ მას ეს არ დაცალდა, ვინაიდან მალე გარდაიცვალა. ბაგრატ IV-ის გამეფების შემდეგ აღდე და მისი პირმშო დემეტრე უფლისწული ანაკოფიის ციხეში იმყოფებიან. 1033 წელს სამეფო კარი შეეცადა აღდესა და დემეტრეს ანაკოფიიდან გამოეყუებას, მაგრამ ვერ შესძლეს. აღდემ ანაკოფიაში ბიზანტიელები მოიწვია და მათ გადასცა ციხე, თავად კი კონსტანტინოპოლში წავიდა, სადაც გარკვეული ხანი ცხოვრობდა. შვილის – დემეტრე უფლისწულის გარდაცვალების შემდეგ, როგორც მოგვიანო წყაროებშია მოთხრობილი, აღდემ შვილიშვილი – დავითი თავის სამშობლოში – ოსეთში წაიყვანა და იქ გაამეფა. ბაგრატიონთა ოსეთის შტო სწორედ აქედან იღებს სათავეს, რომელსაც ეკუთვნოდა დავით სოსლანი.

უცნობია გარდაცვალების თარიღი და დაკრძალვის ადგილი.

ბაგრატი – გიორგი I-ის ვაჟი. საქართველოს მეფე 1027-1072 წლებში. იხ. **ბაგრატ IV**.

გურანდუხტ დედოფალი – გიორგი I-ის ასული. ტაშირ-ძორაგეტის მეფის სუმბატის მეუღლე.

გურანდუხტი პირველად მოიხსენიება, როდესაც „მატიანე ქართლისას“ უცნობი ავტორი გიორგი I-ის ასულებს ჩამოთვლის.

„მატიანე ქართლისა“ გურანდუხტ დედოფალს კვლავ უბრუნდება XI საუკუნის 50-იანი წლების ამბების გადმოცემისას. ბაგრატ IV-ის კონსტანტინოპოლში წასვლის შემდეგ, ქვეყანას მისი სახელით გიორგი უფლისწული განაგებდა. მაგრამ მეფეს დიდხანს მოუწია ბიზანტიაში დარჩენა. ამ დროს „აფხაზ მეფეთა“ ძალაუფლება რეალურად მხოლოდ დასავლეთ საქართველოს მოიცავდა. აღმოსავლეთ და სამხრეთ საქართველო ლიპარიტ ბაღვაშს ჰქონდა დაპყრობილი. როგორც ჩანს, კონსტანტინოპოლში გაფორმებული გარკვეული შეთანხმების შემდეგ

ლიპარიტ ბაღვაშმა ბორენა დედოფლისაგან და სამეფო კარისაგან გიორგი უფლისწული ითხოვა ერთიანი საქართველოს მეფედ. ბუნებრივია, ეს ქვეყნის ერთიანობის შენარჩუნების საქმეში წინ გადადგმული ნაბიჯი იყო და ამიტომ, სამეფო კარი კლდეკარის ერისთავის ამ წინადადებას უყოყმანოდ დათანხმდა. გიორგი უფლისწული რუისის ტაძარში მეფედ აკურთხეს. მემატიანე ამ ამბის გადმოცემისას აღნიშნავს: „მოიყვანეს საყდარსა რუისისასა და აკურთხეს მეფედ. და მოიყვანეს მზრდელად მისა ლიპარიტ და პატრონად დაჲ ბაგრატიისა გურანდუხტ დედოფალი“. „აფხაზთა და ქართველთა“ სამეფოში ახალი პოლიტიკური კონიუნქტურა შეიქმნა. ამ სიტუაციაში გურანდუხტ დედოფალი ერთ-ერთი მთავარი მოქმედი პირია. ლიპარიტ ბაღვაშთან ერთად იგი საქართველოს მმართველობაში მონაწილეობს. ლიპარიტი გიორგის „აღმზრდელია“, ხოლო გურანდუხტი – უფლისწულის „პატრონი“. გურანდუხტი რომ საქართველოს მეფის რეგენტი და მისი უფლებების აღმსრულებელია, კარგად ჩანს, „მატიანე ქართლისას“ განცხადებიდან, რომ სწორედ მის კომპეტენციაში ყოფილა ბიზანტიიდან ბაგრატ IV-ის გამოწვევა. მემატიანეს მითითებით, – „მოითხოვა გურანდუხტ ბაგრატ ბერძენთა მეფისაგანო“.

ბაგრატ IV-ის საქართველოში ჩამოსვლის შემდეგ გურანდუხტი უწინდებურად ასრულებდა თავის მოვალეობას და გიორგი უფლისწულის გვერდით იყო.

1064 წ. ალფ-არსლანის სამხრეთ საქართველოში შემოსევისას ბაგრატ IV თავის ოჯახთან ერთად ხეკრებულთან იდგა, მას „თანა ჰყვანდეს დედა, და დაჲ, და ძე მისი გიორგი ... და აყრისა მისისა ჟამსა მოუქდა ლაშქარი სულტანისა“. სამეფო ამაღამ მოახერხა მტერს დასხლტომოდა. ამ მოვლენის შემდეგ გურანდუხტს დიდხანს აღარ უნდა ეცოცხლა. ყოველ შემთხვევაში, 1072 წლისათვის იგი უკვე გარდაცვლილი ჩანს. ამას გვაფიქრებინებს მომავლადეი ბაგრატ IV-ის დედისადმი მიმართული სიტყვები: „დედაო, მენყალი შენ, რამეთუ ყოველნი შობილნი შენნი წარგუქციენ წინა და ეგრეთლა შენ მოჰყუდები“. მეფის სასიკვდილო სარეცელზე ნათქვამიდან, კარგად ჩანს, რომ ბაგრატის გარდა მარიამ დედოფლის ყველა შვილი ამ ხანებისათვის უკვე გარდაცვლილნი ყოფილან, მათ შორის, რა თქმა უნდა, გურანდუხტ დედოფალიც.

ისტორიოგრაფიაში აზრთა სხვადასხვაობაა გურანდუხტ დედოფლის მეუღლის ვინაობასთან დაკავშირებით.

სომეხი ისტორიკოსების – ს. ერემიანის, გ. მკრტუმიანის და სხვათა აზრით, გურანდუხტი ცოლად ჰყავდა ყარსის მეფეს გაგიკს. ამ ვარაუდის სანინააღმდეგო მოსაზრება გამოთქვა შ. დარჩიაშვილმა, რომლის მიხედვით გურანდუხტი ვანანდის (ყარსის) სამეფოში კი არ ყოფილა გათხოვილი, არამედ ტაშირ-ძორაგეტის სამეფოში. მეცნიერების აზრით, XI ს. 60-იან წლებში ტაშირ-ძორაგეტში ორმეფობაა. ამას ადასტურებს სანაჰირსა და ჰალბატის ეკლესიის წარწერები. ამ წარწერებში კვირიკესთან ერთად მეფედ იხსენიება მისი ძმა სუმბატიც. შ. დარჩიაშვილის აზრით, გურანდუხტ დედოფალი სწორედ სუმბატის მეუღლე უნდა იყოს.

მართა – გიორგი I-ის ასული, იგი მცირეწლოვანი გარდაიცვალა. 1027 წლისათვის იგი უკვე ცოცხალი აღარ ჩანს. „მატიანე ქართლისას“ ჩვენებით: „მეზუთე შვილი მათი მართა მიცვალებული იყო“.

კატა – გიორგი I-ის ასული. ქართულ წყაროებში ერთადერთჯერ გვხვდება. მარმაშენის მონასტრის წარწერაზე დაყრდნობით, ქართულ ისტორიოგრაფიაში გამოთქმულია მოსაზრება, რომ კატა 1033 წლისათვის უკვე გარდაცვლილი უნდა იყოს.

დემეტრე – გიორგი I-ის ვაჟი მეორე ქორწინებიდან. იგი დაახლოებით 1026-1027 წწ. მოჯნაზე უნდა დაბადებულიყო. მამის გარდაცვალების შემდეგ დედამისმა აღდემ პატარა უფლისწული ანაკოფიის ციხეში წაიყვანა. XI საუკუნის 30-იანი წლების დასაწყისში, ქართველ ფეოდალთა ნაწილს სურდა დემეტრეს გაშეფება, მაგრამ უფლისწულის მცირეწლოვნობის გამო ვერ შეძლეს.

1033 წელს დემეტრე უფლისწული დედამ ბიზანტიაში ჩაიყვანა. სკილიცე-კედრენეს ცნობით: „გიორგი აფხაზის მეუღლე აღდემ, ტომით ალანი, მიემხრო მეფეს და გადასცა მას უმტკიცესი ციხე ანაკუფე; მის ვაჟს დემეტრეს მეფემ უბოძა მაგისტროსის პატივი“. მოგვიანებით ბიზანტიელთა ნაქეზებით დემეტრემ რამდენიმეჯერ აუშალა ქვეყანა თავის ნახევარძმას ბაგრატ IV-ს.

1041 წელს კლდეკარის ერისთავმა „გამოიყვანა... დემეტრე, ძმა ბაგრატიისი, საბერძნეთით ბერძენთა მეფის ლაშქრითა“. აჯანყებულებმა ჯერ მესხეთში, შემდეგ კი შიდა ქართლში გარკვეულ წარმატებას მიაღწიეს, მაგრამ იმპერატორის სიკვდილმა განდგომილებს ხელი შეუშალა და მათ, საომარი მოქმედებები შეწყვიტეს. ბაგრატ IV და ლიპარიტ ბაღვაში ერთმანეთს დაუზავდნენ. ბიზანტიელთა ჯარმა საქართველო დატოვა.


მეორეჯერ დემეტრე საქართველოში თავის უფლებებისათვის საბრძოლველად ჩამოდის 1045 წლისათვის. ამჯერადაც მას განდგომილი ლიპარიტ ერისთავი ინვესს, მისი „კანონიერი“ უფლებების დამცველად კი ბიზანტიის იმპერია გვევლინება. მაგრამ 1046 წლის დასაწყისში გადამწყვეტი ბრძოლის დანებებამდე დემეტრე უეცრად გარდაიცვალა. დაკრძალვის ადგილი უცნობია.

დემეტრე უფლისწულს, სავარაუდოდ, კონსტანტინოპოლში უნდა შეერთო ცოლი, რომელთანაც შეეძინა ვაჟი დავითი. ეს უკანასკნელი ბებიაშ, მოგვიანებით, ოსეთში წაიყვანა და იქ გაამეფა.

ლიტერატურა

1. არისტაკეს ლასტივერტეცი, ისტორია, ქართული თარგმანი, გამოკვლევით, კომენტარებითა და საძიებლებით გამოსცა ე. ცაგარეიშვილმა, თბ., 1974.
2. შ. ბაღრიძე, შირიშნის ბრძოლის ლოკალიზაციისა და თარიღის შესახებ, წიგნ.: შ. ბაღრიძე, საქართველოს ურთიერთობა ბიზანტიასთან და დასავლეთ ევროპასთან, თბ., 1984.
3. გ. ბუაჩიძე, საქართველო, ბიზანტია და ფატიმიანთა სახალიფო (დიპლომატია და პოლიტიკური ბრძოლა 1014-1023 წლებში), კრ.: ქართული დიპლომატია, ტ. 4, თბ., 1997.
4. ვ. გაბაშვილი, საქართველო-ავეიპატის ურთიერთობის ისტორიიდან, თბილისის სახელმწიფო უნივერსიტეტის შრომები, ტ. 125, XII საუკუნის საქართველოს ისტორიის საკითხები, თბ., 1968.
5. გიორგი კედრენე, ისტორიული მიმოხილვა, გეორგია, ტ. V, ტექსტები ქართული თარგმანითურთ გამოსცა ს. ყაუხჩიშვილმა, თბ., 1963.
6. ვ. კობალიანი, საქართველოსა და ბიზანტიის პოლიტიკური ურთიერთობა 970-1070 წლებში, თბ., 1969.
7. მ. ლორთქიფანიძე, საქართველოს შინაპოლიტიკური და საგარეო ვითარება X ს-ის 80-იანი წლებიდან XI ს-ის 80-იან წლებამდე, წიგნ.: საქართველოს ისტორიის ნარკვევები, ტ. III, თბ., 1979.

8. მ. ლორთქიფანიძე, ზ. ჰაპასჭირი, საქართველოს სახელმწიფოს საგარეო პოლიტიკა და დიპლომატია XI საუკუნეში, წიგნ.: ქართული დიპლომატიის ისტორიის ნარკვევები, I ნაწ., თბ., 1998.
9. მატანე ქართლისა, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955.
10. გ. მაისურაძე, ნარკვევები საქართველოსა და სომხეთის ურთიერთობის ისტორიიდან IV-XII სს-ში, თბ., 2002.
11. რ. მეტრეველი, საქართველოს ისტორიის ერთი ფურცელი (ბიზანტია-ბულგარეთის 1014-1018 წწ. ომი და საქართველო), წიგნ.: რ. მეტრეველი, „და მოვიდეს ვარანგნი...“ (ისტორიულ-ფილოლოგიური ნარკვევები), თბ., 1988.
12. ზ. ჰაპასჭირი, ერთიანი ქართული ფეოდალური სახელმწიფოს წარმოქმნა და საქართველოს საგარეო-პოლიტიკური მდგომარეობის ზოგიერთი საკითხი, თბ., 1990.
13. ჯ. სამუშია, XI საუკუნის საქართველო-ბიზანტიის ურთიერთობის ისტორიიდან, კრ.: ქართული დიპლომატია, ტ. 9, თბ., 2002.
14. ბ. სილაგაძე, იაპია ანტიოქიელის ცნობები საქართველო-ბიზანტიის ურთიერთობის შესახებ X ს-ის ბოლო მეოთხედსა და XI ს-ის პირველ მეოთხედში, კრ.: ქართული წყაროთმცოდნეობა, ტ. VI, თბ., 1985.
15. სუმბატ დაეითის ძე, ცხოვრება და უწყება ბაგრატიონიანთა, ტექსტი გამოსაცემად მოამზადა, გამოკვლევა, შენიშვნები და საძიებლები დაურთო გონელი არახამიაშ, თბ., 1990.
16. ე. ცაგარეიშვილი, სომხური წყაროები საქართველო-ბიზანტიის ურთიერთობის შესახებ X-XI საუკუნეებში, კრ.: მრავალთავი, ტ. II, თბ., 1973.
17. ო. ცქიტიშვილი, მასალები საქართველოს საგარეო პოლიტიკის ისტორიიდან გიორგი I-ის მეფობის ხანაში, საქართველოს სსრ მეცნიერებათა აკადემიის შტენე, თბ., 1968.
18. ივ. ჯავახიშვილი, ქართველი ერის ისტორია, წ. II, ივ. ჯავახიშვილი, თბზულებანი თორმეტ ტომად, ტ. II, თბ., 1983.
19. М. Лордкипашидзе, История Грузии XI – начала XIII века, Тб., 1974.
20. К. Н. Юзбашиян, Армянские государства эпохи Багратидов и Византия IX-XII вв., М., 1988.




పాఠశాల IV

ბერატ IV-ის პორტრეტი არ არის შემორჩენილი

ბაგრატ IV-ის ოჯახი

საქართველოს მეფე ბაგრატ IV 45 წლის განმავლობაში ედგა ქვეყანას სათავეში. წარმატება და წარუმატებლობა მისი მეფობის თანამდევი იყო. მაგალითად, 1045 წლისათვის ბაგრატ IV აკონტროლებდა თითქმის მთელ საქართველოს, მისი გავლენის ქვეშ იყო მოქცეული ანისის სომხური სამეფო. იმავე წლის მიწურულს კი მთელი ეს წარმატება უკვე ისტორიის კუთვნილებად იყო ქცეული. მოუხედავად უამრავი წინააღმდეგობისა (ფეოდალთა გაუთავებელი გამოსვლები, ბიზანტიელთა და თურქ-სელჩუკთა შემოსევები...), ბაგრატ IV-ს შეეძლო ეზრუნა ქვეყნის საზღვრების გაფართოებისა და, საერთოდ, საქართველოს საერთაშორისო ავტორიტეტის გაზრდისათვის.

ბაგრატ IV-ის პირველი ცოლი ბიზანტიელი პრინცესა იყო, მაგრამ იგი საქართველოში ჩამოყვანისთანავე გარდაიცვალა. მეფეს მასთან შვილი არ შეეძინა. საქართველოს მეფის მეორე ცოლი ოსთა მეფის ასული ბორენა დედოფალი იყო. ბაგრატს მასთან ორი შვილი შეეძინა მართა და გიორგი. ქართულ ისტორიოგრაფიაში გამოთქმულია მოსაზრება, რომ ბაგრატ IV-ს მესამე შვილიც ჰყავდა მარიამი, მაგრამ ეს მოსაზრება დამატებით არგუმენტებს მოითხოვს.



ბაგრატ IV – საქართველოს მეფე 1027-1072 წლებში. დაიბადა 1018 წლისთვის. 1022 წელს, საქართველო-ბიზანტიის ხელშეკრულების ძალით, იმპერატორმა ბასილ II-მ იგი კონსტანტინოპოლში წაიყვანა მძევლად, სადაც პატარა უფლისწულმა სამი წელი გაატარა. 1025 წლისათვის მომავლადემა ბასილმა იგი სამშობლოში გამოაგზავნა. ქართველი დიდებულები უფლისწულს ტაოში მიეგებნენ და დიდი ზეიმით ჩამოიყვანეს ქუთაისში.

მამის გარდაცვალების შემდეგ ცხრა წლის ბაგრატმა სამეფო ტახტი დაიკავა. მონარქის მცირეწლოვნობის გამო ქვეყანას ფაქტობრივად მარიამ დედოფალი განაგებდა.

ძლიერი გიორგი I-ის გარდაცვალებით ისარგებლეს ცენტრალური ხელისუფლებისადმი მტრულად განწყობილმა ამიერ ტაოს ფეოდალებმა და თავიანთი ციხეები ბიზანტიელებს გადასცეს. ამ მოვლენას უშუალოდ მოჰყვა იმპერიის ჯარების საქართველოში შემოჭრა. 1028 წელს ნიკოლოზ პარაკიმომენის სარდლობით ბიზანტიელებმა საგულდაგულოდ მოარბიეს ჯავახეთი და თრიალეთი. მეორე სარდალმა იოანე ხარტიულარმა კი შავშეთ-კლარჯეთი დალაშქრა. ამ უკანასკნელთან ერთად იბრძოდა ბაგრატ III-ის მიერ ამოწყვეტილი კლარჯი ხელმწიფეების ნაშიერი დემეტრე.

1028 წელს იმპერატორ კონსტანტინე VIII-ის გარდაცვალებისთანავე საომარი მოქმედებები საქართველოში შეწყდა. ახალმა იმპერატორმა რომანოზ III არგიროსმა ნიკოლოზ პარაკიმომენი საქართველოდან გაიწვია. ამას მოჰყვა მარიამ დედოფლის ვიზიტი კონსტანტინოპოლში, რომელმაც საბოლოოდ დაარეგულირა საქართველო-ბიზანტიის პოლიტიკური ურთიერთობები. იმპერატორმა რომანოზ III-მ ბაგრატ IV-ს კურაპალატობის ტიტული უბოძა და მას ცოლად თავისი ძმისშვილი ელენე დედოფალი შერთო. ბაგრატ IV-სა და ელენეს ქორწილი ბანას ტაძარში გადაიხადეს.

1032 წლის ახლო ხანებში ელენე დედოფალი გარდაიცვალა და ამან მკვეთრად შეცვალა ქვეყნის პოლიტიკური კურსი. 1033 წელს ბიზანტიური გარნიზონები ანაკოფიის ციხეში ჩადგნენ. ამავე პერიოდში ლიპარიტი ბაღვაშია და ივანე აბაზასძემ მუხათვერდთან შეიპყრეს თბილისის ამირა ჯაფარი და ბაგრატ IV-ს მიჰგვარეს. მეფემ გარკვე-

ული პირობით ჯაფარი კვლავ თბილისში დააბრუნა. 1038 წლის ახლო ხანებში საქართველოს მეფემ, კლდეკარის ერისთავის ნაქეზებით, კვლავ შეუტია თბილისის საამიროს და ქალაქს ალყა შემოარტყა. მაგრამ ბოლო მომენტში ბაგრატ IV-მ, ლიპარიტ ბაღვაშთან შეუთანხმებლად, თბილისს გარემოცვა მოხსნა და კახეთ-ჰერეთზე ილაშქრა. ამან გაანაწყენა კლდეკარის ერისთავი და 1041 წლის დასაწყისში აჯანყების დროშა ააფრიალა. საქართველოში დაიწყო სამოქალაქო ომი, რომელიც თითქმის ორი ათეული წელი გაგრძელდა.

1045 წლისათვის ბაგრატ IV-ს თბილისის ბერები ეწვივნენ და ქალაქი გადასცეს. ამავე პერიოდში ანისის სამეფოში მმართველად ბაგრატ IV-ის დედა მარიამ დედოფალი მიიწვიეს. საქართველოს მეფე რამდენიმე ფრონტით დაუპირისპირდა ბიზანტიას, მაგრამ 1045 წლის მიწურულს მისი პოზიციები საგრძნობლად შეირყა. დასაწყისში ბიზანტიელებმა მარიამ დედოფალი და ქართველი დიდებულები ანისიდან გამოაძევეს და ქალაქს თავად დაეპატრონენ. ამის შემდეგ, ბერძნების ჯარით ზურგგამაგრებული ლიპარიტ ბაღვაში საქართველოში შემოიჭრა. ბაგრატ IV-მ თბილისი მიატოვა და ჯავახეთში დაბანაკდა, მაგრამ, ამჯერად, ცენტრალურ ხელისუფლებასა და აჯანყებულ ლიპარიტ ბაღვაშს შორის ბრძოლა არ მომხდარა. ბაგრატ IV-მ დაინახა რა, რომ ძალები არათანაბარი იყო, მიატოვა ჯავახეთი და დასავლეთ საქართველოში გადავიდა. გადამწყვეტი ბრძოლა 1046 წელს მოხდა სასირეთის ქალასთან. მიუხედავად იმისა, რომ ბაგრატ IV-ს მხარეზე იბრძოდნენ დაქირავებული ვარანგები (ვიკინგები), მეფე სასტიკად დამარცხდა. მცირე ხნის შემდეგ, ბაგრატ IV შეეცადა მდგომარეობის გამოსწორებას და ლიპარიტ ბაღვაშის დასასჯელად დიდი ლაშქრობა მოაწყო, მაგრამ, ამჯერადაც, არყის ციხესთან მეფემ მარცხი განიცადა.

სამოქალაქო ომმა უკიდურესად დაძაბა პოლიტიკური ვითარება ქვეყანაში. მართალია, 1048 წელს ლიპარიტის თურქ-სელჩუკთაგან შეპყრობის შემდეგ სამხრეთ საქართველოში კვლავ აღდგა ცენტრალური ხელისუფლების უფლებები, მაგრამ ეს წარმატებაც ხანმოკლე აღმოჩნდა. 1051 წელს ლიპარიტ ბაღვაში თურქთა ტყვეობიდან განთავისუფლდა და ბიზანტიელთა ჯარის თანხლებით კვლავ

საქართველოში შემოიჭრა. მოკლე ხანში კლდეკარის ერისთავმა კვლავ თავისი გავლენის ქვეშ მოაქცია სამხრეთ საქართველოს ძირითადი ციხეები. ბაგრატ IV-მ ქვეყნისათვის ამ მეტად კრიტიკულ ვითარებაში მიიღო ერთადერთი სწორი გადაწყვეტილება – იგი თავად ეახლა ლიპარიტ ბაღვაშის მფარველსა და მხარდამჭერს – ბიზანტიის იმპერატორს კონსტანტინე IX მონომახს.

კონსტანტინოპოლში წასვლამდე ბაგრატ IV-მ სამეფო თავის ვაჟს, გიორგის გადასცა. „დაუტევა ქუთათისს მეფედ სამეფოსა ზედა აფხაზეთისასა“ ... გიორგი უფლისწული და თავად „ნარვიდა საბერძნეთსო“, – დასძენს „მატიანე ქართლისას“ ავტორი. იმპერატორთან ჩასულ საქართველოს მეფეს საკმაოდ დიდი ხანი – სამი წელი მოუწია ბიზანტიაში დარჩენა.

კონსტანტინოპოლში საქართველოს მეფის საპატიო ტყვეობა, ბოლოს და ბოლოს, დასრულდა იმ გარიგებით, რომელიც კონსტანტინე მონომახის შუამდგომლობით დაიდო ლიპარიტ ბაღვაშსა და ბაგრატ IV-ს შორის.

1055 წლისათვის ბაგრატ IV კონსტანტინოპოლიდან საქართველოში ბრუნდება. მალე სამეფო კარმა ლიპარიტ ბაღვაშის შეპყრობაც მოახერხა და თავისი ძალუფლება აღმოსავლეთ და სამხრეთ საქართველოზე უწინდებურად განავრცო. 1060 წლისათვის ბაგრატ IV-მ შეძლო აბაზასძეთა საგვარეულოს წარმომადგენელთა შეპყრობა, რომელთაც მეფის მოკვლა ჰქონდათ განზრახული.

XI საუკუნის 60-იანი წლებიდან საგრძნობლად გაუარესდა საქართველოსა და თურქ-სელჩუკთა ურთიერთობა. 1064 და 1068 წლისათვის თურქ-სელჩუკთა სულთანმა ალფ-არსლანმა სასტიკად მოითარეშა სამხრეთ და აღმოსავლეთ საქართველო. მომთაბარე ოლქებთა მარბიელმა ლაშქრობამ დიდი ზიანი მიაყენა ქვეყანას, მაგრამ ამან მაინც ვერ შელახა საქართველოს ავტორიტეტი ამიერკავკასიაში. სიცოცხლის ბოლო წლებში ბაგრატ IV შეეცადა თბილისის და კახეთ-ჰერეთის შემოერთებას. ამავე პერიოდში მეფემ თავისი მეუღლის – ბორენა დედოფლის ძმა ოსთა მეფე დორდოლელი მოინწია ორმოცათასიანი ჯარით. გაერთიანებულ არმიას ბაგრატ IV-მ გიორგი უფლისწული უთავა და განძაზე ალაშქრა.

ამ ამბების შემდეგ, ბაგრატ IV-ს დიდხანს აღარ უცოცხლია. სამ-
შვილდის ტბასთან მდგომ მეფეს „დაეცა საღმრთო მუცლისა“. მომავ-
ლადევი ბაგრატი მარაბდაში წაიყვანეს, მაგრამ ტკივილი უფრო და
უფრო უძლიერდებოდა. 1072 წ. 24 ნოემბერს ბაგრატ IV გარდაიცვა-
ლა. მეფე დიდი პატივით ყყონდიდს წაასვენეს და თავისივე აშენებულ
საძვალეში დაკრძალეს.

ელენე დედოფალი – ბაგრატ IV-ის პირველი ცოლი, ბიზანტიის
იმპერატორის რომანოზ III-ის ძმისშვილი.

1029-1030 წწ. საქართველო-ბიზანტიის პოლიტიკური ურთიერ-
თობის დარეგულირების მიზნით კონსტანტინოპოლს ეწვია ბაგრატ
IV-ის დედა მარიამ დედოფალი. დიპლომატიური მოლაპარაკების შედე-
გად ორ ქვეყანას შორის არსებული დაძაბულობა განიმუხტა. ბიზან-
ტიის იმპერია ამ დროს არაბებთან ომით იყო დაკავებული და ამიტომ
საქართველოსთან სამხედრო დაპირისპირება მის ინტერესში არ შე-
დიოდა. ამიტომაც, იმპერატორმა რომანოზ III-მ „აფხაზთა და ქარ-
თველთა“ სამეფოსთან სამშვიდობო ხელშეკრულება გააფორმა. ბაგ-
რატ IV-ს კურაპალატობის პატივი მიუბოძეს. საქართველო-ბიზანტიის
უფრო მეტად დაახლოების მიზით კი იმპერატორმა ბაგრატ IV-ს თავი-
სი ძმისშვილი – ელენე შერთო ცოლად. ბიზანტიელი პრინცესა მარი-
ამ დედოფალს გამოაყოლეს საქართველოში. ელენემ და ბაგრატ IV-მ
ქორნილი ბანაში გადაიხადეს. ელენეს დიდხანს არ მოუწია საქართვე-
ლოს დედოფლად ყოფნა. იგი მალევე გარდაიცვალა. მოგვიანო ხანის
ტრადიციით, ელენე დედოფლის სახელთანაა დაკავშირებული ოქონის
სასწაულმოქმედი ხატის საქართველოში ჩამოტანა.

ბორენა დედოფალი – ბაგრატ IV-ის მეუღლე, წარმომავლობით
ოსეთის სამეფოს ოჯახს ეკუთვნოდა. მამამისი მემატიანესთან „ოვსთა
მეფედ“ იხსენიება. მოგვიანებით ამ ტიტულს ატარებს მისი ძმა დორ-
ლოლელიც. ბორენას გადედოფლება XI საუკუნის 30-იანი წლების შუ-
ახანებშია სავარაუდო. წყაროში, მართალია, იგი სახელით მხოლოდ
ორჯერ გვხვდება, მაგრამ სხვა შემთხვევაში, მემატიანე მას გიორგი
უფლისწულის დედად იხსენიებს. XI საუკუნის 50-იანი წლების შუა
ხანებში, როდესაც ლიპარიტ ბაღვაშია გიორგი უფლისწულის გამეფება

გადანყვიტა, მან ამ საკითხზე მოლაპარაკება ბორენა დედოფალთან გამართა. „მატიანე ქართლისას“ მითითებით: „ითხოვა ლიპარიტ ძე ბაგრატიისი, გიორგი მეფედ, რათა მოსცეს იგი დედამან მისმან და დიდებულთა მის ქვეყანისათა“. გიორგი უფლისწულის აღმოსავლეთ საქართველოში გადმოსვლა და რუისის ტაძარში მისი მეფედ ქურთხევაც ასევე ბორენას ნება-სურვილით უნდა მომხდარიყო.

ბორენა დედოფლის საქართველოში ჩამოსვლის შემდეგ, საქართველო-ოსეთის ურთიერთობა მეტად კეთილმეზობლური გახდა. ოსთა მეფე დორლოლელი თავისი სამხედრო ნაწილებით მონაწილეობდა განძის საამიროს დარბევაში. მოგვიანებით კი დორლოლელი საპატიო ვიზიტით ეწვია თავის სიძეს – ბაგრატ IV-ს.

ბორენა დედოფალი დიდ ინტერესს იჩენდა საეკლესიო ცხოვრებისადმი. სინას მთაზე შემონახულ ხელნაწერის მინაწერში ბორენა დედოფალი, თავის ქალიშვილთან მართა (მარიამი) დედოფალთან ერთად მოხსენიებულია იერუსალიმის „კაპაათის“ მონასტრის მშენებლად.

ბორენა დედოფლის გარდაცვალების ზუსტი თარიღი ჩვენთვის უცნობია. დანამდვილებით მხოლოდ ის ვიცით, რომ 1072 წელს ბორენა ცოცხალია, ვინაიდან იგი იხსენიება მომაკვდავ ბაგრატ IV-სთან მისულ ოჯახის წევრთა შორის. დაკრძალული უნდა იყოს ჭყონდიდში მუულის გვერდით.

გიორგი – ბაგრატ IV-ის ვაჟი, საქართველოს მეფე 1072-1089 წლებში. იხ. *გიორგი II*.

მართა (მარიამ) დედოფალი – ბაგრატ IV-ის ასული, ბიზანტიის დედოფალი. დაიბადა XI ს. 50-იანი წლების დასაწყისში. 1056 წელს, ბიზანტიის დედოფლის თეოდორას თხოვნით, მართა კონსტანტინოპოლში მიიწვიეს აღსაზრდელად.

ბიზანტიაში ქართველი პრინცესას ჩასვლას დაემთხვა დედოფალ თეოდორას გარდაცვალება. ამიტომაც, მართა მცირე ხანს დარჩა კონსტანტინოპოლში და მალევე დაბრუნდა სამშობლოში. სხვათა შორის, მართას კონსტანტინოპოლში ყოფნასთანაა დაკავშირებული გიორგი მთაწმინდელის ერთი წინასწარმეტყველური გამონათქვამი. გიორგი მცირეს თქმით, როდესაც პატარა უფლისწული სასახლეში

შუყუყანათ, გიორგი მთაწმინდელს ყველას გასაგონად წარმოუთქვამს: „უწყოდეთ ყოველთა, ვითარმედ დღეს დედოფალი განვიდა და დედოფალი შემოვიდაო“. მართლაც, მოგვიანებით, მართა-მარიამის ბიზანტიაში გადედოფლებით ბერის ეს წინასწარმეტყველება აღსრულდა.

1064 წ. ბიზანტიის იმპერატორმა კონსტანტინე დუკამ მართა თავისი ვაჟის საცოლედ ითხოვა.

მართა უფლისწული ბიზანტიაში 1065 წლის დასაწყისში ჩაიყვანეს. იგი კონსტანტინოპოლში ჩასს 1066 წელსაც. ამას ადასტურებს სვიმეონ დეალის ანდერძი, რომელიც შემონახულია ექვთიმე მთაწმინდელის მიერ ბერძნულიდან თარგმნილ იოანე სინელის „კლემაქსის“ ხელნაწერზე. მიხეილ დუკასა და მარიამის ქორწინების ზუსტი თარიღის დადგენა დღეისათვის წერილობით ცნობებზე დაყრდნობით ჭირს. ზოგადად, ეს მოვლენა 1066-1073 წლებში უნდა მომხდარიყო. 1074 წელს მიხეილ დუკასა და მარიამ დედოფალს კონსტანტინე უფლისწული შეეძინათ.

მართა-მარიამისა და მიხეილ VII დუკას ერთად ცხოვრება დიდხანს არ გაგრძელებულა. 1078 წლის დასაწყისში ნიკიფორე ბოტანიატმა კონსტანტინოპოლი დაიკავა და ახალგაზრდა იმპერატორი ტახტიდან ჩამოაგდო. მიხეილ VII ბერად აღკვეცეს და ეფესოს არქილად დაწინაშეს. ბიზანტიის სათავეში მოსულმა ნიკიფორე III-მ გადაწყვიტა ცოლად (მას ამ დროს გარდაეცვალა მეუღლე ბერდენე) კონსტანტინე ჭუკას მეუღლე ევდოკია მოეყვანა, მაგრამ ამ უკანასკნელს გადააფიქრებინეს გათხოვება. ამის შემდეგ ნიკიფორეს არჩევანი მართა-მარიამზე შეჩერდა. შვილის მომავლით დაინტერესებულმა (ამ შემთხვევაში მისი ვაჟი კონსტანტინე ტახტის მემკვიდრე ხდებოდა) მარიამმა ეს წინადადება მიიღო და ნიკიფორე III-ზე იქორწინა. იოანე სკილიცეს გამგრძელბლის თქმით, ის მღვდელი, რომელმაც ჯვრისწერის ცერემონიალი შეასრულა, მაშინვე შერისხეს, რადგან აქარა მეძავობა დააკანონაო.

მართა-მარიამის ეს გადაწყვეტილება წმინდა პრაგმატული რომ იყო, ეს ადვილი მისახვედრია, რამეთუ როგორც კი მან ეჭვი შეიტანა იმაში, რომ ნიკიფორე III არ აპირებდა მისი ვაჟისათვის – კონსტანტინე დუკასთვის ტახტის დათმობას, იმპერატორს – საკუთარ მეუღლესაც დაუპირისპირდა და კომუნოსების ხელით ჩამოაგდო კიდეც.

1081 წ. ალექსი კომნენოსის მიერ მონყობილი შეთქმულების ერთ-ერთი ფარული ორგანიზატორი ჩანს მართა-მარიამ დედოფალი. ფაქტობრივად მან გაუხსნა გზა კომნენოსებს ბიზანტიის საიმპერატორო ტახტისაკენ.

1081 წ. ნიკიფორე ბოტანიატი ჩამოაგდეს. ალექსი კომნენოსის გამეფებისთანავე, მარიამ დედოფალმა იმპერატორს სთხოვა მიეცა მისთვის „ნითელი მელნით დამონმებული და ოქროს ბეჭედ-დასმული წერილობითი დადასტურება, იმისა, რომ მას და მის ვაჟს არა თუ ხელს არ ახლებდნენ, არამედ უკანასკნელი, გარდა ამისა, ალექსის თანამმართველიც იქნებოდა, ჩაიცვამდა ნითელ წალებს, თავზე გვირგვინს დაიდგამდა და, ალექსისთან ერთად მასაც უწოდებდნენ მეფეს.“ კომნენოსმა, ბუნებრივია, მარიამის ეს მოთხოვნა შეასრულა და ამიერიდან, იმპერატორის ოფიციალური გამოსვლების დროს კონსტანტინე დუკას, როგორც თანამმართველს, იმპერატორის შემდეგ პირველი ადგილი ეკავა.

ამის შემდეგ მარიამ დედოფალი მონაზვნად შედგა.

1094 წელს იმპერატორ ალექსი კომნენოსის წინააღმდეგ ნიკიფორე დიოგენეს მოთავეობით, მოენყო შეთქმულება. მასში გარეული აღმოჩნდა მარიამ დედოფალი და კონსტანტინე. დედა-შვილის შეთქმულებაში მონაწილეობის მიზეზი ის უნდა ყოფილიყო, რომ ცოტა ხნით ადრე კონსტანტინე დუკამ თავისი პრივილეგიები დაკარგა. იმპერატორმა თანამმართველად თავისი ვაჟი იოანე აიყვანა. ნიკიფორე დიოგენეს წარუმატებელი გამოსვლის შემდეგ მარიამი და კონსტანტინე საბოლოოდ დაშორდნენ კომნენოსებს. 1095 წ. კონსტანტინე დუკა გარდაიცვალა. ეს იყო უდიდესი ცხოვრებისეული ტრაგედია მარიამ დედოფლისათვის.

როდის გარდაიცვალა მარიამ დედოფალი ჩვენთვის უცნობია. 1104 წელს ის ჯერ კიდევ ცოცხალია და რუის-ურბნისის საეკლესიო კრების „ძეგლისწერაში“ იხსენიება.

დასასრულ, არ შეიძლება არ აღინიშნოს, რომ მარიამ დედოფალი ბიზანტიელ დედოფლებს შორის ერთ-ერთი გამორჩეული იყო თავისი სილამაზით.

მარიამ დედოფლის გარეგნობის ყველაზე სრულყოფილი აღწერა მოცემული აქვს ანა კომნენოსს, რომელიც პირადად იცნობდა მას და

რამდენიმე ხანი მარიამთან იზრდებოდა კიდეც. ერთხანს, ანა კომნენოსი კონსტანტინე დუკას საცოლუდაც ითვლებოდა. მეისტორიეს თქმით: „მარიამი იყო მაღალი და ტანადი, როგორც კვიპაროსი, თეთრი როგორც თოვლი, პირისახე ჰქონდა არც თუ ძალიან მრგვალი, მაგრამ გაზაფხულის ვარდივით გაფურჩქენილი ალისფერად. ახლა თვალის ბრწყინვალეობას აღარ იკითხავთ! ვინ შეძლებს ამის აღწერას? ნაწნამები გრძელი და განსაცვიფრებელი, თვალები ცისფერი. დედოფალის სილამაზე და მისი მომავადობელი მიმზიდველობა, მისი ზნის სანდომიანობა – ყველაფერი ეს აღემატება ფერწერასა და ხელოვნებას. არც მსგავსი რამ ქანდაკებაა. ამბობენ, გორონას თავი ქეზბად აქცევდა ხოლმე იმ კაცებს, ვინც მას შეხედავდა; ხოლო ვინც შემთხვევით დაინახავდა დედოფალს, ის რომ სეირნობდა, ან უცაბედად შეხვედებოდა მას სადმე, საზღვარი არ ჰქონდა მის განცვიფრებას, ის გაქვავებული რჩებოდა იმავე მდგომარეობაში, რომელშიც შეხვდა მას, თითქოს ნართმეოდა სულიც და გონებაც.

მარიამ დედოფალი უცხოეთში არსებული ქართული ეკლესია-მონასტრების დიდი მოჭირნახულე ჩანს. მისი სახელი იხსენიება ათონის ივერთა მონასტრის „საალაპე წიგნში“. მარიამზე და მის ვაჟზე ალაპი განწესებულია 21 ნოემბერს. სინოდისკონსტიტუციის აღნიშნულია, რომ დედაშვილი დიდად შეენია მონასტერს. მათ დაფარეს მისოლიმნის ვალი სიკრიტონში და დიდად ილუანეს იმპერატორების მიხეილ VII და ნიკიფორე III ბოტანიატის წინაშე ივირონის შემწეობისათვის. მართა-მარიამი და ბორენა დედოფალი იხსენიებიან იერუსალიმის დედათა მონასტრის „კაპათას“ ქტიტორებად, სინას მთის „მონამეთა წიგნის“ გადამწერის ოქროპირის ანდერძ-მინანერში ნათქვამია: „მე ცოდვილსა და მიჩრეკიან ამის სანატრელთა დედოფალთა მართა და ბორენას აღშენებულისა და სამლოცველოჲსა მონასტრისა კაპათაჲსა, სახელსა ზედა წმ. მთავარანგელოზთაჲსთაჲს, სალოცავად ამისა მონასტრისა აღმშენებელთა დედოფალთაჲსთაჲს“. უკანასკნელ ხანს დადასტურდა მარიამ დედოფლის მიერ კიდეც ერთი მონასტრის დაარსება თრაკიაში, როდოპის მთების სამხრეთ კალთებზე ე. წ. „პაპიკონის მთაზე“. ეს საინტერესო კომპლექსი, რომელშიაც მარიამის სამარხი აღმოჩნდა, დედოფლის კუთვნილი – „კერძო მონასტერი“ უნდა ყოფილიყო.


ა. მიქაბერიძის მოსაზრებით, მარიამი თრაკიის მონასტერში გარდაიცვალა. მოგვიანებით მისი ნეშტი სხვაგან გადაუსვენებიათ. მეცნიერი არ გამორიცხავს ქართველი დედოფლის სამშობლოში დასაფლავების ფაქტსაც.

ლიტერატურა

1. ალ. აბდალაძე, ამიერკავკასიის პოლიტიკურ ერთეულთა ურთიერთობა IX-XI საუკუნეებში, თბ., 1988.
2. ა. ალექსიძე, შტრიხები მართა-მარიამის პორტრეტისათვის, მეორე საერთაშორისო ქართველოლოგიური სიმპოზიუმის მასალები, თბ., 1993.
3. შ. ამირანაშვილი, ხახულის კარელი, თბ., 1972.
4. ანნა კომნენე, ალექსიადა, გეორგია, ბიზანტიელი მწერლების ცნობები საქართველოს შესახებ, ტექსტები ქართული თარგმანითურთ გამოსცა და განმარტებები დაურთო ს. ყაუხჩიშვილმა, ტ. VI, თბ., 1966.
5. არისტაკეს ლასტივერტეცი, ისტორია, ქართული თარგმანი გამოკვლევით, კომენტარებითა და საძიებლებით გამოსცა ე. ცაგარეიშვილმა, თბ., 1974.
6. დ. ბაქრაძე, საქართველოს მეფე ბაგრატ მეოთხე (1027-1072), თბ., 1880.
7. მ. ბახტაძე, ერისთავობის ინსტიტუტი საქართველოში, თბ., 2003.
8. ნ. ბერძენიშვილი, იასე ცინცაძე, ძიებანი რუსეთ-საქართველოს ურთიერთობის ისტორიიდან (რეცენზია), წიგნ.: ნ. ბერძენიშვილი, საქართველოს ისტორიის საკითხები, ტ. V, თბ., 1971.
9. ა. ბოგვერაძე, „მატიანე ქართლისას“ ცნობა 1047 წ. ვარაგთა საქართველოში შუქოსჯლის შესახებ, კრ.: საქართველოს ფეოდალური ხანის ისტორიის საკითხები, ტ. VI, თბ., 1990.
10. გ. ბუაჩიძე, ერთი ეპიზოდი საქართველოსა და ბიზანტიის ურთიერთობიდან იაპია ანტიოქიელის ისტორიაში, კრ.: ქართული დიპლომატია, ტ. 3, თბ., 1996.
11. ვ. გაბაშვილი, გლეხთა 1028 წლის აჯანყება სამხრეთ საქართველოში, ივ. ჯავახიშვილის დაბადების 100 წლისთავისადმი მიძღვნილი საუბიბლო კრებული, თბ., 1976.
12. ვ. გაბაშვილი, თურქ-სელჩუკთა შემოსევები და ბატონობა, ნარკვევები მახლობელი აღმოსავლეთის ისტორიიდან, თბ., 1957.
13. გიორგი კვლარენე, ისტორიული მიმოხილვა, გეორგია, ბიზანტიელი მწერლების ცნობები საქართველოს შესახებ, ტ. V, თბ., 1963.
14. გიორგი შვირი, ცხოვრება გიორგი მთაწმინდელისა, ტექსტი გამოსაცემად მოამზადა, გამოკვლევა და ლექსიკონი დაურთო ივანე ლოლაშვილმა, თბ., 1994.
15. დ. გოგოლაძე, „მატიანე ქართლისას“ ცნობა „ვარაგთა“ შესახებ, კრ.: ქართული დიპლომატია, ტ. 5, თბ., 1998.
16. შ. დარჩიაშვილი, სომხური ლაპიდარული წარწერები და „მატიანე ქართლისას“ ერთი ცნობა, თსუ შრომები (ისტორია, ხელოვნებათმცოდნეობა, ეთნოგრაფია), ტ. 227, თბ., 1982.

17. თ. დუნდუა, ქართული ეთნოკულტურული ევოლუცია და დასავლეთი ნუმისმატიკური მასალების მიხედვით, თბ., 1997.
18. ვახუშტი, აღწერა სამეფოსა საქართველოსა, ქართლის ცხოვრება, ტექსტი დადგენილია ყველა ძირითადი ხელნაწერის მიხედვით ს. ყაუხჩიშვილის მიერ, ტ. IV, თბ., 1973.
19. ნ. ვაჩნაძე, გ. ჭეიშვილი, საქართველოს ისტორიის ახალი პერსონაჟები, კრ.: Dedicatio, ისტორიულ-ფილოლოგიური ძიებანი, თბ., 2001.
20. ექ. თაყაიშვილი, ოქონის ხატი, გაზ. ივერია, 1900, წ. № 231.
21. პ. თოფურაია, აღმოსავლეთ ამიერკავკასიის პოლიტიკური ერთეულები XI-XII საუკუნეებში, თბ., 1975.
22. კ. კეკელიძე, ქართველ ქალთა კულტურულ-საგანმანათლებლო კერები საშუალო საუკუნეთა მახლობელ აღმოსავლეთში, წიგნ.: კ. კეკელიძე, ეტიუდები ძველი ქართული ლიტერატურის ისტორიიდან, ტ. IV, თბ., 1957.
23. ვ. კიკნაძე, ბაგრატ IV, ლიპარიტ ბაღვაში და ვარანგები ანუ „... და იყო მიდა-შო საურავე ხელოვნებისა“, კრ.: „მიქედუნა აღექვანდრე ორბელიანის ხსოვნას, თბ., 1998.
24. ვ. კობალიანი, საქართველოსა და ბიზანტიის პოლიტიკური ურთიერთობა 970-1070 წწ., თბ., 1969.
25. მ. ლორთქიფანიძე, საქართველოს შინაპოლიტიკური და საგარეო ვითარება X ს. 80-იანი წლებიდან XI ს. 80-იან წლებამდე, წიგნ.: საქართველოს ისტორიის ნარკვევები, ტ. III, თბ., 1979.
26. მ. ლორთქიფანიძე, ზ. პაპასჭირი, საქართველოს სახელმწიფოს საგარეო პოლიტიკა და დიპლომატია XI საუკუნეში, წიგნ.: ქართული დიპლომატიის ისტორიის ნარკვევები, I ნაწ., თბ., 1998.
27. გ. მაისურაძე, ნარკვევები საქართველოსა და სომხეთის ურთიერთობის ისტორიიდან IV-XII სს-ში, თბ., 2002.
28. მატანე ქართლისა, ქართლის ცხოვრება, ტექსტი დადგენილია ყველა ძირითადი ხელნაწერის მიხედვით, ს. ყაუხჩიშვილის მიერ, ტ. I, თბ., 1955.
29. ე. მეტრეველი, ათონის ქართველთა მონასტრის სააღაპე წიგნი, თბ., 1998.
30. ა. მიქაბერიძე, მართა ბაგრატიონი ბიზანტიასა და საქართველოში, კრ.: ქართული დიპლომატია, ტ. 4, თბ., 1997.
31. ზ. პაპასჭირი, ერთიანი ქართული ფეოდალური სახელმწიფოს წარმოქმნა და საქართველოს საგარეო-პოლიტიკური მდგომარეობის ზოგიერთი საკითხი, თბ., 1990.
32. ზ. პაპასჭირი, შუა საუკუნეების საქართველო საერთაშორისო არენაზე, თბ., 1991.
33. თ. პაპუაშვილი, რანთა და კახთა სამეფო, თბ., 1982.
34. თ. ფორდანიია, ქრონიკები და სხვა მასალა საქართველოს ისტორიისა, ტ. I, ტფ., 1892.
35. პ. პატანი, თბილელი ბერები, თბ., 1989.
36. ჯ. სამუშია, ნარკვევები შუა საუკუნეების საქართველოს ისტორიიდან, თბ., 1999.
37. ჯ. სამუშია, XI საუკუნის საქართველო-ბიზანტიის ურთიერთობის ისტორიიდან, კრ. ქართული დიპლომატია, ტ. 9, თბ., 2002.

38. ვ. სილოგავა, ბორენას წარწერა-ლექსის გარშემო, გაზ.: „ლიტერატურული საქართველო“, 15-22. I. 1999.
39. ვ. სილოგავა, ერთი ეპიგრაფიკული ძეგლი თურქ-სელჯუკთა შემოსევის შესახებ XI ს-ის საქართველოში (მირაშხანის წარწერა), კრ.: ასპინძა, ახალციხე, 2000.
40. სუმბატ ღაიბთის ძე, ცხოვრება და უწყება ბაგრატიონიანთა, ტექსტი გამო-საცემად მოამზადა, გამოკლევა, შენიშვნები და საძიებლები დაურთო გონელი არახამიამ, თბ., 1990.
41. რ. ფირცხალაიშვილი, ახალი მასალები შოთა რუსთაველის ბიოგრაფიისათვის, თბ., 1987.
42. ქ. ქუთათელაძე, ქვემო ქართლი, პოლიტიკური ისტორიის საკითხები (ტაშირ-ბორაგეტის სამეფო; ორბელთა გვარის ისტორია), თბ., 2001.
43. ნ. შენგელა, სელჩუკები და საქართველო XI საუკუნეში, თბ., 1968.
44. ი. ცინცაძე, ძიებანი რუსეთ-საქართველოს ურთიერთობის ისტორიიდან (X-XVI სს.), თბ., 1956.
45. ივ. ჯავახიშვილი, ქართველი ერის ისტორია, წიგნ.: II, თხზულებანი თორმეტ ტომად, ტ. II, თბ., 1983.
46. გ. ჯაფარიძე, ლიპარიტ IV ბაღვაში ბიზანტიისა და თურქ-სელჩუკთა დიპლო-მატიური ურთიერთობები, კრ.: ქართული დიპლომატია, ტ. 5, თბ., 1998.
47. В. Г. Васильевский, Варяго-русская и Варяго-английская дружина в Константинополе, кн. Труды В. Г. Васильевского, т. I, СПб., 1908.
48. С. Т. Еремян, Присоединение северо-западных областей Армении к Византии в XI веке, Вестник общественных Наук АН Армении, N 3, Ер., 1971.
49. И. М. Нодия, Грузинские материалы о византийской императрице Марфе-Марии, კრ.: ბიზანტოლოგიური ეტიუდები, თბ., 1978.
50. Е. Такайшвили, Христианские памятники, Экскурсия Е. Т., 1902 г. Материалы по Археологии Кавказа, Вып. XII, 1909.
51. К. Н. Юзбашян, Армянские государства эпохи Багратидов и Византия IX-XI вв., М., 1988.
52. К. Н. Юзбашян, Грузинские послы в Агии в 1045 г., კრ.: ბიზანტოლოგიური ეტიუდები, თბ., 1978.



ბიოგრაფია II

გიორგი II-ის პორტრეტი არ არის შემორჩენილი

გიორგი II-ის ოჯახი

გიორგი II-ს მეტად მძიმე ეპოქაში მოუწია მეფობა. თურქ-სელჩუკთა ლაშქრობებმა საქართველოს ეკონომიკური თუ სამხედრო პოტენციალი საგრძნობლად შეარყია. ქვეყანა რეალური კატასტროფის წინაშე აღმოჩნდა. ამ პოლიტიკური სირთულეების გამო, დღემდე გიორგი II-ის მოღვაწეობის შეფასებისას სხვადასხვა მიდგომასთან გვაქვს საქმე. მეცნიერთა ნაწილს მიაჩნია, რომ მეფის ღონისძიებები ხელს არ უწყობდა ქვეყნის კრიზისიდან გამოსვლას. მკვლევართა მეორე ნაწილი კი თვლის, რომ გიორგი II-ის დროს საქართველოში შექმნილი მძიმე პოლიტიკური ვითარება, ამ დროს მიმდინარე მსოფლიო პოლიტიკური მოვლენების შედეგი იყო და არა მეფის უნიათობითა თუ უსუსურობით გამოწვეული.

გიორგი II-ს მეუღლის ვინაობა უცნობია. მისი მხოლოდ სახელია შემონახული. ელენე დედოფალსა და გიორგი II-ს ერთი ვაჟი ჰყავდათ – დავითი, რომელსაც მადლიერმა შთამომავლობამ „აღმაშენებელი“ უწოდა.

გიორგი II
(1072 - 1089)



ელენე დედოფალი

დავით IV აღმაშენებელი
1089-1125

გიორგი II – საქართველოს მეფე 1072-1089 წლებში. დაიბადა დაახლოებით XI საუკუნის 30-იანი წლების მეორე ნახევარში.

მას პატარაობიდანვე მოუწია პოლიტიკურ ეპიცენტრში ყოფნა. ბაგრატ IV-ის ბიზანტიაში ყოფნისას ლიპარიტ ბაღვაშმა გიორგი უფლისწული საქართველოს მეფედ აკურთხა. ამ აქტით, ჯერ კიდევ მცირეწლოვანი გიორგი ქვეყნის ერთიანობის სიმბოლო გახდა.

გიორგი II მამის გარდაცვალებამდე არაერთ დავალებას ასრულებს. წყაროებში მას ძირითადად მამამისის გვერდით ვხვდებით.

1072 წელს, გამეფების შემდგომ, გიორგი II-ს ძალზე ცოტა ხნით მოუხდა მშვიდობიანად ყოფნა. 1073 წელს დიდგვარიანი ფეოდალები ნიანია ქვაბულის ძე, ივანე ლიპარიტის ძე და ვარდან სვანთა ერისთავი განდგნენ. ნიანია ქვაბულის ძემ ქუთაისი დაიკავა და „ნარულო ქუთათისისა საქურჭლე“. ივანე ლიპარიტის ძემ კახელები მოიშველია და ქსნის პირი დაიპყრო, ხოლო ვარდანმა სვანები ააჯანყა და საეგრო დაარბია.

მეფემ გარკვეული დათმობებით მოახერხა განდგომილ ფეოდალთა დამორჩილება.

ეს მშვიდობიანობა არ აღმოჩნდა ხანგრძლივი. 1073 წლის მინურულსა და 1074 წლის დასაწყისისათვის ივანე ლიპარიტის ძე კვლავ განუდგა მეფეს. გიორგი II ქუთაისიდან სასწრაფოდ გადავიდა სამცხეში, საიდანაც მესხთა ლაშქრით სამშვილდეს მიადგა. საბოლოოდ ივანე ბაღვაში იძულებული გახდა დამორჩილებოდა საქართველოს მეფეს.

საქართველოს სამეფო კარი საშინაო პრობლემების მოგვარებით იყო დაკავებული, როდესაც ჩვენი ქვეყნის საზღვრებს თურქ-სელჩუკთა ახალი ტალღა მოაწყდა. 1075 წლის შემოდგომით თურქ-სელჩუკთა სარდალი სარანგი საკმაოდ მრავალრიცხოვანი არმიის თანხლებით მოვიდა საქართველოში. თურქ-სელჩუკთა და ქართველთა ბრძოლა სოფ. ფარცხისთან მოხდა. ოღუზ-თურქებმა სასტიკი მარცხი იგემეს.

ფარცხისის ომში გამარჯვების შემდეგ გიორგი II-მ კლარჯეთში, შავშეთში, ჯავახეთში, არტაანში ბიზანტიელთა ხელთ მყოფი ციხესიმაგრეები და ანაკოფიის ციხე შემოიერთა. ტაოში შედგა საქართველოს მეფისა და გრიგოლ ბაკურიანის ძის შეხვედრა, სადაც ოფიციალურად გადაწყდა ვანანდის სამეფოს გიორგი II-სათვის გადაცემა.

გიორგი II-მ ქვეყნის სამხრეთ საზღვრები საგრძნობლად გააფართოვა. კარის ციხის დაკავება ქართული საგარეო პოლიტიკის დიდი გამარჯვება იყო. ბუნებრივია, ამ პროცესებს თვალს ადევნებდნენ თურქ-სელჩუკები და სწორედ ამიტომ ამ მოვლენის ახლო ხანებში წინა აზიის მიმართულებით დაწყებული მომთაბარე ოლქითა ახალი აგრესია უპირატესად ამოურკვევსაში ჯერ კიდევ დარჩენილ ბიზანტიელთა სამფლობელოებისა და საქართველოს წინააღმდეგ წარიმართა.

1079 წელს თურქ-სელჩუკთა სარდალმა აჰმად ამირამ ფართომასშტაბიანი სამხედრო ოპერაციის წყალობით მოახერხა კარის ციხიდან ქართველ მეციხოვნეთა განდევნა და ქალაქის ხელთ გდება. საქართველოს სამეფო კარს კარგად ესმოდა, რომ ეს სერიოზული დანაკლისი იყო ქვეყნისათვის, მაგრამ, ამჯერად, გიორგი II-ს თურქთა წინააღმდეგ რაიმე სერიოზული სამხედრო აქციისათვის არ მიუმართავს.

ამ მოვლენების შემდეგ ძნელი მისახვედრი არ უნდა ყოფილიყო, რომ თურქ-სელჩუკებს კარის სამეფოში გაბატონებას საქართველოს სამეფო კარი უპასუხოდ არ დატოვებდა და 1080 წლის დასაწყისში მომთაბარე ოლქებმა გიორგი II-ს დაასწრეს და მძლავრი ლაშქრობა მოაწყვეს საქართველოს წინააღმდეგ. თურქ-სელჩუკებმა ფარულად მეფის ბანაკამდის მისვლა მოახერხეს და ქართველთა ჯარს ნაუცბათევად დაესხნენ თავს. ეს იმდენად მოულოდნელი ყოფილა გიორგი II-სთვის, რომ მან სათანადო წინააღმდეგობის განევა ვერ მოახერხა და უკუიქცა. მთელი სამეფო ავლა-დიდება მტერს ჩაუვარდა ხელთ. საქართველოს მეფემ აჭარის მთებს შეაფარა თავი.

ყველის ციხესთან გამარჯვებული აჰმად ამირა დიდი ნადავლით უკან გაბრუნდა. იგი მიღწეულ წარმატებას დასჯერდა და აღარ გააგრძელა გიორგი II-ის დევნა. დავით აღმაშენებლის ისტორიკოსის თქმით, გზაში აჰმად ამირას შემოხვდნენ ბიზანტიაში სალაშქროდ მიმავალი თურქი ამირები ისა ბარი და ბუიყუბი. აჰმადმა მათ მოახსენა საქართველოში მოპოვებული გამარჯვების შესახებ და ისიც აუწყა, რომ საქართველოს მეფე გიორგი II დასავლეთ საქართველოში იყო გახიზნული. თურქ-სელჩუკებს მოსწონებიათ აჰმადის აზრი, ლაშქრობის მიმართულება შეუცვლიათ და კურსი საქართველოსკენ აუღიათ.

1080 წელს თურქ-სელჩუკთა რისხვა დაატყდა შავშეთს, აჭარას, სამცხეს, ქართლს, არგვეთს, სამოქალაქოსა და ქყონდიდს. როგორც მემათიანე აღნიშნავს მტერს ერთ დღეში აუღია და დაუნეია ქუთაისი. ამავე დროს, თურქ-სელჩუკების სხვა რაზმებს აუოხრებიათ არტანუჯის და კლარჯეთის უდაბნოები. თურქ-სელჩუკთა პარპაშს დაერთო მძიმე ზამთარიც, რომელმაც ერთი-ორად გაართულა ქართველი კაცის მდგომარეობა. სიცივემ გახიზნული მოსახლეობა საშინელ პირობებში ჩააგდო. საქართველოში „დიდი თურქობა“ დაიწყო.

ამ მოვლენამ მეტად ტრაგიკული კვალი დატოვა საქართველოს ისტორიაში. „დიდი თურქობა“ გლობალური პოლიტიკური პროცესი იყო, რომელმაც რამდენიმე ათწლეულით შეცვალა საქართველოს პოლიტიკური თუ ეკონომიკური განვითარება.

გიორგი II ხედავდა ამ მძიმე მდგომარეობას (როგორც საქართველოში, ასევე მზობელ ქვეყნებშიაც) და ცდილობდა გამოსაეალი მოენახა. მეფემ მოიწვია დიდებულები და მათთან მოთათბირების შემდეგ გადაწყვიტა ხლებოდა სულთან მალიქ-შაჰს.

გიორგი II-მ დიდი ხარკი იკისრა სულთნის სასარგებლოდ. სამაგიეროდ, მალიქ-შაჰმა გიორგი II კახეთ-ჰერეთი მიუბოძა და ამ სამეფოს დასაპყრობად ჯარიც გამოათანა.

მალიქ-შაჰისაგან ნამოსული გიორგი II, თურქ-სელჩუკთა ჯარებით, პირდაპირ კახეთ-ჰერეთში მოვიდა და ვეჟინის ციხეს შემოარტყა ალყა, მაგრამ დღემდე გაურკვეველ მიზეზთა გამო (დავით აღმაშენებლის ისტორიკოსის თქმით, გიორგის ალყა მოუხსნია იმის გამო, რომ ამ დროს აჯამეთის ციხეში ნადირობის სეზონი დაწყებულა. ეს მოსაზრება მეტად აბსურდულად მოჩანს) მეფემ კახეთის დაპყრობას თავი მიანება და დასავლეთ საქართველოში გადავიდა.

1089 წელს სამეფო კარზე არსებულმა პოლიტიკურმა დაჯგუფებამ გიორგი II აქტიურ პოლიტიკას ჩამოაშორა. ქვეყნის სათავეში მისი ერთადერთი ვაჟი დავით IV მოდის. მიუხედავად ამისა, გიორგი II სიცოცხლის ბოლომდე ინარჩუნებდა „მეფეთ მეფისა“ და „კესაროსის“ მაღალ პატივს. იგი, როგორც წესი, თვით დავითის წინ იხსენიებოდა ოფიციალურ დოკუმენტებში, მაგრამ, გიორგი II-ს მდგომარეობა მხოლოდ სიმბოლური იყო.

გიორგი II გარდაიცვალა 1112 წელს. დაკრძალული უნდა იყოს ჭყონდიდის ტაძარში, მშობლების გვერდით.

ელენე დედოფალი – საქართველოს დედოფალი, გიორგი II-ის მეუღლე. მის შესახებ წერილობით წყაროებში არაფერია ნათქვამი. ერთადერთი, რაც ვიცით ამ ქალბატონის შესახებ, არის მისი სახელი ელენე. XI საუკუნის მინურულს წყაროსთავში შექმნილ ხელნაწერში გადამწერს ეგნატე ხუცესმონაზონს შემდეგი შინაარსის ანდერძ-მინაწერი გაუკეთებია: ეს წიგნი შეიქმნა „სადიდებლად და სალოცველად ღმრთივ გვრგუნოსანთა მეფეთა ჩვენთა. სულითა განათლებულისა დედოფლისა მარიამისა და ძმისა მათისა გიორგი მეფეთა-მეფისა და კესაროსისა და ძისა მათისა დავით მეფისა და სევასტოსისა და სანატრელისა დედისა მათისა ელენე დედოფლისათვის“. აქ მოხსენიებული ელენე დედოფალი აშკარად გიორგის მეუღლეა და დავით აღმაშენებლის დედა.

თ. ჟორდანიამ შიო-მღვიმის წიგნთსაცავში მიაკვლია 1270 წ. გადწერილ, ერთ ხელნაწერს, რომელშიც ჩამოთვლილია ქართველ დედოფალთა წუსხა. მასში მე-4 ადგილზე იხსენიება ბორენა დედოფალი, ბაგრატ IV-ის მეუღლე. მას სიაში მოსდევს და შესაბამისად მე-5 ადგილი უკავია ელენე დედოფალს. თ. ჟორდანიას კატეგორიული მტკიცებით, რომელიც ზემოთ დამოწმებულ წყაროსთვის სახარების მინაწერიტაა შემაგრებული, ეს ელენე „უნდა იყოს გიორგი II-ის მეუღლე და არა ბაგრატიის (იგულისხმება ელენე დედოფალი, რომანოზ III-ის ძმისშვილი).

ამ ცნობების მეტი ჩვენთვის არაფერია ცნობილი ელენე დედოფლის შესახებ. იგი არ იხსენიება არც რუის-ურბნისის კრების „ძეგლისწერაში“ და არც სხვა დოკუმენტებში.

დავითი, გიორგის II-ს მხლოდშობილი ვაჟი. საქართველოს მეფე 1089-1025 წლებში, იხ. *დავით IV აღმაშენებელი*.

ლიტერატურა

1. ილ. ანთელავა, ქართული საისტორიო მასალა გიორგი II-ის სტატუსის შესახებ, წიგნ.: ილ. ანთელავა, XI-XIV სს. ქართული საისტორიო წყაროები, თბ., 1988.
2. გიორგი მცირე, ცხოვრება გიორგი მთაწმინდელისა, ტექსტი გამოსაცემად მოამზადა. გამოკლევა და ლექსიკონი დაურთო ივანე ლოლაშვილმა, თბ., 1994.
3. თ. ღუნღუა, ქართული ეთნოკულტურული ევოლუცია და დასავლეთი ნუმისმატიკური მასალების მიხედვით, თბ., 1997.
4. პ. თოფურია, აღმოსავლეთ ამიერკავკასიის პოლიტიკური ერთეულები XI-XII საუკუნეებში, თბ., 1975.
5. მ. ლორთქიფანიძე, საქართველოს შინაპოლიტიკური და საგარეო ვითარება X ს. 80-იანი წლებიდან XI ს. 80-იან წლებამდე, წიგნ.: საქართველოს ისტორიის ნარკვევები, ტ. III, თბ., 1979.
6. მ. ლორთქიფანიძე, ზ. პაპასჭირი, საქართველოს სახელმწიფოს საგარეო პოლიტიკა და დიპლომატია XI საუკუნეში, წიგნ.: ქართული დიპლომატიის ისტორიის ნარკვევები, I ნაწ., თბ., 1998.
7. მატანე ქართლისა, ქართლის ცხოვრება, ტ. I, ტექსტი დადგენილია ყველა ძირითადი ხელნაწერის მიხედვით ს. ყაუხჩიშვილის მიერ, თბ., 1955.
8. რ. მეტრეველი, გიორგი მეორის მოღვაწეობის შეფასების საკითხი, წიგნ.: ნარკვევები ფეოდალური საქართველოს ისტორიიდან, თბ., 1972.
9. რ. მეტრეველი, დავით IV აღმაშენებელი, თბ. 1990.
10. რ. მეტრეველი, ჯ. სამუშია, მეფეთ მეფე გიორგი II, თბ., 2003.
11. მცირე ქრონიკები (კინკლოსები, ისტორიული მინაწერები), ტექსტები გამოსცა, შესავალი წერილი და კომენტარები დაურთო ჯუმბერ ოდიშელმა, თბ., 1968.
12. ზ. პაპასჭირი, შუა საუკუნეების საქართველო საერთაშორისო არენაზე, თბ., 1991.
13. თ. ფორდანია, ქრონიკები და სხვა მასალა საქართველოს ისტორიისა (შეკრებილი, ქრონოლოგიურად დაწყობილი, ახსნილი და გამოცემული თ. ფორდანიას მიერ), ტ. I, თბ., 1892.
14. ჯ. სამუშია, საქართველო-ბიზანტიის ურთიერთობა გიორგი II-ის მეფობაში, კრ. ისტორიანი, თბ., 2000.
15. სიგელი გიორგი მეფისა მღვიმისადმი (1073), ქართული ისტორიული საბუთების კორპუსი, შეადგინეს და გამოსაცემად მოამზადეს თ. ენუქიძემ, ვ. სილოგავამ, ნ. შოშიაშვილმა, ტ. I, თბ., 1984.
16. ნ. შენგელია, სელჩუკები და საქართველო XI საუკუნეებში, თბ., 1968.
17. ცხოვრება მეფეთ-მეფისა დავითისი, ტექსტი გამოსაცემად მოამზადა, გამოკლევა, ლექსიკონი და საძიებელი დაურთო მზექალა შანიძემ, თბ., 1983.
18. ივ. ჯავახიშვილი, ქართველი ერის ისტორია, წიგნ.: II, ივ. ჯავახიშვილი, თხზულებანი თორმეტ ტომად, ტ. II, თბ., 1983.
19. М. Д. Лорткпашидзе, Из Истории Византийско-грузинских взаимоотношений (70-е годы XI в.), сб.: Византийский временник, т. 40, М., 1979.



დავით IV

დავით აღმაშენებელი. გელათის ფრესკა.


დავით IV აღმაშენებლის ოჯახი

დავით IV-ს გამორჩეული ადგილი უკავია საქართველოს ისტორიაში. მადლიერმა შთამომავლობამ იგი „აღმაშენებლად“ მონათლა. თავისი დიდი ხიზმინდისა და სულეური სიმტკიცის გამო საქართველოს დედა ეკლესიამ წმინდანად შერაცხა და მის მოსახსენებელ დღედ 26 იანუარი (8 თებერვალი) დაანესა.

დავით IV-ის ოჯახის შესახებ ცნობები ქართულ წყაროებში მწირადაა შემონახული.

დავით IV აღმაშენებლის პირველი ცოლის თაობაზე არაფერია ცნობილი. იგი წარმოშობით სომეხი ყოფილა. ირკვევა მხოლოდ, რომ დავითს მასთან შესძენია დემეტრე I, თამარი და კატა.

დავით IV-ის მეორე ცოლი ყივჩაყთა მთავრის, ათრაქა შარალანის ძის ასული გურანდუხტ დედოფალი იყო. დავითსა და გურანდუხტს ჰყოლიათ რამდენიმე შვილი, მათ შორის ერთი ვაჟი – ვახტანგი და რამდენიმე ქალიშვილი, რომელთა სახელები შემონახული არ არის.



დავით IV აღმაშენებელი – საქართველოს მეფე 1089-1125 წწ. მას მეტად ძვირად ღირებული მოუწია სახელმწიფო სადავეების აღება.

XI საუკუნის 80-იანი წლებიდან თურქ-სელჩუკთა შემოსევებმა საქართველოში არნახული მასშტაბები მიიღო. ცენტრალური ხელისუფლება ვერ აკონტროლებდა ქვეყნის დიდ ნაწილს. მემატიანეს თქმით: „რამეთუ მეფე იქმნა რა დავით, მოოკრებულ იყო ქართლი და თენიერ ციხეთა სადამდე არა სადა იყო კაცი სოფელსა შინა, არცარა შენებულობა... და იყო მაშინ საზღვარი სამეფოსა მთა მცირე ლიხთა, და სადგომი სამეფო წალულის-თავი. და ოდესცა ნადირობა უნდის ქართლისა ქალითა, ანუ ნაჭარმაგვეს, რომელი ყოვლად აღსავსე იყო ირემთა და ეშუთა მიერ, ხოლო ცხენ-კეთილნი კაცნი ჩამოგზავნიან და გაინახიან; ეგრეთა ჩამოვიდიან ნადირობად ვაკესა“. აი ასეთი, მტერთაგან აოხრებული და დაუძღურებული ქვეყანა ჩაიბარა დავითმა და თავისი 35 წლიანი მეფობის განმავლობაში ეს განადგურების პირას მყოფი სახელმწიფო წინა აზიაში ერთ-ერთ უძლიერეს მონარქად აქცია.

დავით IV აღმაშენებლის დაბადების თარიღის შესახებ პირდაპირი ცნობები ჩვენამდე მოღწეული არ არის. ვიცით მხოლოდ, რომ 1089 წლისათვის, ე. ი. გამეფებისას, დავით IV 16 წლის იყო. ამდენად, იგი 1072/73 წლებში ჩანს დაბადებული. ყოველ შემთხვევაში 1073 წლის გიორგი II-ის სიგელში დავით უფლისწული იხსენიება და თანაც კურაპალატის პატივით. ბიზანტიური ტიტულატურით მოხსენიება სრულებითაც არ ნიშნავს იმას, რომ დავითი ამ დროს მოზრდილი ყმანვილი იყო. იმპერატორმა, როგორც ჩანს, კურაპალატობა სიმბოლურად მიანიჭა პატარა უფლისწულს. ამის შემდეგ დავით IV წერილობით წყაროებში 1085 წლამდე აღარ იხსენიება.

1080 წ. მომთაბარე ოლქთა ლაშქრობის შემდეგ, საქართველოს მეფე იძულებული შეიქნა თურ-სელჩუკთა სულთანს ხლებოდა. 1083 წ. გიორგი II დიდი ამალით მალიქ-შაჰთან მოსალაპარაკებლად გაემგზავრა. სრულიად სამართლიანადაა აღნიშნული ქართულ ისტორიოგრაფიაში, რომ სწორედ ამ დროს უნდა ეკურთხებინათ დავით IV მეფის თანამოსაყდრედ. ამიტომაცაა, რომ 1085 წელს დავით გარეჯის წიგნთსაცავში აღმოჩენილ ხელნაწერის მინაწერში დავითი მეფედ და სევასტოსად იწოდება.

1089 წელს გარკვეულმა პოლიტიკურმა დაჯგუფებამ გიორგი II აქტიურ პოლიტიკურ საქმიანობას ჩამოაშორა. ქვეყნის მართვის სადავეები მთლიანად დავით IV აღმაშენებლის ხელში მოექცა. დავით აღმაშენებლის ისტორიკოსი აღნიშნავს, რომ „მას ყამსა იყო პასაყითა თექუსმეტისა წლისა, ხოლო ქრონიკონი სამას და ცხრა (1089)“.

გამეფებისთანავე დავით IV-მ გეგმავიზიონურად დაიწყო ქვეყნის მოშენება. მან უპირველესად დაქსაქსულ ქვეშევდრომთა შემოკრებისათვის იზრუნა. ახალგაზრდა მონარქის გვერდით ჩამოყალიბდა შედარებით პატარა, მაგრამ ერთგულ მხედართა რაზმი. მართალია, საქართველოს სამეფო კარი ოფიციალურად ცნობდა თურქ-სელჩუკთა სულთნის უზენაესობას და „ერთგულად“ ასრულებდა 1083 წელს დადებულ პირობას, მაგრამ ეს მხოლოდ გარეგნულად. დავით IV-მ მიზნად დაისახა თავის ერთგულ თანამებრძოლთა დახმარებით აღმოსავლეთ საქართველოში მოესპო მომთაბარე თურქთა თარეში. ამიტომაც, მან ფარული, პარტიზანული ომი გამოუცხადა დამპყრობელს. ამ დროს საქართველოს ჯერ კიდევ არ შესწევდა გადამწყვეტი ბრძოლისათვის ძალა, ამიტომ მეფემ თურქთა მცირე რაზმებზე თავდასხმით მოწინააღმდეგე ფსიქოლოგიურად გატეხა. აქამდე თუ ქართველებს ემინოდათ თურქთა მარბიელი გუნდების, ამჟამად, პირიქით, მომთაბარე ოლქები ერიდებოდნენ ციხესიმაგრეებიდან გამოსვლას და ქართლის სოფლების მოთარეშებას. არავინ უწყოდა სად გადააწყდებოდნენ ისინი ჩასაფრებულ ქართველთა რაზმს. მტრის თარეშის ამოცვეთამ, საშუალება მისცა მთაში გახიზნულ გლეხობას ფუძეზე დაბრუნებულიყო. ქვეყანამ მოშენება დაიწყო. მართლაც, „ეს წვრილი გამარჯვებები ქართველ ხალხში მტრის გარდუვალი დამარცხების აუცილებლობას და საკუთარი ძალის რწმენას აღვივებდა. ქვეყანა თანდათან დაუბრუნდა სოფლის მეურნეობის ინტენსიურ წარმოებას. ქალაქები აღორძინების გზას დაადგა“ (რ. მეტრეველი).

ამის პარალელურად დავით IV აქტიურად იბრძოდა ცენტრალური ხელისუფლების ავტორიტეტის გაზრდისთვის. გიორგი II-ის მმართველობისას არაერთმა ფეოდალმა ისარგებლა მეფის კომპრომისული პოლიტიკით და თავის უფლებების გაზრდას მიაღწია. რა თქმა უნდა, ეს სამეფო კარის გავლენის შემცირების ხარვეზე ხდებოდა. ახალგაზრდა

უფლისწული სრულებითაც არ აპირებდა ფეოდალურ ოპოზიციასთან ისეთი ურთიერთობა გაეგრძელებინა, როგორც მამამისს ჰქონდა. დავითი გაცილებით პრინციპული და რადიკალი პოლიტიკური მოღვაწე იყო და ეს მისი მეფობის დასაწყისშივე კარგად გამოჩნდა. 1093 წ. დავით IV-ს ლიპარიტ ბაღვაში აუჯანყდა. მეფემ სასწრაფოდ მიიღო ზომები და ურჩი ყრმა კვლავ დაიმორჩილა. „მტკიცეთა ფიცთა“ დავითის შემდეგ კლდეკარის ერისთავი დავითმა გაათავისუფლა. მაგრამ, ბაღვაშთა ერთგულება ამჯერათაც ხანმოკლე აღმოჩნდა. დავით აღმაშენებლის ისტორიკოსის ენამოსწრებული შენიშვნით, ლიპარიტი „ვითარცა ძალლი მიექცა ნათხევარსა და ვითარცა ღორი ინწუბა სანგორელსა მწურისასა; განაცხადა მტერობა და უკეთურებასა ინურთიდა სანოლსა ზედა თუსსა. იხილა რაი მშუდმან და ღმრთივ-განბრძნობილმან მეფემან დავით, რამეთუ კუდი ძაღლისა არა განემართების, არცა კირჩხიბი მართლად ვალს... შეიპყრა... და საბერძნეთს გაგზავნა“. როგორც ვხედავთ, დავითმა, ამჯერად, უფრო რადიკალური ზომები მიიღო. 1094 წელს შეპყრობილი ლიპარიტ ბაღვაში, ორი წლის პატიმრობის შემდეგ ბიზანტიაში გააძევეს.

ბაღვაშთა საგვარეულოს დამარცხება ბევრისთვის ცქუის სასწავლებელი იყო. ამას გარდა, თავად დავით IV-ს ჰქონდა ქვეყანაში შექმნილი ისეთი პოლიტიკური ატმოსფერო, რომლის დროს ფეოდალთა გამოსვლები ფაქტობრივად შეუძლებელი იყო. საქართველოში მოქმედებდა „მსტოვართა“ საგანგებო ინსტიტუტი, რომელიც ყურადღებას აქცევდა, როგორც ქვეყნის შიგნით, ასევე ქვეყნის გარეთ მიმდინარე მოვლენებს. ქართველი მემატრიანეს მინიშნებით: „საქმე ქმნილი, კეთილი გინა ბოროტი თქმული, არა-რა დაეფარვოდა ყოველადვე, არამედ რაოდენცა ვის ფარულად ექმნის ანუ თუ ეთქვას, ყოველივე ცხად იყო წინაშე მისსა... არამედ დიდნი საქმენი და ფრიად სასწრაფონი წარმართნა ამით, და მრავალთ კეთილთა მიზეზ იქმნა ესე: პირველად ორგულებასა და ზაკუასა და ლალატსა რასამე ვერვინ დიდთა ანუ მცირეთაგანი იყადრებდა მოგონებადცა, არა თუ თქმად ვისდა, არცა თუ მუულესა და ცხედრეულსა თუსსა თანა, ანუ მოყუასსა თუსსა, გინა ყრმათა თუსთა თანა, ვინათგან ესე მტკიცედ უწყოდა ყოველმან კაცმან, რომელ პირით აღმოსლუასავე თანა სი-

ტყუასა საცნაურ ქმნილ არს უეჭუელად წინაშე მეფისა“. საერთოდ, შიდა პოლიტიკური შუღლი და დაპირისპირება ქვეყნის წინსვლის შემაფერხებელი ერთ-ერთი მთავარი ფაქტორია. ეს კარგად ესმოდა დავით აღმაშენებელს და ამიტომაც, იგი ყოველთვის დაუნდობელი იყო ფეოდალური ოპოზიციის მიმართ.

დიდებულთა თვითნებობის აღაგმვის შემდეგ დავით IV-მ უფრო მეტად მოიცალა ქვეყნის ალორძინებისათვის. ამასთანავე, წინა ზნაში მიმდინარე მოვლენებმა, სამეფო კარს საშუალება მისცა დამოუკიდებლობისათვის ბრძოლის საქმეში უფრო რადიკალური ნაბიჯები გადაედგა.

1092 წელს უეცრად გარდაიცვალა თურქ-სელჩუკთა სულთან მალიქ-შაჰი. სელჩუკთა იმპერია სამოქალაქო ომმა მოიცვა. მალიქ-შაჰის მეუღლემ თურქან-ხათუნმა საშედრო არისტოკრატიაზე დაყრდნობით თავისი ოთხი წლის ვაჟის გამეფება მოახერხა. ამასობაში, თურქ-სელჩუკთა დიდებულთა მეორე ნაწილმა სულთანად მალიქ-შაჰის მეორე ვაჟი ბარქარუჯი გამოაცხადა. ტახტისთვის ბრძოლა საბოლოოდ ბარქარუჯის გამარჯვებით დასრულდა. 1099 წელს სულთანს თავისი მეორე ძმა მუჰამადი აუფგანყდა. ამ დაპირისპირებამ თითქმის 1104 წლამდე გასტანა.

თურქ-სელჩუკები იმპერიის საშინაო პრობლემების მოგვარებით იყვნენ დაკავებულნი და მათ საქართველოსთვის არ ეცალათ. ამით კი საკმაოდ კარგად ისარგებლა დავით IV-მ და თურქებთან ბრძოლაში საგრძნობ წარმატებას მიაღწია.

ამავე პერიოდში მცირე ზნაში უდიდესი პოლიტიკური ცვლილებები განხორციელდა. 1096 წ. ევროპაში ქრისტეს საფლავის მუსლიმთაგან განთავისუფლების ლოზუნგით, დაიწყო მასობრივი მოძრაობა, რომელიც ისტორიაში „ჯვაროსნული ლაშქრობების“ სახელითაა ცნობილი. 1095 წლის 26 ნოემბერს რომის პაპმა ურბან II-მ კლერმონში შეკრებილ ევროპის სხვადასხვა კუთხიდან ჩამოსულ საერო და სასულიერო პირებს მიმართა ზნაში ჯვაროსნული ლაშქრობის მოწყობის მოწოდებით. რომის პაპის ზრით, ევროპელ რაინდებს იერუსალიმი და იქ მყოფი იესო ქრისტეს საფლავი უნდა გამოეხსნათ, ასევე დახმარების ხელი უნდა გაენიათ მცირე ზნაში მცხოვრებ

ქრისტიანი ძმებისთვის. ევროპელ მეომრებს სხეულზე ანდა ტანისამოსზე უნდა გამოესახათ ჯვარი, მათი სახელიც „ჯვაროსნები“, სწორედ აქედან მოდის.

ჯვაროსნების პირველი ტალღა 1096 წ. დაიძრა აზიისაკენ, მაგრამ ეს იყო არაორგანიზებული ნაწილი ევროპელი რაინდებისა. ისინი დაფანტულად მიემართებოდნენ იერუსალიმისაკენ და თურქ-სელჩუკებს მათი დამარცხება არ გასჭირვებიათ. 1097 წ. ახალი, გაცილებით უფრო ფართომასშტაბიანი ბრძოლა დაიწყო იერუსალიმის გასათავისუფლებლად. ჯვაროსნებმა მძიმე ბრძოლის შემდეგ აიღეს ქალაქები ნიკეა, ანტიოქია და 1099 წლის ივნისში დიდი წინააღმდეგობის მიუხედავად ევროპელი რაინდები იერუსალიმში შეიჭრნენ და ქალაქი დაიკავეს. ჯვაროსნების ამ ლაშქრობამ შეავიწროვა თურქ-სელჩუკები მცირე აზიასა და სირიაში. ამასობაში ბიზანტიის იმპერიამაც შეუტია დამპყრობელ თურქებს.

ერთი მხრივ თურქ-სელჩუკთა სახელმწიფოში მიმდინარე შინა ომმა და, მეორე მხრივ, მცირე აზიაში საქართველოსათვის სასურველი საერთაშორისო პოლიტიკური მდგომარეობის შექმნამ დავით IV-ს უბიძგა რადიკალური ნაბიჯი გადაედგა და 1099 წლისათვის სელჩუკთა სულთნისათვის ხარკის გადახდა შეენწყვიტა. დაიწყო ახალი ეტაპი თურქ-სელჩუკთა წინააღმდეგ ბრძოლაში.

დავით IV-მ თურქ-სელჩუკებთან ბრძოლის პირველ ეტაპზე მიაღწია მტრის მასობრივი პარპაშის ალაგმვას. ამის შემდეგ მეფემ ქვეყნის გაფართოებისთვის დაიწყო ზრუნვა. უპირველესად, დავითმა ყურადღება მიაქცია იმ ქართულ მიწებს, რომლებიც, ჯერ კიდევ არ იყვნენ მოქცეულნი ერთიანი საქართველოს შემადგენლობაში. ამ დროს, „აფხაზთა და ქართველთა“ მეფის ხელისუფლება არ ვრცელდებოდა კახეთ-ჰერეთზე, თბილისის საამიროზე, ქვემო ქართლზე და სამხრეთ საქართველოს ზოგიერთ თემზე. დასაწყისში, დავით IV-მ კახეთ-ჰერეთის შემოერთება გადაწყვიტა. ამ სამეფოს ზოგიერთი დიდებული ფარულად უჭერდა მხარს საქართველოს მეფის პოლიტიკურ კურსს და ერთიანი ძლიერი ქართული სახელმწიფოს ჩამოყალიბებისაკენ მიისწრაფოდა.

კახეთ-ჰერეთის დასავლეთ საზღვარი XII საუკუნის დასაწყისში მდ. ქსანზე გადიოდა, სამხრეთ-დასავლეთით კი მდ. მტკვარს მოყვებოდა. დავით IV-მ პირველად იერიში ზედაზენის ციხეზე მიიტანა. ეს იყო კახეთ-ჰერეთის სამეფოს ერთ-ერთი სტრატეგიული პუნქტი, რომელიც შიდა ქართლიდან მიმავალ ძირითად გზას კეტავდა. 1103 წელს დავით IV-მ ზედაზენის ციხე წაართვა მეფე კვირიკე IV-ს. საქართველოს მეფემ თანდათან მოაშზადა კახეთის სამეფოს შემოერთების საფუძველი. ეს პროცესი დააჩქარა 1104 წ. კვირიკე IV-ს გარდაცვალებამ. კახეთ-ჰერეთის სამეფო ტახტი დაიკავა ქარაფშუტა და უსამართლო აღსართან II-მ. დიდებულთა ნაწილმა მისი ჩამოგდება გადაწყვიტა და 1104 წ. არიშიანმა, მისმა ძმამ ბარამმა და მათმა ბიძამ (დედის ძმამ) ქვეთარ ბარამისძემ აღსართანი შეიპყრეს და დავით IV-ს გადასცეს. ამის შემდეგ საქართველოს მეფემ კახეთ-ჰერეთის ციხეები დაიკავა.

ერთიან ქართულ სახელმწიფოში კახეთ-ჰერეთის შესვლის მოსურნე ყველა კახელი დიდებული როდი იყო. დავით IV-ს მონინალმდგენიც გამოუჩნდნენ. კახელ წარჩინებულთა ეს ნაწილი განძის ათაბაგს ეახლა დახმარების სათხოვნელად. ეს მომენტი ხელიდან არ გაუშვეს მუსულმანმა მმართველებმა და დიდძალი ლაშქარი დასძრეს კახეთ-ჰერეთის დასაპყრობად. გადამწყვეტი ბრძოლა მოხდა 1104 წელს ერწუნის ველზე. დავით IV-მ ჭკვიანური სამხედრო გეგმის წყალობით მოახერხა მტრის უკუქცევა. გამარჯვების შემდეგ კახეთ-ჰერეთი საბოლოოდ იქნა შემოერთებული.

ქართული მიწების შეკრება-გაერთიანების პროცესის პარალელურად დავით IV ატარებს საეკლესიო, ადმინისტრაციულ, სამხედრო რეფორმებს. მართლაც რომ მასშტაბურია ამ ადამიანის საქმიანობა. განსაცვიფრებელია მისი მოღვაწეობის დიაპაზონი.

1104 წელს საქართველოს ეკლესიაში არსებული დარღვევების აღმოსაფხვრელად, რუისისა და ურბნისის სანახებში დავით IV აღმაშენებელმა დიდი საეკლესიო კრება მოიწვია. მის მუშაობაში მონაწილეობდნენ სასულიერო და საერო წოდების წარმომადგენლები. კრებამ მიიღო მეტად მნიშვნელოვანი დადგენილებები, ე. წ. „ძეგლისწერა“,

რომლითაც მოწესრიგდა საეკლესიო ცხოვრების ბევრი საკითხი. საეკლესიო კრების განჩინებით შეიცვალა უღირსი მღვდელმთავრები, დაწესდა ნლოვანების ზღვარი ხელდასხმისათვის (35 წელი ეპისკოპოსისათვის, 30 – მღვდელთათვის, 25 – დიაკონთათვის, 8 – წიგნის მკითხველთათვის), დადგინდა ხელდასხმის წესი, აიკრძალა ხელდამსხმელის მიერ ხელდასხმულისაგან „ქრთამისა და საფასის მიღება“, აიკრძალა ყოველგვარი საეკლესიო წიგნის პირადი მოხმარება, აიკრძალა უეკლესიოდ ნათლისცემა და ქორწინება, აიკრძალა „ჩილთა ქალ-ყრმათა“ გვირგვინის კურთხევა. დაწესდა ასაკი, რომლის შემდეგ დაიშვებოდა ვაჟრისწერა (ქალებისათვის 12, ვაჟებისათვის 14 წელი). აიკრძალა ბაზრობის გამართვა მონასტრებთან, აიკრძალა ასევე ბევრი სხვა გაუკულმართებული წესი, რომელიც დამკვიდრებული იყო ეკლესიაში.

ეკლესიაში განხორციელებული დიდი გარდაქმნების შემდეგ, მეფემ მოახდინა ცენტრალური ადმინისტრაციის საფუძვლიანი რეფორმირება. მან ორი დიდი სახელოს – მწიგნობართუხუცესისა და ჭყონდიდელის გაერთიანებით სამეფო კარზე შექმნა პირველი ვაზირის ინსტიტუტი. XIV საუკუნის ძეგლში „ხელმწიფის კარის გარიგებაში“ მწიგნობართუხუცეს-ჭყონდიდელის შესახებ ნათქვამია, რომ იგი „მამა არს მეფისა“. ეს თვალნათლივ მიუთითებს სამეფო კარზე ამ ინსტიტუტის განუზომელ ფუნქციაზე. ახალი თანამდებობის პირველი მფლობელი დავითის უერთგულესი თანამებრძოლი გიორგი ბერი გახდა.

დავით IV აღმაშენებელი გამეფებიდანვე დიდ ყურადღებას უთმობდა ლაშქრის რეორგანიზაციის საკითხს. მან თავიდანვე ჩაუყარა საფუძველი ერთგულ მოლაშქრეთა რაზმს, რომელიც შემდეგ პირად გვარდიად, „მონა სპად“ იქცა. სწორედ სამხედრო რეფორმის წყალობით, XII საუკუნის დასაწყისში საქართველოს უკვე ჰყავდა საკმაოდ მოზრდილი და კარგად ორგანიზებული არმია. მაგრამ დავით IV გადამწყვეტი ბრძოლისათვის ემზადებოდა და ძალებიც სათანადო იყო საჭირო. ამ დროს საქართველოს მეფე იღებს სარიცხო, მაგრამ პრაგმატულ გადანყვეტილებას. ის უკაშვირდება იმიერკავკასიასა და სამხრეთ რუსეთის სტეპებში მომთაბარე ყივჩაყებს და მათ იწვევს სამხედრო სამსახურისათვის. 1118-1119 წწ. დავითმა 40 000 ოჯახი ყივჩაყი ჩამოასახლა საქართველოში. ქართველთა არმია 40 ათასი მეომრით გაიზარდა.

ერნუხის ომის შემდეგ თურქ-სელჩუკთა წინააღმდეგ დავით IV აღმაშენებლის ბრძოლამ ახალი მასშტაბები შეიძინა. ამჯერად მეფე მტერს უტევს თითქმის ყველა მიმართულებით. 1110 წელს სამხედრო ხერხის გამოყენებით ქართველებმა ქვ. ქართლის ყველაზე სტრატეგიული ციხე – სამშვილდე აიღეს. 1115 წელს დაეცა რუსთავი. 1117-1118 წწ. დავით IV-ის ძალაუფლების ქვეშ მოექცა გიშის, ქალაქორის, ლორის, აგარანის ციხე-სიმაგრეები.

დავით აღმაშენებლის ბრძოლამ თურქ-სელჩუკთა ბატონობა შეარყია მთელ ამიერკავკასიაში. განსაკუთრებით მძიმე იყო თურქთათვის 1120-1121 წლები. საქართველოს მეფემ აშორნიასთან, სევეგულამეჯთან და ხუნანთან სასტიკად დაამარცხა მტერი. აიღო რამდენიმე სტრატეგიული პუნქტი, მათ შორის ყაბალა და ბარდავი.

დავით IV-ის სამხედრო კამპანიამ სასტიკად შეაშფოთა ამიერკავკასიის მუსლიმი ამირები, ვაჭრები, სასულიერო წოდების წარმომადგენლები. მათ შეელა წინა აზიის მმართველებს სთხოვეს. საქართველოს წინააღმდეგ შეიკრიბა საკმაოდ დიდი კოალიცია ნეჯმ ად-დინ ილღაზის სარდლობით. მტრის ჯარი 400 000 მეომარს აღემატებოდა. გადაწყვეტი ბრძოლა დიდგორის ველზე მოხდა. დავით IV-მ მუსულმანურ კოალიციას 55 600 მოლაშქრე დაუპირისპირა. დავით აღმაშენებლის ისტორიკოსის ცნობით, დიდგორის ბრძოლა სამ ყამამდე (საათამდე) გაგრძელდებოდა. საქართველოს ლაშქარმა ბრწყინვალე გამარჯვება მოიპოვა. იბნ ალ-ასირის მიხედვით, ქართველებს მტერი საზღვრიდან დაახლოებით 70 კმ მანძილზე განუდევნიათ.

დიდგორის ბრძოლა დავით IV აღმაშენებლის მიერ თურქ-სელჩუკთა წინააღმდეგ წარმოებული ომის გვირგვინს წარმოადგენს. მტერი უკვე წელში იყო გატეხილი და დავითმაც საკმაოდ კარგად ისარგებლა ამით. 1122 წელს მან ქ. თბილისი აიღო და ოთხი საუკუნე მუსლიმთა ხელში ნამყოფი ქალაქი საქართველოს დედაქალაქად გამოაცხადა. 1123-1124 წწ. შირვანი დალაშქრა, ხოლო 1124 წელს დმანისი შემოუერთა დედა სამშობლოს. 1124 წელს დავით IV-ის სკიპტრის ქვეშ შემოდის ჩრდილოეთ სომხეთი ანუ ყოფილი ანისის სამეფო. აღსანიშნავია, რომ საქართველოს მეფე თავად მიიწვია ანისის მოსახლეობამ „და ქალაქის „კლიტენი“ გადასცა.“

ქვეყნის ყოველდღიურმა საზრუნავმა, ლაშქრობებმა თავისი დალი დასვა დავით IV აღმაშენებლის ჯანმრთელობას. ქართველთა სათაყვანებელი მეფე 1125 წლის 24 იანვარს გარდაიცვალა. დაკრძალულია თავისავე აგებულ გელათის მონასტრის კარიბჭეში. საფლავის ქვაზე ამოტიფრული წარწერა კი გვამცნობს: „ესე არს განსასუენებელი ჩემი უკუნიით უკუნისამდე; ისე მთნავს აქა დავემკვიდრო მე“. დავით აღმაშენებელს ეკუთვნის ფილოსოფიური ლირიკის ბრწყინვალე ძეგლი „გალობანი სინანულისანი“.

დავით IV აღმაშენებლის პირველი ცოლი – ამ პიროვნების შესახებ ქართულ წყაროებში არაფერია აღნიშნული. ვიცით მხოლოდ, რომ მასთან დავითს შეეძინა თამარი, დემეტრე და კატა. სომეხი ისტორიკოსის – მათეოს ურჰაეცის ცნობით, საქართველოს დედოფალი სომეხი ყოფილა. მემატიანე დასძენს: „ჰყავდა აგრეთვე მეფე დავითს ერთი ღვიძლი შვილი სომხის ქალისგან, რომელსაც სახელად ერქვა დემეტრე“. სხვა ადგილას კი იგივე ავტორი იმეორებს, რომ ქართველთა მეფე დემეტრე „იყო შვილი სომხის ქალისა“.

დავითის მეუღლის ცხოვრების ბოლო პერიოდზე ქართულ ისტორიოგრაფიაში ურთიერთგამომრიცხველი მოსაზრებაა გამოთქმული. ამ აზრთა ჭიდილის მიზეზად კი შეიქმნა XII საუკუნის ერთი წერილი, რომელიც ეკუთვნის იერუსალიმში მოღვაწე ფრანგ მეფსალმუნეს ანსელუსს. წერილის ადრესატი იყო ეპისკოპოსი გალონი, სტეფანე მთავარდიაკვანი და „ერთობლივ პარიზის ღვთისმშობლის კრებული“. ანსელუსი, იესო ქრისტეს სახელოვანი საფლავის კანტორი და ხუცესი მათ ატყობინებდა, რომ პარიზში გააგზავნა ქართველთა მეფის დავითის ნაქონი ძელიცხოვრისაგან გაკეთებული ჯვარი. იქვე ანსელუსი ადრესატებს მოუთხოვრებს ამ ჯვარის თავგადასავალს: „ამ ჯვარს დავით, მეფე ქართველთა, სანამ ცოცხალი იყო, უაღრეს თაყვანისცემას და სიყვარულს უძღვნინდა. ის დავით, რომელს, მისი წინაპრებით, კასპიის კარი – გოგსა და მაგოგს რომ ზღუდავს – ეჭირა და დარაჯობდა, რასაც შვილი მისი აქამომდე ასრულებს, ვისი ქვეყანა და სამეფო მუდელთ და სპარსთა წინააღმდეგ ჩვენი, ასე ვთქვათ, წინა ბურჯია.“

შემდგომად დავითის სიკვდილისა და მისი შვილის გამეფებისა მეუღლემ მისმა, უფრო სინმიდისა, ვიდრე გვარისშვილობისათვის სათაყვანომ, წესი მონაზნობისა მიიღო, სარწმუნოების სამოსელი ინება და მცირეოდენ (მხლებელით) იერუსალიმს მოვიდა, ამ ჯვარის და ბევრი ოქროს თანწამოლებით, და იყო მისი ნადილი არა შინ დაბრუნება, არამედ აქ მშვიდობასა და მყუდროებაში სიცოცხლის დასრულება...

ბოლოს წამოღებული სულ დაარიგა, გასცა და მონასტრის საჭიროებისათვის დახარჯა. და ოდეს ჩვენი ქვეყანა შიმშილობამ შეაწუხა, თვითონ მისი ხელქვეითებით გაჭირვებაში ჩავარდა, და თუმცა ბერი რამ საჩუქრად ან სესხად მიელო, მაინც მისი ქველის გრძნობით იძულებული გახდა იმ მონასტრის მოთხოვნილებისათვის, მას რომ ებარა, ისე მოქცეულიყო, როგორც საკუთარ ხორციელ საჭიროებისათვის არასგზით არ იმოქმედებდა.

ამრიგად ის ძელი, არა ვითარი ფასის შესადარი, ამ მიზეზით ფასად იქცა და აჰა გამოგიგზავნეთ".

როგორც ვხედავთ, წერილში საუბარია დავით IV-ის ერთ-ერთ მეუღლეზე, მაგრამ სახელდობრ რომელზე, ამის თაობაზე ისტორიოგრაფიაში დავაა. ეს წერილი მრავალჯერ გამოცემულა. ევროპულ გამოცემებში მის თარიღად ნაჩვენებია 1108 წელი. ამ თარიღს მოუთითებს ზ. ავალიშვილიც, რომელმაც საგანგებო ნარკვევი უძღვნა ანსელუსის წერილში მოთხრობილ ამბავს. მეცნიერის აზრით, წერილში მითითებული საქართველოს დედოფალი დავით IV-ის პირველი ცოლი უნდა იყოს, რომელიც, რალაც მიზეზით, გაეყარა თავის მეუღლეს და იერუსალიმში გაემგზავრა. ეს მოსაზრება მოგვიანებით გაიზიარა შ. ბადრიძემ.

ქართველ მეცნიერთა ნაწილმა კი (ს. ჯანაშია, რ. მეტრეველი, ჯ. სტეფანაძე და სხვა) ყურადღება გაამახვილა იმ ფაქტზე, რომ წერილში დავით IV აღმაშენებელი გარდაცვლილადაა მოხსენიებული. იმ დროს, როცა ანსელუსი თავის ეპისტოლეს წერდა, საქართველოს უკვე დავითის ვაჟი განაგებდა. ეს რეალობა კი გვაფიქრებინებს, რომ იერუსალიმში ჩასული საქართველოს დედოფალი მხოლოდ დავითის მეორე ცოლი – გურანდუხტი შეიძლება ყოფილიყო. ამდენად, ანსელუსის წერილი არ გამოდგება დავითის პირველი ცოლის ბიოგრაფიის

აღსადგენად. საქართველოს დედოფალი XI-XIII საუკუნეების მიჯნაზე უნდა გარდაცვლილიყო.

გურანდუხტ დედოფალი – ყივჩაყთა მთავრის, ათრაქა შარალანის ძის ასული. გურანდუხტის შესახებ ქართულ წყაროებში საკმაოდ მწირი ცნობებია შემონახული. „ცხოვრებაჲ მეფეთ-მეფისა დავითისას“ ავტორი საკმაოდ დადებითად ახასიათებს საქართველოს დედოფალს. გურანდუხტი ყოფილა „სანატრელი და ყოვლად განთქმული სიკეთითა“. ათრაქა შარალანის ძესთან დანათესავება გაცილებით ადრე უნდა მომხდარიყო, ვიდრე დავითი ყივჩაყთა ჩამოსახლებას განიზრახავდა. ამაზე პირდაპირ მიუთითებს დავითის ისტორიკოსი. მემატინე როდესაც აღწერს ყივჩაყთა საქართველოში ჩამოყვანის ამბებს, იქვე აღნიშნავს, რომ „პირველ მრავალთა ნელთაჲსა მიერ მოეყვანა... გურანდუხტ დედოფალი, შვილი ყივჩაღთა უმთავრესისა, ათრაქა შარალანის ძისაჲ, სჯულიერად მეუღლედ თჳსად და დედოფლად ყოვლისა საქართველოისა“.

1118 წელს დავით IV-სა და გურანდუხტ დედოფალს შეეძინათ ვაჟი ვახტანგი. დავით IV აღმაშენებლის 1125 წლის ანდერძზე დაყრდნობით (ზოგჯერ იმ მკვლევარი ამ ანდერძს ნაყალბევად მიიჩნევს) ქართულ ისტორიოგრაფიაში გამოთქმულია მოსაზრება, რომ დავითსა და გურანდუხტს კიდევ სულ მცირე ორი ქალიშვილი უნდა ჰყოლოდათ. ანდერძში საქართველოს მეფე თავის ვაჟს დემეტრეს სთხოვს ყურადღება მიუქციოს თავის დებს. ამ დროისათვის დემეტრეს ლვიძლი დედამიწიელები თამარი და კატა უკვე კარხა ხნის გათხოვილები იყვნენ და მათ ძმის პატრონობა არ სჭირდებოდათ. როგორც ჩანს, მეფე თავის უმცროს შვილებზე დარდობდა და ამიტომაც დემეტრეს ანდერძად უტოვებს: „დათა მისთა პატივ სცეს, ვითარ შვილთა ჩემთა საყუარელთა“. ის ფაქტი რომ დავითსა და გურანდუხტს ნამდვილად ჰყავდათ ერთი ქალიშვილი ცხადყოფს „ისტორიანი და აზმანი შარავანდედთანის“ უცნობი ავტორი.

დავით IV აღმაშენებლის გარდაცვალების შემდეგ გურანდუხტი იერუსალიმში მიდის და იქ განაგრძობს მოღვაწეობას. დედოფლის

ბიოგრაფიის ამ დეტალის აღდგენა ხერხდება ფრანგი მეფსალმუნის ანსელუსის წერილის მიხედვით. ეს ეპისტოლე ზემოთ უკვე დავიმონ-მეთ, აქ კი მხოლოდ აღვნიშნავთ, რომ გურანდუხტ დედოფალს იერუსალიმში ჩაუტანია დავითის ნაქონი ჯვარი, რომელიც ძელიცხოველის ნაწილს შეიცავდა. მძიმე ეკონომიკურმა მდგომარეობამ დედოფალი აიძულა ეს სინწინდე გაეყიდა და თანხა მონასტრისათვის მოეხმარა.

გურანდუხტ დედოფალი იერუსალიმში უნდა გარდაცვლილიყო.

თამარ დედოფალი – დავით IV აღმაშენებლის ასული. დაიბადა დაახლოებით 1090-1092 წლებში. დავითის ისტორიკოსის ცნობით, იგი უფროსი იყო მეფის შვილებს შორის. მემატინანეს თქმით: „პირმო ასული თუხი თამარი გაეგზავნა დედოფლად შარვანისა“. ეს ქორწინება 1105-1106 წლებშია სავარაუდებელი. ქართველი პრინცესა აფრიდუნ შირვანშაჰის ძეზე – მანუჩეჰ II-ზე უნდა დაექორწინებინათ. ნ. ბერძენიშვილის მითითებით, დავით აღმაშენებლის მიერ გადადგმული ეს ნაბიჯი გამიზნული იყო შირვან-შაჰთან კეთილი დამოკიდებულების დასამყარებლად და მის ჩასაბმელად თურქ-სელჩუკთა წინააღმდეგ ბრძოლაში. თუმცა, ამ დამოყვრებამ სრულებითაც არ შეუძალა ხელი დავითს შირვანი დაელაშქრა და იქაურ ციხესიმაგრეებში საქართველოს სამეფო ლაშქარი ჩაეყენებინა. თამარსა და მანუჩეჰ II-ს შვიდი შვილი შეეძინათ. დღემდე დაუდგენელ მიზეზთა გამო 1152 წლისათვის თამარი საქართველოში დაბრუნდა და მონაზვნად აღიკვეცა. ერთი გვიანდელი კინკლოსი გვაუწყებს: „1152 – აქა თამარისგან აშენებული ეკლესია აურთხეს და თამარ ჩოქანი ჩაიციუნა“. ტადარი, რომელიც თამარის სახსრებით აიგო თიღვის ეკლესია იყო, რომლის კედელზე შემორჩენილი წარწერა გვაუწყებს: „ქმნილებამან რაჲ აქაჲსა სოფლისამან სხუჲსა მიიღოს დანყება ყოფადისა მოქმედებითა შენ ზედა ჯვარცმულისა ქრისტესს ლმერთისაჲთა, რომლისა მიმართ ყაჲსა მას შემნე მექმენ მსახურსა შენსა თამარს“.

სიცოცხლის ბოლოს თამარის შემონაზვნების ფაქტზე მიუთითებს „ლაშა-გიორგის დროინდელი მემატინანეც“. ისტორიკოსი დასძენს,

რომ 1155 წელს „დემეტრე მეფე მოკუდა, და დაჲ დემეტრესი თამარ, თილჳს აღმაშენებელი, ისიცა შემონაზონებული გარდაიცვალა“. თამარი ცოცხალი ჩანს XII საუკუნის 60-იანი წლების დასაწყისშიც. ანისის ალების შემდეგ გიორგი III-მ ეს სასიხარულო ამბავი თავის გამზრდელ მამიდას თამარ დედოფალთ-დედოფალს აუწყა. ამის შემდეგ წყაროებში თამარი აღარ გვხვდება. უცნობია მისი გარდაცვალების წელი და დაკრძალვის ადგილი.

დემეტრე – დავით IV აღმაშენებლის უფროსი ვაჟი. იხ. *დემეტრე I*.

კატა – დავით IV აღმაშენებლის ასული. დაბადებული უნდა იყოს დაახლოებით XI საუკუნის მიწურულს. ქართულ წერილობით წყაროებში მხოლოდ მისი ბიზანტიაში გათხოვების ფაქტია აღნიშნული. სხვა ბიოგრაფიული ცნობები კატას შესახებ არ გავაჩნია. „ცხოვრებაჲ მეფეთ-მეფისა დავითისას“ ავტორი აღნიშნავს: „ასული თჳსი კატა გაგზავნა საბერძნეთს სძლად ბერძენთა მეფისაჲ“. ისტორიოგრაფიაში აშრთა სხვადასხვაობაა კატას მეუღლის ვინაობის შესახებ. მეცნიერთა ნაწილს (ო. ლორთქიფანიძე, ვ. კოპალიანი, შ. მესხია, რ. მეტრეველი) მიაჩნიათ, რომ კატა გაათხოვეს ბიზანტიის იმპერატორის ალექსი კომნენოსის უმცროს ვაჟზე – ისააკზე. სხვა მოსაზრებით (ლუბო, ჯ. სტეფანაძე), კატას მეუღლე უნდა ყოფილიყო ანა კომნენისა და ნიკიფორე ვრიენოსის ვაჟი ალექსი. ეს უკანასკნელი ვარაუდი ეფუძნება ბიზანტიელი ისტორიკოსის ზონარას ცნობას, რომელშიც აღნიშნულია, რომ კატა „დანიშნული იყო კესაროსის უფროს ვაჟზე“. ამ კესაროსად კი ნიკიფორე ვრიენოსია მიჩნეული.

ზონარას ცნობა ანგარიშგასაწევია, მაგრამ აქვე ისიც გასათვალისწინებელია, რომ საქართველოს სამეფო ოჯახი სწორედ ისააკ კომნენის შთამომავალთ თვლიდა „სახლეულად თვისად“, დიდ პატივს მიაგებდა და მფარველობდა. ისააკ კომნენის შვილია ანდრონიკე, რომელიც გიორგი III-ის დროს საქართველოს ეწვია და სამეფო კარმა პომპეზური შეხვედრა მოუწყო, ხოლო ალექსი კომნენოსი, რომელსაც თამარ მეფე დაეხმარა ტრაპიზონის იმპერიის შექმნაში, ანდრონიკეს შვილიშვილი იყო. ამდენად, ბაგრატიონებსა და კომნენოსების საგ-

ვარეულოს ამ შტოს შორის მჭიდრო ნათესაური კავშირია სავარაუდო, რაც კატას ისააკ კომნენოსზე გათხოვებას ფაქტს უფრო დამაჯერებელს ხდის.

სხვა ბიოგრაფიული ცნობები კატას შესახებ არ გაგვაჩნია.

ვახტანგ უფლისწული – დავით IV აღმაშენებლისა და გურანდუხტ დედოფლის ვაჟი. დაიბადა 1118 წელს. ზოგიერთი მეცნიერის აზრით, ვახტანგი უნდა იხსენიებოდეს დავით აღმაშენებლის 1125 წლის ანდერძში (ისტორიკოსთა ნაწილი ამ დოკუმენტს ნაყალბევად თვლის). მეფე თავის მეგვიდრეს დემეტრე უფლისწულს სთხოვდა, რომ ქორუნი გურანდუხტ დედოფალზე, მცირეწლოვან ძმაზე და ასევე პატარა ნახევარძებზე. „და მივანდუცნ შვილნი და დედოფალნიცა, შუამდგომელობითა ღმრთისაჲთა, ნათქვამია ანდერძში, – რაჲთა ძმამ მისი გაზარდოს. და, თუ ინებოს ღმერთმან და ვარგ-იყოს ცუატა, შემდგომად მისსა მეფე-ჰყოს მამულსა ზედა, და დათა მისთა პატივ სცეს, ვითარ შჯლთა ჩემთა საყუარელთა“.

დოკუმენტის ეს მონაკვეთი იმითაცაა ჩვენთვის საყურადღებო, რომ მეფე, მომავალში, თავისი უმცროსი ვაჟის გამეფების შესაძლებლობას უშვებდა, რაც საქართველოში არსებული სამართლით ყოველად მიუღებელი იყო. დავით აღმაშენებელი, მართალია მიუთითებს, რომ თუ „ვარგ იყოსო“, მაგრამ, მიუხედავად ამისა, სამეფო ტახტის მეგვიდრეობის წესის ნაწილობრივი შეცვლა მაინც სახეზეა. ამდენად, დემეტრე I-ის შემდეგ მეფის ანდერძისამებრ ტახტი უნდა დაეკავებინა ვახტანგ უფლისწულს. ასეთი იყო სასიკვდილო სარეცელზე მყოფი დავითის სურვილი.

ქართულ წყაროებში ვახტანგის მხოლოდ დაბადების ფაქტია აღნიშნული. სხვა ბიოგრაფიული ცნობები მის შესახებ უცნობია. უფლისწულის ცხოვრების ბოლო პერიოდზე საკმაოდ საინტერესო მონათხრობი დაუცავს სომეხ ისტორიკოს ვარდან არეველცს, რომელიც გვესაუბრება რა 1130 წლის ახლო ხანებში დემეტრე I-ის წინააღმდეგ მოწყობილ აჯანყებაზე, დასძენს, რომ ამ შეთქმულებაში მონაწილეობა მიუღია დავითის ვაჟსაც. მეცნიერთა აზრით, ეს უფლისწული სწორედ ვახტანგი უნდა ყოფილიყო, რომელიც მეფე დემეტრეს

მომხრებმა შეიპყრეს და თვალები დაუბრმავეს. მემატიანე მოგვითხრობს: „დაახლოებით იმ დროს ივანე აბულეთის ძემ მოისურვა დემეტრესა და მისი ძმის გიორგის მოკვლა. მამამისი აბულეთი მის წინაშე თეთრ წვერს იგლეჯდა და უკრძალავდა ამას. ისინი დმანისის ციხეში გამოკეტეს ძმათა შორის სიცრუის გამო, რაც გაიგო დემეტრემ... მან გაგულისებულმა უთხრა: „არა მეფევ, მე ხელში ჩაგვადე შენ შენი ძმა, რომელსაც სურდა მეფობა“ (მეფემ) შეიპყროს ის, თვალები დასთხარა და გაუშვა“.

ამ ტრაგიკული ისტორიის შემდეგ, ვახტანგი არც ქართულ და არც უცხოურ წყაროებში აღარ გვხვდება. უცნობია მისი გარდაცვალების წელი და დასაფლავების ადგილი.

დავით IV აღმაშენებლის ქალიშვილები – დავით IV აღმაშენებელსა და გურანდუხტ დედოფალს ჰყავდათ კიდევ რამდენიმე ქალიშვილი, რომელთა ვინაობა სამწუხაროდ ცნობილი არ არის. ისინი იხსენიებიან დავით IV-ის 1125 წლის ანდერძში. მომაკვდავმა დავითმა თავის ვაჟს დემეტრეს შეავედრა სამეფო და თვისი ოჯახი. მზრუნველმა მამამ ანდერძად დაუტოვა მომავალ საქართველოს მეფეს: „დათა მისთა პატივ სცეს, ვითარ შულთა ჩემთა საყუარელთა“. აქ რამდენიმე („დათა მისთა“) ასულზეა საუბარი, მაგრამ კონკრეტულად მათი ბიოგრაფიები ჩვენთვის უცნობია. მხოლოდ ერთ-ერთი ამათგანი იხსენიება თამარის ისტორიკოსთან. „ისტორიანი და აზმანი შარავანდედთანის“ ავტორის მითითებით, დავითის ერთი ასული, რომელიც სწორედ გურანდუხტ დედოფალთან უნდა შესძენოდა მეფეს, გათხოვილი ყოფილა ოსეთში.

ლიტერატურა

1. ზ. ავალიშვილი, ჯვაროსნთა დროიდან, ოთხი საისტორიო ნარკვევი, თბ., 1989.
2. ი. ანთელავა, საქართველოს ცენტრალური და ადგილობრივი მმართველობა XI-XIII სს., თბ., 1983.
3. ზ. ანაბაძე, შ. ცინცაძე, საქართველო და ჩრდილოეთ კავკასია XII საუკუნესა და XIII საუკუნის I ნახევარში, კრ.: საქართველო რუსთაველის ხანაში, თბ., 1966.
4. ნ. ასათიანი, საქართველო-შირვანის პოლიტიკური ურთიერთობა XII საუკუნეში, წერილი I, თსუ შრომები, ტ. 125, ისტორიულ მეცნიერებათა სერია, VI, XII საუკუნის საქართველოს ისტორიის საკითხები, თბ., 1968.
5. ნ. ასათიანი, დავით აღმაშენებლის სამინაო პოლიტიკის ზოგიერთი საკითხი, ჟურ.: მნათობი, № 8, თბ., 1989.
6. შ. ბაღრიძე, ჯვაროსნული თქმულება დავით აღმაშენებელსა და დემეტრე პირველზე, წიგნ.: შ. ბაღრიძე, საქართველოს ურთიერთობები ბიზანტიასა და დასავლეთ ევროპასთან, თბ., 1984.
7. ნ. ბერძენიშვილი, სავაზირო ფეოდალურ საქართველოში, წიგნ.: ნ. ბერძენიშვილი, საქართველოს ისტორიის საკითხები, ტ. III, თბ., 1966.
8. მ. გაბაშვილი, თბილისი 1082-1122 წლებში, ქართული წყაროთმცოდნეობა, ტ. IV, თბ., 1973.
9. ე. გაბიაშვილი, რუის-ურბნისის კრების ძეგლისწერა, თბ., 1978.
10. ა. გოგოლაძე, დავით აღმაშენებლის ანდერძი შიომღვიმისადმი, თბ., 2001.
11. დავით აღმაშენებელი, გალობანი სინანულისანი (რუსულ და გერმანულ ენებზე), თბ., 1989.
12. ლ. დავლიანიძე, მათე ურპაელის ცნობები დავით აღმაშენებლის შესახებ, კრ.: საქართველო რუსთაველის ხანაში, თბ., 1966.
13. თ. დონდუა, ქართული ეთნოკულტურული ევოლუცია და დასავლეთი ნუმისმატიკური მასალების მიხედვით, თბ., 1997.
14. შ. კაკაბაძე, დავით აღმაშენებლისა და დემეტრე მეფის ლირიკა, ჟურ.: მნათობი, № 4, თბ., 1962.
15. ს. კაკაბაძე, დიდგორის ბრძოლა, თბ., 1982.
16. ა. კიკვაძე, დავით აღმაშენებელი, თბ., 1942.
17. ვ. კოპალიანი, საქართველოს ურთიერთობა ჯვაროსნებთან და ბიზანტიასთან (XI-XII სს. მიჯნა), კრ.: XII ს. საქართველოს ისტორიის საკითხები, თსუ შრომები ტ. 125, თბ., 1968.
18. შ. ლორთქიფანიძე, საქართველო XI ს. ბოლოს და XII ს. პირველ მეოთხედში. დავით IV აღმაშენებელი, წიგნ.: საქართველოს ისტორიის ნარკვევები, ტ. III, თბ., 1979.
19. რ. მეტრეველი, დავით IV აღმაშენებელი, თბ., 1990.
20. რ. მეტრეველი, საქართველოს სახელმწიფოს საგარეო პოლიტიკური ურთიერთობები IX საუკუნის მიწურულსა და XII საუკუნის I მეოთხედში, დავით აღმაშენებლის დიპლომატია, წიგნ.: ქართული დიპლომატიის ისტორიის ნარკვევები, ნაწ. I, თბ., 1998.
21. შ. მესხია, „ძლევა საკვირველი“, თბ., 1972.

22. თ. ფორდანი, ქრონიკები და სხვა მასალა საქართველოს ისტორიისა, წიგნ. I, ტფ., 1892.
23. ვ. სილოგავა, ანდრძი დავით აღმაშენებლისა შიომღვიმისადმი, თბ., 2003.
24. ვ. სილოგავა, XII ს-ის კულტორული წარწერის ფრაგმენტები ალავერდის ტაძრის საკურთხველში დავით აღმაშენებლის მოხსენიებით, მაცნე, ენისა და ლიტერატურის სერია, № 4, თბ., 1992.
25. ვ. სილოგავა, ბაგრატიონ ხელმწიფეთა ავტოგრაფები (XI-XII სს.), თბ., 2003.
26. ჯ. სტეფნაძე, საქართველო XII ს. და XIII ს-ის პირველ მეოთხედში, თბ., 1985.
27. ჯ. სტეფნაძე, დემეტრე პირველი, თბ., 1990.
28. ქართული ისტორიული საბუთების კორპუსი, შეადგინეს და გამოსაცემად მოამზადეს თ. ენუქიძემ, ვ. სილოგავამ, ნ. შიშიაშვილმა, ტ. I, თბ., 1984.
29. ქართული ზალხური საისტორიო სიტყვიერება, ტექსტების მომზადება, რედაქცია, შესავალი და შენიშვნები ქ. სიხარულიძის, თბ., 1961.
30. ი. ცინცაძე, ძიებანი რუსეთ-საქართველოს ურთიერთობის ისტორიიდან (X-XVI სს.), თბ., 1956.
31. ო. ცქიტიშვილი, სიბტ იბნ ალ-ჯაუზის ცნობა დავით აღმაშენებლის შესახებ, თბილისის სახელმწიფო უნივერსიტეტის შრომები, ტ. 118, თბ., 1967.
32. ცხოვრება მეფეთ-მეფისა დავითისი, წიგნ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955.
33. ცხოვრება მეფეთ-მეფისა დავითისი, ტექსტი გამოსაცემად მოამზადა, გამოკლევა, ლექსიკონი და საძიებლები დაურთო მზექალა შენიძემ, თბ., 1982.
34. ქ. ჩხატარაიშვილი, უცხოელები XII საუკუნის საქართველოს ლაშქარში, კრ.: საქართველო რუსთაველის ხანაში, თბ., 1966.
35. ქ. ჩხატარაიშვილი, დავით აღმაშენებლის ეპოქის ისტორიისათვის, მაცნე, ისტორიის – სერია, № 3, თბ., 1989.
36. ქ. ჩხატარაიშვილი, ი. შაიშველაშვილი, დიდგორის ბრძოლა, თბ., 1973.
37. ივ. ჯავახიშვილი, ქართველი ერის ისტორია, წიგნ.: II, ივ. ჯავახიშვილი, თხზულებანი თორმეტ ტომად, ტ. II, თბ., 1983.
38. გ. ჯაფარიძე, საქართველო და მახლობელი აღმოსავლეთის ისლამური სამყარო XII-XIII ს-ის პირველ მესამედში, თბ., 1995.
39. С. Ашурбейли, Государство Ширваншахов (VI-XVI вв.), Баку, 1983.
40. Э. М. Буниятов, Грузия и Ширван в первой половине XII века (Страничка из истории эпохи Шота Руставели), კრ.: საქართველო რუსთაველის ხანაში, თბ., 1966.
41. М. П. Мургулия, В. П. Шутарин, Половцы, Грузия, Русь и Венгрия в XII-XIII веках, М., 1998.




დემეტრე I

დუბეტრე I-ის მიწვევად კურთხევის სცენა.
მაცხვარიშის ფრესკა.

დემეტრე I-ის ოჯახი

დემეტრე I-ის ოჯახური გარემოს შესახებ საკმაოდ მწირი ცნობები გაგვაჩნია. სამწუხაროდ დღემდე ვერ დგინდება დემეტრე I-ის მეუღლის სახელი და ვინაობა. მეფის შვილებიდან – დავითმა და გიორგიმ მოგვიანებით საქართველოს სამეფო ტახტი დაიკავეს. ქალიშვილებიდან კი, საქართველოს პოლიტიკურ ცხოვრებაში განუზომელი როლი შეასრულა რუსუდან დედოფალმა. დემეტრე I-ს დავითის, გიორგისა და რუსუდანის გარდა, სავარაუდოდ, კიდევ ჰყავდა ორი ქალიშვილი, რომელთა სახელები ჩვენამდე არ არის შემონახული. წყაროებში მხოლოდ მათი არსებობა დასტურდება.



დემეტრე I, საქართველოს მეფე 1125-1156 წლებში. დემეტრეს XI-XII საუკუნის ქართველ მონარქთა შორის ღირსეული ადგილი უჭირავს. დავით IV-ის მიერ შექმნილი იმპერიის სადავეებთან ყოფნა უდიდეს ენერჯიასა და ძალისხმევას მოითხოვდა ახალგაზრდა მონარქისაგან. ამასთანავე, აქვე არ შეიძლება არ აღინიშნოს, რომ დემეტრე I-ის

მოლვანეობის შეფასებისას, თითქმის ყოველთვის პარალელი კეთდება დავით IV-სთან. გადაჭარბებული არ იქნება თუ ვიტყვით, რომ ამ შემთხვევაში დავით IV-მ ერთგვარად დაჩრდილა კიდევ თავისი ვაჟი. მაგრამ ეს ბუნებრივიცაა, ვინაიდან დავით IV ერთიანი საქართველოს მესაძირკველა, მისი მემკვიდრეები (დემეტრე I, გიორგი III, თამარ მეფე) კი ამ მონაპოვარის სახელოვანი შემნახველები.

რაოდენ საოცარი არ უნდა იყოს ის ფაქტი, რომ იმ ადამიანის შესახებ, რომელიც ერთ-ერთ გადამწყვეტ მომენტში მართავედა საქართველოს, თითქმის არაფერია ცნობილი. ამის თაობაზე ჯერ კიდევ ივ. ჯავახიშვილი აღნიშნავდა: „მისი ცხოვრება და თავგადასავალი საიდუმლოებით არის მოცული, ხოლო მოლვანეობის შესახებ ძალიან ცოტა რამ ვიცით. ამიტომ ხეირიანად არც-კი ჩანს, რაზე იყო დამყარებული ამ მეფის დიდი სახელი“. ქართულ ნარატიულ წყაროებთან შედარებით, დემეტრე I-ის შესახებ გაცილებით მეტს მოგვითხრობენ უცხოენოვანი ავტორები, მეტადრე, მუსულმანი პოეტები და მეცნიერები განადიდებენ საქართველოს მეფეს, ლეგენდების საფარქვეშ აქცევენ მის პიროვნებას.

ცნობილი შირვანელი პოეტი ხაკანი შირვანი თავის ოდაში აღტაცებით აღნიშნავს:

„ხელმწიფის კარი ქვეყნის ბედნიერებაა და მეც,
ამიტომ, მის ქებას ოქროს წყლით ვწერ.
სახელმწიფოს საყრდენი დავითის შვილი, რომელსაც
დიდებულ პატრიარქს კი არა, კეისარს ვუნოდებ.
დიდი ნალობა იქნება ისკანდერისათვის (ალექსანდრესათვის)
თუკი (დემეტრეს) კეისარს კი არა, ისკანდერს ვუნოდებ“.

დემეტრე I 1093 წელს უნდა დაბადებულიყო. ამდენად, პატარა უფლისწული მომსწრე და მნახველი იყო იმ დიდი ცვლილებებისა, რომელიც XI-XII საუკუნეების მიჯნაზე მიმდინარეობდა საქართველოში. ახალგაზრდობიდანვე, იგი მამის გვერდით ჩანს, როგორც ერთგული თანამებრძოლი. დავით IV-ს სიცოცხლეში დემეტრე სახელმწიფო საქმეების წარმართვაშიც მონაწილეობდა თანამოსაყდრის სტატუსით.

1117 წელს დემეტრე უფლისწულის სარდლობით ქართველთა ლაშქარმა შირვანი დალაშქრა და ციხე ქალაძორი აიღო. დემეტრე დავითის ძემ, „ქმნა ომნი საყრველნი, რომლითა განაკურენა მხილველნი და მსმენელნი“, – დასძენს დავითის ისტორიკოსი. მემატინანეს ეს სიტყვები გასაკვირი არ უნდა იყოს, რამეთუ სახელოვანი მამის გვერდით, უფლისწულიც კარგ სამხედრო აღზრდას მიიღებდა და ამ საქმეში სათანადოდ დახელოვნდებოდა. ყოველ შემთხვევაში, 1121 წელს დიდგორის ომში დემეტრე უფლისწულს დავითმა ერთ-ერთი ყველაზე საპასუხისმგებლო მისია მიაწოდო. დემეტრე ქართველთა ლაშქრის ერთ ნაწილს ედგა სათავეში, რომელიც დიდგორის ერთ-ერთ მთაზე იდგა და საჭირო დროს ბარში დაბანაკებულ თურქ-სელჩუკთათვის ფლანგიდან უნდა დაერტყა. უფლისწულმა შესანიშნავად შეასრულა მამის დავალება. მთლიანობაში, ქართველთა ლაშქარმა თურქ-სელჩუკები უკუაქცია და მტერს სასტიცი მარცხი აგემა.

გარდაცვალებამდე რამდენიმე ხნით ადრე, დავით IV-მ თავისი ხელით დაადგა გვირგვინი დემეტრე უფლისწულს და თანამოსაყდრედ დაისვა. მემატინანე მოგვითხრობს: „ვითარცა პირველმან დავით სოლომონი, ამანცა (დავით IV- ჯ. ს.) თუსითა კელითა დასუა საყდართა თუსთა ძე თუსი დიმიტრი ... და დაადგა თავსა შუენიერსა გურგუნი ქვათაგან პატიოსანთა... და შეარტყა წელთა ძლიერთა მახული... და შემოსა პორფირი მკლავთა ლომებრთა და ტანსა ახოვანსა“. თითქოს სიკვდილის მოახლოვებას გრძნობდა დავით IV და თავის უკანასკნელ ანდერძში კიდევ ერთხელ გადაულოცა სამეფო დემეტრეს. „რამეთუ მომცა პირცლ შვილი ესე ჩემი დიმიტრი, სიბრძნითა, სინმიდითა, ახოვნებითა და სიმკნითა უმჯობესი ჩემსა და ნამდულ ესეუითარი ჯერ-იყო მეფე, მოცემული ღმრთისა მიერ მყდრთათუს სოფლისათა მართლმორწმუნეთა.

მე წარვედ წინამუ მსაჯულისა, მისისაებრ განმგებელი მეფობისა“, – აღნიშნულია დავითის ანდერძში.

მამის გარდაცვალების შემდეგ დემეტრე I ქვეყნის ერთპიროვნული მმართველი გახდა. მართალია, მას უკვე ჰქონდა სახელმწიფოს

საქმების გაძლიერების გამოცდილება, მაგრამ, ამჯერად, დემეტრეს, დამოუკიდებლად უნდა ემართა „ნიკოფსიიდან-დარუბანდამდის“ გადაჭიმული ქვეყანა. ეს კი დიდ ვაჟკაცობას, ცოდნას, ნებისყოფას მოითხოვდა მომავალი მეფისაგან.

გამეფებისთანავე დემეტრე I-მა რამდენიმე სერიოზულ წარმატებას მიაღწია. 1125-1126 წწ. მან ორჯერ დაამარცხა მრავალრიცხოვანი მუსლიმური კოალიცია. 1125 წ. მეორე ნახევარში კი ქართველებმა ქ. დვინიც აიღეს. მაგრამ მალე ვითარება დემეტრესათვის არასახარბიელოდ შეიცვალა. ჯერ იყო და ყივჩაყთა ჯარის დიდმა ნაწილმა კვლავ სამშობლოს, სამხრეთ რუსეთის სტეპებს მიაშურა. ამან ნაწილობრივ შეარყია საქართველოს სამხედრო ძლიერება. ამას მოჰყვა ანისიდან ქართველ ფეოდალთა გამოძევება. ანისში თავისი ძალაუფლება კვლავ აღიდგინეს უწინდელმა მუსულმანმა მმართველებმა, თუმცაღა, ისინი ყმადნაფიცობის პირობით კვლავ საქართველოს მეფეს დაემორჩილნენ. დემეტრე I-ის გამეფებიდან მცირე ხნის შემდეგ, შირვანის აღმოსავლეთი ნაწილი საქართველოს შემადგენლობიდან გავიდა და ცალკე სამეფოს სახით ჩამოყალიბდა, სადაც 1130 წლისათვის მანუჩაჰ II, დემეტრეს დის ქმარი გამეფდა. დასავლეთ შირვანი კი კვლავ საქართველოს შემადგენლობაში დარჩა.

საგარეო სირთულეებს დემეტრე პოლიტიკური კონფლიქტი სამეფო კარზე. 1130 წელს, სომეხი ისტორიკოსის ვარდან დიდის ცნობით, უფლისწულ ვახტანგს და ივანე აბულეთის ძეს გადანყვეტილი ჰქონიათ მეფის მოკვლა. მაგრამ შეთქმულება დროზე ადრე გამომჟღავნდა და დემეტრე I-მა დამნაშავეთა შეპყრობა მოახერხა. თითოეულ მათგანს სასტიკი სასჯელი გამოუტანეს, მათ შორის უფლისწულ ვახტანგ დავითის ძეს, რომელსაც თვალები დაუბრმავეს.

XII საუკუნის 30-იან წლებში დემეტრე I-მა შესძლო ძალების მობილიზება და რამდენიმე სერიოზულ წარმატებას მიაღწია. 1130 წ. საქართველოს მეფემ ხლათის სულთანი ნასირ ად-დინ სუქმან II დაამარცხა. 1138-1139 წლებში კი ქ. განჯა დალაშქრა. წერილობითი წყაროების ცნობით, ამ დროს განჯაში დიდი მინისძვრა მომხდარა, რითაც უსარგებლია დემეტრე I-ს და ქალაქი უომრად აუღია.

ქართველთა ლაშქარი დიდი ალაფით დაბრუნდა სამშობლოში. დემეტრე I-მა სიმბოლურად ქ. განჯას ერთ-ერთი კარი შეხსნა და საქართველოში ჩამოიტანა, შემდეგ კი გელათის მონასტერს შესწირა, სადაც დღესაც ინახება. დემეტრე I-ის ჯარმა განჯა მოგვიანებითაც დალაშქრა 1147 წლისათვის, როდესაც ქალაქის მოქალაქეებმა, ამირა ერგიშის წინააღმდეგ ბრძოლაში დახმარება სთხოვეს საქართველოს მეფეს.

XII საუკუნის 50-იანი წლებისთვის საქართველოს სიძლიერე ამიერკავკასიაში კიდევ უფრო განმტკიცდა. 1154 წლისათვის დემეტრე I-მა ანისთან სასტიკად დაამარცხა არზრუმის გამგებელი იზ-ალ-დინ სალთუკი. ამ მოვლენის შესახებ მოგვითხრობს იზნ-ალ-აზრაყ ალ-ფარიკი. იგი წერს: 1154 წელს ანისის ამირა ფაზრ ალ-დინ შადადმა არზან-ალ-რუმის (არზრუმის) მფლობელ იზ ალ-დინ სალთუკს ქალი სთხოვა ცოლად, მაგრამ მისი თხოვნა არ დააკმაყოფილეს და ქალიც სხვას მიათხოვეს. შეურაცხყოფილმა ფაზრ ალ-დინ შადადმა გადაწყვიტა შური ეძია სალთუკზე.

მან შეატყობინა სალთუკს: ჩემი ხელისუფლება ანისში დასუსტდა, მოდი და იყიდე ქალაქი ჩემგან. მე ვიქნები შენს სამსახურში და პატივს გცემ შენ. მაგრამ, როდესაც სალთუკი მივიდა, შადადმა (შურის საძიებლად) გაგზავნა (კაცი) დიმიტრისთან, ქართველთა და აბხაზთა მეფესთან, რომელიც იქვე ახლოს იყო... ერთი დღის სავალზე ანისიდან და შეატყობინა სალთუკის მოსვლა. დიმიტრი წავიდა ქართველთა ლაშქრით და დილით ანისში იყო. იგი თავს დაესხა (სალთუკს) და დახოცა მრავალი მისი (ხალხთაგან). იზ ალ-დინ სალთუკი და მასთან ერთად მრავალი ტყვედ ჩაჯარდა და ურიცხვი მაჰმადიანი დაატყვევეს. ეს იყო სამახსოვრო დღე მაჰმადიანებისათვის. შემდეგ დიარაბიას და სირიის მეფეებმა გაგზავნეს ძელჩეხი აფხაზთა (საქართველოს) მეფესთან საშუამავლოდ. გამოსასყიდი იზ ალ-დინისთვის დაადგინეს 100 ათასი დინარი; იგი განთავისუფლდა და დაბრუნდა თავის ქვეყანაში; უდიდესი რაოდენობის ფული გავიდა მისი ქვეყნიდან სალთუკთან (ერთად) დატყვევებულთა დასახსნელად“.

არზრუმის გამგებელზე გამარჯვება საქართველოს საგარეო პოლიტიკის დიდი წარმატება იყო. ამას უნდა მოჰყოლოდა ქ. ანისზე ქართველთა უფლებების კიდევ უფრო განმტკიცება.

ამავე პერიოდში დემეტრე I-ის გავლენის სფეროში ექცევა დარუბანდიც, სადაც ამირად აბუ-მუზაფარი იჯდა, რომელიც საქართველოს მეფის სიძე იყო (ქალიშვილის ქმარი).

ამგვარი წარმატებების კვალდაკვალ დემეტრე I-ს სირთულეებიც სამყოფი ჰქონდა. როგორც ჩანს, ლაშქრობებმა, დედაქალაქში დიდხანს არყოფნამ, მისი ყურადღება სამეფო კარზე მიმდინარე მოვლენებისადმი მოაღუნა. მაგრამ, რაოდენ გასაკვირი არ უნდა იყოს, მის წინააღმდეგ მიმართულ შეთქმულებებს საკუთარი ვაჟი ხელმძღვანელობდა. დღემდეს გადაჭრით დაუდგენელია, რამ განაპირობა მამა-შვილს შორის ასეთი დაპირისპირების გაჩენა.

დემეტრე I-ს ორი ვაჟი ჰყავდა დავითი და გიორგი. სამწუხაროდ, საქართველოს მეფეს მეტად ცუდი ურთიერთობა ჩამოუყალიბდა უფროს შვილთან, ტახტის მემკვიდრე დავითთან. ეს დაპირისპირება, ბოლოს და ბოლოს, სერიოზულ კონფლიქტში გადაიზარდა. მემატანეს თემით, დემეტრე უფლისწული დავითის „მკიცხველი იქმნა“. 1150 წელს დავითმა დემეტრეს ტახტიდან ჩამოგდება გადაწყვიტა, მაგრამ შეთქმულება უშედეგოდ დასრულდა. დემეტრე I-მა აპატია ვაჟს ჩადენილი, თუმცაღა, მამა-შვილს შორის სამუდამოდ დაიძაბა ურთიერთობა. დავით უფლისწულს არც ამის შემდეგ შეუნყვეტია ბრძოლა ტახტისთვის. 1155 წლისათვის მან მიზანს საბოლოოდ მიაღწია, მამა ტახტიდან ჩამოაგდო და მონასტერში გაისტუმრა.

დავით V ექვსი თვის შემდეგ შეთქმულებმა მონამლეს. ზოგი ისტორიკოსი ფიქრობს, რომ დავითის მკვლელობაში თვით დემეტრესაც ერია ხელი, მაგრამ ამ მოსაზრების გადაჭრით მტკიცება შეუძლებელია.

ივ. ჯავახიშვილის აზრით, დავით V-ის გარდაცვალების შემდეგ, შემონახვებულ დემეტრეს პირი კვლავ სამეფო ცხოვრებისაკენ უბრუნებია და თავის თანამოსაყდრედ სახელმწიფო ტახტზე თავისი საყვარელი შვილი გიორგი III დაუსვამს. მაგრამ ამის შემდეგ დემეტრე I-ს

დიდხანს ალარ უცოცხლია. იგი დაახლოებით 1156 წელს გარდაიცვალა. დაკრძალული უნდა იყოს გელათის მონასტერში. დემეტრე I ეკუთვნის შიო მღვიმელისა და ლეთისმშობლისადმი მიძღვნილი იამბიკოები.

დემეტრე I-ის მეუღლე – მის შესახებ არავითარი ცნობები არ გავაჩნია. დგინდება მხოლოდ, რომ მას დემეტრე I-თან ხუთი შვილი შეეძინა.

დავითი – დემეტრე I-ის უფროსი ვაჟი. საქართველოს მეფე 1155-1156 წწ. იხ. *დავით V*.

გიორგი – დემეტრე I-ის შვილი, საქართველოს მეფე 1156-1184 წწ. იხ. *გიორგი III*.

რუსუდან დედოფალი – დემეტრე I-ის ასული. დაიბადა დაახლოებით XIII საუკუნის 30-იან წლებში. 1147 წლის ახლო ხანებში რუსუდანი დანინდეს დასავლეთ ირანის სულთან ყიას ად-დინ მასუდზე. სომეხი ისტორიკოსისა და სახელმწიფო მოღვაწის მხითარ გოშის ცნობით, სასიძოს ქ. განჯა მიუცია საქართველოს მეფისათვის „როგორც მისაგებელი“. სრულიად სამართლიანადაა შენიშნული ქართულ ისტორიოგრაფიაში, რომ დემეტრე განჯიდან მხოლოდ გადასახადებს იღებდა, ფაქტობრივად და ოურიდიულად კი ეს ქალაქი ისევ ერაყის სელჩუკთა სასულტნოს შემადგენლობაში რჩებოდა. ყიას ად-დინ მასუდის გარდაცვალების შემდეგ რუსუდან დედოფალი ითხოვა მასუდის ძმამ სულაიმან-შაჰმა. ეს უნდა მომხდარიყო 1153-1154 წწ. მიჯნაზე. მაგრამ ეს ქორწინება ხანმოკლე აღმოჩნდა. მეუღლემ რუსუდანი ქორწინლის ღამეს მიატოვა, მას შემდეგ რაც შეიტყო მის წინააღმდეგ მოსალოდნელი შეთქმულების შესახებ. ამის შემდეგ რუსუდან დედოფალი საქართველოში ბრუნდება და აქ განაგრძობს თავის მოღვაწეობას. რუსუდანი დიდი ავტორიტეტით სარგებლობდა საქართველოს სამეფო კარზე და აქტიურად მონაწილეობდა ქვეყნის პოლიტიკურ ცხოვრებაში.

1161 წელს გიორგი III-მ ქ. ანისი დაიპყრო. საქართველოს ამ წარმატებას არ ურიგდებოდა ელდიგუზ ათაბაგი. ანისისათვის ბრძოლამ თითქმის ოთხი წელი გასტანა. ბოლოს მხარეები, სულთნის ცოლყოფილის რუსუდან დედოფლის შუამავლობით დაზავდნენ. მოიძებნა ერთგვარი კომპრომისული ვარიანტი: ანისი კვლავ ძველ მფლობელებს მაჰმადიან შადადიდებს დაუბრუნდათ, ოღონდ ეს უკანასკნელნი გიორგი III-ის უზენაესობას ცნობდნენ. ამ მოვლენის შემდეგ რუსუდანი წერილობით წყაროებში კარგა ხანს აღარ იხსენიება.

გიორგი II-ის გარდაცვალების შემდეგ რუსუდან დედოფალი კვლავ პოლიტიკური მოვლენების ეპიცენტრშია. თამარის მეფობის დასაწყისში ქვეყანას ფაქტობრივად რუსუდანი განაგებდა. დიდებულები სწორედ მას უთანხმებენ ისეთ სახელმწიფოებრივ საკითხებს, როგორცაა თამარის მეფედ კურთხევა, მეფის გათხოვების საკითხი და სხვა. „ისტორიანი და აზმანი შარაევანდედთანის“ ავტორი პირდაპირ მოუთითებს, რომ გიორგი III-ის გარდაცვალების შემდეგ ქართველმა წარჩინებულებმა რუსუდან დედოფალს მიმართეს: „დღეს შენ სჩან მშობელთა ამათთა ნაცვლად... ვინათგან ვხედავთ ყრმასა თამარს“. ბასილი ქოსმოდვარის ცნობით კი სწორედ რუსუდან დედოფალთან შეიკრიბნენ „პატრიარქი და დიდებულნი, სპასუეტნი და ერისთავნი“ და თამარის გიორგი რუსზე გათხოვების საკითხი განიხილეს. მემატიანეს თქმით, მოგვიანებით გიორგი რუსის საქართველოდან გაძევების ერთ-ერთი მთავარი ინიციატორიც სწორედ რუსუდან დედოფალი ყოფილა.

სამეფო კარზე რუსუდან დედოფლის ასეთი განუზომელი უფლებები არ უნდა ყოფილიყო მხოლოდ მის ბაგრატიონთა სამეფო ოჯახისადმი კუთვნილებით განპირობებული. როგორც ჩანს, დედოფალი თავისი ნიჭის, სათნოების წყალობით გამორჩეული ნდობითა და პატივით სარგებლობდა საქართველოში.

რუსუდანთან ჩხრდებოდა დავით სოსლანი. მემატიანე საგანგებოდ მოუთითებს, რომ „იყო სახლსა შინა დედოფლისა რუსუდანი მოყმე ეფრემის ძეთაგანი, რომელ არიან თესნი, კაცნი მძლენი და ძლიერნი ბრძოლასა შინა“. რუსუდანივე ზრდიდა თამარის უმცროს დასაც,

თავისავე მოსახელეს, რუსუდანს. თამარისა და დავითის შეუღლებაც რუსუდან დედოფლის დასტურით მომხდარა.

1191 წელს დასავლეთ და სამხრეთ საქართველოს დიდებულთა გამოსვლის ჩახშობის შემდეგ რუსუდანი აჯანყებულებთან მოლაპარაკებას ანარმოებს. განდგომილმა ფეოდალებმა დედოფლისაგან უვნებლობის პირობა მიიღეს და მხოლოდ ამის შემდეგ ეახლნენ ნაჭარმაგვეს პატიების სათხოვნელად თამარ მეფეს. ეს დეტალი კიდევ ერთხელ მეტყველებს რუსუდანის დიდ ავტორიტეტზე.

1195 წელს აღსართან შირვან-შაჰისა და ამირ-მირმანს საქართველოში ჩამოსვლის დროს თამარმა და დავითმა რუსუდან დედოფალი საგანგებოდ მოინიეს სამეფო კარზე უცხოელ სტუმრებისადმი მიძღვნილ საზეიმო ცერემონიაში მონაწილეობის მისაღებად.

რუსუდან დედოფლის ცხოვრების ბოლო წლების შესახებ არაფერია ცნობილი. სავარაუდოდ დაკრძალული უნდა იყოს გელათის მონასტერში, ბაგრატიონთა სამეფო ოჯახის საძვალეში.

დემეტრე I-ის ქალიშვილები – დემეტრე I-ს დავითის, გიორგისა და რუსუდანს გარდა ჰყავდა კიდევ ორი ქალიშვილი, რომელთა სახელები ჩვენამდე მოღწეული არ არის.

ერთი მათგანი კიევის დიდი მთავრის იზიასლავის მეუღლე უნდა ყოფილიყო. რუსულ წყაროებში აღნიშნულია, რომ 1154 წელს იზიასლავმა მეორეჯერ გაგზავნა თავისი შვილი მსტისლავი, რათა „აფხაზეთიდან“ (საქართველოდან) მოეყვანა მისთვის (ე. ი. იზიასლავისათვის) ცოლად მეფის ასული და შეეგება მას (ე. ი. აფხაზთა მეფის ასულს), მსტისლავი ქვემო დნეპრის ჭორომებთან და მოიყვანა იგი კიევში, თვით კი (მსტისლავი) გაემართა პერეიასლავისაკენ, ხოლო იზიასლავმა შეირთო იგი ცოლად და გადაიხადა ქორწილი. მართალია ზოგიერთი მეცნიერი (ს. კაკაბაძე, ი. ცინცაძე, შ. მუსხია, კ. თუმანოვი) ფიქრობს, რომ აქ მოხსენიებული საქართველოს მეფის ასული უნდა იყოს დემეტრე I-ის შვილი რუსუდან დედოფალი, მაგრამ, ეს მოსაზრება მიუღებელია, ვინაიდან ამ დროისათვის რუსუდანი მეორეჯერ გათხოვდა სულაიმან-შაჰზე. ამდენად, რუსულ წყაროში მოხსენიებული


ქართველი პრინცესა დემეტრეს სხვა, ჩვენთვის უცნობი, ასული უნდა იყოს.

დემეტრე I-ის მეორე ქალიშვილი ცოლად ჰყავდა ქალაქ დარუბანდის ამირას აბუ-ლ-მუზაფფარის. იბნ ალ აზრაყ ალ-ფარიკი მოგვითხრობს, რომ 1154 წელს „მეფემ (დემეტრე I-მა) დაიწყო თავისი სამფლობელოს შემოვლა კიდით კიდემდე; ერთი ადგილიდან მეორეში გადადიოდა. მეც მასთან ვიყავი. ერთ დღეს, როდესაც ჩვენ გავჩერდით დარუბანდის ვილაეთში, – ეს კი არის ხაზარუნის დარუბანდი, რომლის შესახებაც ამბობენ, რომ პირველად იგი ააშენა ხოსრო კუბადმა, მეფემ დატოვა ლაშქარი კოშკში მთის ძირას. დარუბანდის მეფე, – იგია ამირა აბუ-ლ-მუზაფფარი, გამოვიდა აბხაზთა მეფის სამსახურად და ეახლა მას მსახურნი მისი იქ ყოფნისა და ლხინისათვის... რადგანაც იგი იყო სიძე აბხაზთა მეფისა – ცოლად ჰყავდა მისი ასული“. ქართულ წყაროებში არც ამ ქალბატონის შესახებაა ცნობები დაცული.

ლიტერატურა

1. ნ. ასათიანი, საქართველო-შირვანის პოლიტიკური ურთიერთობა XII საუკუნეში, წერ. I, XII საუკუნის პირველი ნახევარი, თსუ შრომები, ტ. 125, ისტორიულ მეცნიერებათა სერია, VI, XII საუკუნის საქართველოს ისტორიის საკითხები, თბ., 1968.
2. შ. ბაღრიძე, ვეპროსნული თქმულება დავით აღმაშენებლისა და დემეტრე პირველზე, წ.: შ. ბაღრიძე, საქართველოს ურთიერთობები ბიზანტიასა და დასავლეთ ევროპასთან, თბ., 1984.
3. ბასილი ეზოსმოძღვარი, ცხოვრება მეფეთ-მეფისა თამარისი, წ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959.
4. ლ. დავლიანიძე, მხითარ გომის „აღბანეთის ქრონიკა“, კრ.: ქართული წყაროთ-მცოდნეობა, ტ. II, თბ., 1968.
5. ვარდან არველცი, მსოფლიო ისტორია, ძველი სომხურიდან თარგმნეს ნოდარ შოშიაშვილმა და ეკა კვაჭანტირაძემ, შესავალი, კომენტარები და საძიებლები დაურთო ეკა კვაჭანტირაძემ, თბ., 2002.
6. პ. თოფურია, აღმოსავლეთ ამიერკავკასიის პოლიტიკური ერთეულები XI-XII საუკუნეებში, თბ., 1975.
7. ისტორიანი და აზმანი შარავანდედთანი, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959.
8. შ. კაკაბაძე, დავით აღმაშენებლისა და დემეტრე მეფის ლირიკა, ჟურ.: მნათობი, № 4, თბ., 1962.
9. ლაშა გიორგის-ღროინდელი მატთანე, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955.
10. მ. ლორთქიფანიძე, საქართველოს საგარეო და შინაპოლიტიკური ვითარება XII ს. მეორე მეოთხედიდან 80-იანი წლების დასაწყისამდე, წ.: საქართველოს ისტორიის ნარკვევები, ტ. III, თბ., 1979.
11. რ. მეტრეველი, შიდაკლასობრივი ბრძოლა ფეოდალურ საქართველოში, თბ., 1973.
12. რ. მეტრეველი, საქართველოს სახელმწიფოს საგარეო პოლიტიკა და დიპლომატია XII ს-ის 30-80-იანი წლების დამდეგს, დემეტრე I-ისა და გიორგი III-ის დიპლომატია, წ.: ქართული დიპლომატიის ისტორიის ნარკვევები, ნაწ. I, თბ., 1998.
13. მცირე ქრონიკები (კინკლოსები, ისტორიული მინაწერები), ტექსტები გამოსცა, შესავალი წერილი და კომენტარები დაურთო ჯუმბერ ოდიშელმა, თბ., 1968.
14. თ. ფურუხაძე, საქართველოსა და რუსეთის ურთიერთობის ისტორიიდან XII საუკუნეში, საქართველო რუსთაველის ხანაში, თბ., 1966.
15. ა. სიხარულიძე, აღ-ქარიკი საქართველოში, კრ. სემიტოლოგიური ძიებანი, ტ. II, თბ., 1985.
16. ე. სიხარულიძე, აღ-ქარიკის ცნობა დემეტრე I-ის გარდაცვალების შესახებ, კრ. ახლო აღმოსავლეთი და საქართველო, ტ. II, თბ., 1999.

17. ჯ. სტუფნაძე, XII ს. შირვანელი პოეტები დემეტრე I-ის შესახებ, ჟურ.: საუნჯე, № 5, თბ., 1977.
18. ჯ. სტუფნაძე, სად წავიდნენ ყივჩაყები? ჟურნ.: მნათობი, № 8, თბ., 1984.
19. ჯ. სტუფნაძე, საქართველო XII ს. და XIII ს-ის პირველ მეოთხედში, თბ., 1985.
20. ჯ. სტუფნაძე, თამარის მამიდა რუსუდანი, ჟურნ.: მნათობი, № 7, თბ., 1987.
21. ჯ. სტუფნაძე, დემეტრე პირველი, თბ., 1990.
22. ჯ. სტუფნაძე, მეფეთ-მეფე გიორგი მესამე, თბ., 1999.
23. ი. ცინცაძე, ძიებანი რუსეთ-საქართველოს ურთიერთობის ისტორიიდან (X-XVI სს.), თბ., 1956.
24. ივ. ჯავახიშვილი, ქართველი ერის ისტორია, წიგნ.: II, ივ. ჯავახიშვილი, თხზულებანი თორმეტ ტომად, ტ. II, თბ., 1983.
25. გ. ჯაფარიძე, საქართველო და მახლობელი აღმოსავლეთის ისლამური სამყარო XII-XIII ს-ის პირველ მესამედში, თბ., 1995.
26. თ. ჯოჯუა, საქართველოს მეფის გიორგი III-ის აღსაყდრების თარიღი 1160 წელს გარეჯში გადაწერილი ხელნაწერის (Ven. 4-ის) ანდერძის მიხედვით, კრ.: ისტორიის ინსტიტუტი 60 წლისაა, თბ., 2001.



ഭാഗം V

დავით V-ის პორტრეტი არ არის შემორჩენილი

დავით V-ის ოჯახი

მძიმე და ტრაგიკული ხვედრი ხვდა დავით დემეტრეს ძეს და მის ოჯახს. სახელოვანი პაპის მოსახელეს შესახებ ქართულ წყაროებში მხოლოდ რამდენიმე ცნობაა დაცული. ჩვენთვის უცნობია მისი მეუღლის სახელი. მხოლოდ ის ვიცით, რომ მათ ჰყავდათ ერთადერთი ვაჟი დემეტრე (დემნა), რომელმაც მოგვიანებით საშინელი წამებით დაასრულა სიცოცხლე.

დავით V
1155 -1156

♣
|

სახელი უცნობია

დემეტრე (დემნა)
უფლისწული

♣ ივანე ორბელიანის
ქალიშვილი

დავით V – საქართველოს მეფე 1155-1156 წწ. მას საქართველოს სამეფო ტახტი სულ რაღაც ექვსი თვე ეკავა. ეს საკმაოდ მცირე დროა იმისათვის, რომ რაიმე ღირებული შექმნა პოლიტიკურ ასპარეზზე. მაგრამ, მიუხედავად ამისა, დავით V-ის პიროვნება მაინც კოლორიტულია XI-XII სს. ქართველ მონარქთა შორის და ისტორიკოსთა დიდ ინტერესს იწვევს, უპირატესად იმ ინტრიგებისა და სამეფო კარზე არსებული დაპირისპირების წყალობით, რომლის ორგანიზატორი თავად გახლდათ ან არადა მის წინააღმდეგ იყო მიმართული.

დავით V-ის დაბადების თარიღი ჩვენთვის უცნობია. ისტორიკოსთა ვარაუდით, იგი 1115 წლის ახლო ხანებში უნდა დაბადებულიყო.

დავითის პატარაობისა და ყმანვილკაცობის პერიოდის შესახებ არაფერია ცნობილი. იგი პირველად 1150 წლისათვის იხსენიება. ამ ცნობის თანახმად, უფლისწული მამას უპირისპირდება და სამეფო ტახტის დაკავებას ცდილობს. კინკლოსში, სადაც ეს ფაქტია აღნიშნული, ნათქვამია: „ქრონიკონსა: ტო: (370) დასაბამითგან, ხინდ: (6754) აქა დთ (დავით) დ[დემეტრე]ს გაადგა“. ესე იგი 1150 წელს დავით უფლისწული დემეტრე I-ს აუჯანყდაო. ამ პატარა მინიშნებიდანაც კი კარგად ჩანს, რომ ამ დროს საქართველოს სამეფო კარზე პოლიტიკური ვითარება უკიდურესად დაძაბულა. რა იყო ამის მიზეზი? რამ გამოიწვია მამა-შვილს შორის შუღლი? ეს კითხვა დღემდე ბურუსითაა მოცული. ერთი რამ დანამდვილებით ვიცით, პირველად, დავითმა დემეტრე I-ის ტახტიდან ჩამოგდება ვერ მოახერხა. მეფემ კი ძალაუფლებისმოყვარე ვაჟს ჩადენილი მიუტევა და დაუსჯელი დატოვა. მაგრამ მაინც, რა მოხდა? რამ გადაკიდა სამკვდრო-სასიცოცხლოდ ერთი ოჯახის წევრები. დავით უფლისწული დემეტრეს უფროსი ვაჟი იყო და მამის გარდაცვალების შემდეგ ტახტი სწორედ მას უნდა დაეკავებინა. საქართველოს სამეფო კარზე არსებული კანონი ასე აწესრიგებდა ტახტის მონაცვლეობის წესს. მაგრამ დავითი ჩქარობს. ნუთუ, მხოლოდ უფლისწულის სულწასულობით იყო განპირობებული მისი ეს ნაბიჯი?

იმ ფაქტს, რომ დავითისა და დემეტრეს ურთიერთობა დაძაბული იყო, ქართული წყაროც აღნიშნავს. „ისტორიანი და აზმანი შარავანდედთანი“ მოგვითხრობს, რომ დემეტრე „მრჩეველი ძისა უმცროსისა (ე. ი. გიორგის), ხოლო მლარწველი მციცხველი იქმნა უფროსისა (ე. ი. დავითის) ვითარ ისაკი იაკობისადმი“. ჩვენ არ გამოვირიცხავთ, ამ დაპირისპირების საფუძველი პოლიტიკურ აზრთა სხვადასხვაობა ყოფილიყო. მოგვიანებით, გაზეფებისას, დავითმა სწორედ მამის მიერ შეპყრობილი პირები გაათავისუფლა და გარკვეულ წილად შეეცადა დემეტრე I-ის საგარეო-პოლიტიკური კურსის კორექტირებას. ეს ფაქტი შემთხვევითი არ უნდა იყოს. დავით უფლისწული 1150 წლის ახლო ხანებში უკვე 30 წელს გადაცილებული ვაჟკაცია, რომელსაც თავისი დამოკიდებულება აქვს მოვლენებისადმი. ამიტომაც, სრულიად დასაშვებად გვეჩვენება იმის ვარაუდი, რომ დასაწყისში მამა-შვილის

ხედვა ამა თუ იმ საკითხისადმი კარდინალურად განსხვავდებოდა, რამაც გამოიწვია ანტაგონიზმი ოჯახის წევრებს შორის. იქნებ ესეც იგულისხმება მემატრიანესთან, როდესაც აღნიშნავს: დემეტრე „მეიცხველი იქმნა უფროსისა (ე.ი. დავითის) ვითარ ისაკი იაკობისადმი“.

კონფლიქტი სამეფო კარზე მართალია მალევე მოგვარდა, მაგრამ დაძაბულობა მამა-შვილს შორის არც ამის შემდეგ განულებულა. დემეტრე I უწინდებურად განაგრძობდა სამეფოს მართვას. მაგრამ, უეცრად, 1155 წლისათვის, მეფე მონასტერში მიდის, უფროსი ვაჟი დავითი კი სამეფო ტახტს იკავებს. ლაშა-გიორგის დროინდელი ისტორიკოსი გადმოგვცეს: „წარელო ცხოვრება (დემეტრემ), და მიინია სრულ-ქმნილი სიბერესა. შეიმოსა ჩოკა და იყურთხა სქემითა“. ისტორიკოსები სრულიად სამართლიანად ფიქრობენ, რომ დემეტრე I აიძულეს ბერად აღკვეცილიყო.

დავით V-მ მიზანს მიაღწია. მაგრამ როგორც ქართულ წყაროშია აღნიშნული, საკმაოდ ხანმოკლე აღმოჩნდა დავითის მეფობა, მან მხოლოდ ექვსი თვე დაჰყო ტახტზე. მიუხედავად მცირე დროისა, დავით V-მ შეძლო რამდენიმე მნიშვნელოვანი ნაბიჯი გადაედგა, რომელიც სამომავლოდ მისი ხელისუფლების გაძლიერების საწინდარი უნდა გამხდარიყო. მან ციხიდან გაათავისუფლა თირქიშ აბულეთის ძე და მას ამირსპასალარობა უბოძა. ამას გარდა თავის მომხრე სხვა ფეოდალებიც „მეტად განადიდა“. მზითარ გომის მონათხრობით კი დავით V-ის ინიციატივით საქართველოს სამეფო კარზე დამდგარა ტაშირ-ძორაგეტის სამეფოს აღდგენის საკითხი. საქართველოს მეფის საქმიანობა საეკლესიო სფეროსაც შეეხო. გადანყვეტილი ყოფილა საეკლესიო კრების ჩატარება, რომელზედაც მართლმადიდებლურ და გრიგორიანული რწმენის საკითხებზე უნდა ემსჯელათ.

მართალია, დავით V ძალას იკრებდა, მაგრამ არც მისი მონინაალმდეგეები იყვნენ ხელდაკრეფით. საქართველოს სამეფო კარზე ახალი პოლიტიკური ინტრიგა მზადდებოდა, რომელიც ამჯერად დავით V-ის წინააღმდეგ იყო მიმართული და რომელსაც, როგორც სომეხი ისტორიკოსი მოგვითხრობს, მისი ღვიძლი ძმა გიორგი უფლისწული ედგა ფარულად სათავეში. ვარდან დიდი წერს: „ზოგი

ამბოზს (ის მოკლულ იქნა) სუმბატ და ივანე ორბელიანების მზაკვრობის შედეგად, რადგან მათ ადგილას დააყენა თირქაში. ისინი შეთანხმებული იყვნენ დავითის ძმა გიორგისთან, რომ (ის) დანიშნავდა (მათ) მხედართმთავრად". არავინ უწყის დანამდვილებით, მართლაც ერია თუ არა გიორგი III ძმის წინააღმდეგ მონყობილ მკვლელობაში. არც ის ვიცით, რა როლი შეასრულა მთელ ამ პროცესში მონასტერში მყოფმა დემეტრე I-მა. მაგრამ ერთი რამ ფაქტია, თავად დავით V-ს, არ შუუტანია ეჭვი თავისი ძმის ერთგულებაში. სხვაგვარად გაუგებარია, სასიკვდილო სარეცელზე მყოფმა მეფემ რატომ შეავედრა თავისი ერთადერთი მხოლოდმშობილი ვაჟი დემეტრე (დემნა) გიორგი უფლისწულს. სტეფანოს ორბელიანი მოგვითხრობს: „დავითმა... ჟამსა აღსრულებისას მოუწოდა კათოლიკოსსა და დიდ-დიდთა დიდებულთა და ძმასა თვისსა გიორგის და მცირესა ყრმასა თვისსა დიმიტრის და დაიდგა წინაშე თვისსა თავადი ხატი და განმაცხოვრებელი ჯუარი და სახარება და თქვა: „...ვითარცა მამამან ჩემმან მომმადლა მე სამკვიდრებელი საყდარი ესე და სამეფო, მსგავსადვე მისსა მე ძისა ჩემისა დიმიტრისსა მომიცემიეს თქვენ ყოველივე მონამოებითა. ხოლო შენ, ძმა ჩემო გიორგი, დადექ ადგილსა ჩემსა და ქმენ ძალმთავრობა ქვეყნისა და იყოს შენდა ნაწილ სამკვიდრებელისა, რომელ-იგი მამამან ჩემმან მოგცა შენ, ვიდრე აღიზარდოს ყრმა ჩემი“.

როგორც სტეფანოს ორბელიანთან ჩანს, რასაც სხვა წყაროებიც ადასტურებენ, დავით V-მ დემეტრე უფლისწულის მცირეწლოვნობის გამო ვერ მოახერხა მისი ტახტზე აყვანა. ამიტომაც მეფე იძულებული იყო სამეფოს მართვა-გამგეობა თავისი ძმისათვის გადაეცა, მაგრამ იმ პირობით, თუ გიორგი ძმისწვილის დავაჟკაცების შემდეგ, სამეფო ტახტს კვლავ თავის კანონიერ მფლობელს დემეტრეს (დემნა) დაუთმობდა. მომაკვდავმა დავით V-მ სწორედ ამ პირობაზე დააფიცა გიორგი და მთელი სამეფო კარი. ამის შემდეგ საქართველოს მეფეს დიდხანს აღარ უცოცხლია.

დავით V 1156 წელს უნდა გარდაცვლილიყო. მისი ნეშტი გელათის მონასტერში წაასვენეს და სამეფო საძვალეში დაკრძალეს.

დავით V-ის მეუღლე - სახელი უცნობია, ბიოგრაფიული ცნობები არ გავაჩნია.

დემეტრე (დემნა) უფლისწული - დავით V-ის ვაჟი. დაიბადა XII საუკუნის 50-იანი წლების დასაწყისში. 1156 წელს მამის გარდაცვალებისას დემნა მცირეწლოვანი იყო და ამიტომ, დავით V-მ ვერ მოახერხა მისი გამეფება. სომეხი ისტორიკოსის სტეფანოს ორბელის მტკიცებით, სასიკვდილო სარეცელზე მყოფმა საქართველოს მეფემ თავისი ძმა გიორგი და დიდებულები დააფიცა პატარა უფლისწულის ერთგულებაზე. სრულწლოვნობის შემდეგ დემეტრეს სამეფო ტახტი უნდა დაეკავებინა, მანამდე კი ქვეყანა გიორგის უნდა ემართა, - ასეთი იყო მომავლადევი დავით V-ის სურვილი. სომეხი მემატჩიანე იქვე დასძენს: „ხოლო თვით იგი გიორგი გარდაქცევდა გულსა დიდ-დიდთა მთავართა და კათალიკოზისასა კუალად და ენება განმეფება... ხოლო შემდგომად თვისა ერთისა შუკრბენ ყოველნი დიდებულნი და ზნაურნი გიორგისა. და მივიდა მათ თანა იოვანეცა თვისითურთ, და განუცხადა განზრახვა იგი გიორგი მრავლითა ვედრებითა და დაჯერებულ ყო სიტყვით: „უკეთემცა ასაკულ იქმნეს ძმისწული ჩემი, არა დაკლებულ ვყო იგი, არამედ ანდერძისაებრ ძმისა ჩემისა დავსვა საყდარსა მეფობისასა. ამისთვის სცხეს მას მეფობა“.

სტეფანოს ორბელის მონათხრობში შეიძლება ბევრი რამ გადაჭარბებული ან არადა მოგვიანო ხანის გადმოცემის ანარეკლი იყოს. მაგრამ ერთი რამ უდავოა. ტახტი ქართული სამართლით დემეტრე უფლისწულს ეკუთვნოდა. ამიტომ მამის გარდაცვალების შემდეგ მის გამეფებას მხოლოდ მცირეწლოვნობა თუ შეუშლიდა, სხვა მხრივ დემეტრესათვის მეფობისაკენ მიმავალი გზა ხსნილი იყო. ზოგიერთი ისტორიკოსის აზრით, დავით V-ის გარდაცვალების შემდეგ საქართველოს სამეფო ტახტზე დაბრუნდა დემეტრე I და მან დაადგა თავისი ხელით გვირგვინი გიორგი III-ს, ამ შემთხვევაშიც კი რაოდენ არ უნდა ყოფილიყო დემეტრე განანყენებული თავის უფროს ვაჟზე, ქვეყანაში არსებული სამართალი მას იმის უფლებას არ მისცემდა, რომ ერთი ხელის აღებით შეეცვალა საუკუნეებით დაკანონებული მეფის

მონაცვლეობის წესი. გიორგი III-ის გამეფებისას პატარა უფლისწულის უფლებებიც გათვალისწინებული იქნებოდა. ყოველივე ეს გვაფიქრებინებს, რომ სამეფო კარზე შეიძლება მომხდარიყო იმის მსგავსი, რაც სტეფანოს ორბელიანს აქვს გადმოცემული. ჩვენ არ გამოვრიცხავთ, რომ გიორგი III მართლაც რაღაც პირობით ასულიყო ტახტზე.

გიორგი III-ის გამაფების შემდეგ სად იზრდებოდა დემეტრე (დემნა) უფლისწული წყაროებში აღნიშნული არ არის. ცნობილია, რომ მასზე განსაკუთრებით ზრუნავდა ივანე ორბელიანი. როგორც ჩანს, ამანვე განაპირობა ის ფაქტი, რომ დემნა უფლისწულმა მოგვიანებით ცოლად ივანეს ქალიშვილი შეირთო.

1177 წ. ფეოდალთა საკმაოდ დიდმა ნაწილმა განიზრახა დემეტრე უფლისწულის გამეფება. დასაწყისში შეთქმულებმა გადაიბირეს კაიანისა და კაინონის მმართველები, ამას მოჰყვა კახეთ-ჰერეთის ფეოდალთა გამოსვლა ცენტრალური ხელისუფლების წინააღმდეგ. პარალელურად ივანე ორბელმა და მისმა თანამზრახველებმა საკმაოდ დიდ ჯარს მოუყარეს თავი და მეფის წინააღმდეგ ლაშქრობის გეგმა შეიფუშავეს. გიორგი III აჯანყების დასაწყისში თბილისში არ იმყოფებოდა. მეფე სასწრაფოდ დაბრუნდა დედაქალაქში და აჯანყების ჩაქრობას შეუდგა. სამეფო ლაშქარმა ბრწყინვალე გამარჯვება მოიპოვა ჰერეთის დიდებულებზე, შემდეგ კი აჯანყებულთა მთავარ ბანაკს – ლორეს ციხეს შემოერტყნენ. ალყა ივლისის თვეში დაიწყო და თითქმის მომდევნო წლის მარტამდე გაგრძელდა. მალე აჯანყებულთა ბანაკში ორჭოფობამ იჩინა თავი. ბევრი ადრევე მიხვდა, რომ აჯანყება ნაგებული იყო და ამიტომ მათთვის მთავარი საზრუნავი თავის გადარჩენა გახლდათ. დიდებულები ციხიდან იპარებოდნენ და მეფეს მორჩილებას უცხადებდნენ. ისინი ამ გზით ცდილობდნენ ნაწილობრივ მაინც გამოესყიდათ გიორგი III-ს წინაშე ჩადენილი დანაშაული.

ერთ საღამოს ლორეს ციხიდან ფარულად გადმოიპარა თავად დემეტრე (დემნა) უფლისწული და ბიძას მიუვიდა. შეშინებული უფლისწული ფეხქვეშ ჩაუვარდა გიორგი III-ს და პატიება ითხოვა. ბიძამ გამორჩეულად მიიღო ძმისწული, მაგრამ მეფის ამ წყალობამ მცირე

ხანს გასტანა. აჯანყების ჩაქრობისთანავე, გიორგი III-ის ბრძანებით დემნა უფლისწული შეიპყრეს, ჯერ თვალები დაუბნელეს, ხოლო შემდეგ კი დაასაჭურისეს. ახალგაზრდა უფლისწულმა ასე ტრაგიკულად დაასრულა თავისი სიცოცხლე. გიორგი III ბოლომდე შეუბრალვლად მოექცა თავის ძმისწულს: იგი მამის გვერდით, სამეფო ოჯახის საძვალეში გელათში კი არ დაასაფლავა, არამედ სამუდამო განსასვენებელი სვეტიცხოველში მიუჩინა.

დემეტრე (დემნა) უფლისწულის სიკვდილით დასრულდა ბაგრატიონთა სამეფო ოჯახის პირდაპირი მამრობითი შტო.

ლიტერატურა

1. ბასილი ეზოსმოდვარი, ცხოვრება მეფეთ-მეფისა თამარისი, წიგნ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959.
2. თ. ბარნაველი, უფლისწულ დემნას ამბოხების თარიღისათვის, საქართველოს სახ. მუზეუმის „მოამბე“, ტ. XIX-XXI, თბ., 1957.
3. ლ. დავლიანიძე, მხითარ გოშის „ალბანეთის ქრონიკა“, კრ.: ქართული წყაროთმცოდნეობა, ტ. II, თბ., 1968.
4. ლ. დავლიანიძე, დავით V სომხურ საისტორიო მწერლობაში, მაცნე, ისტორიის ... სერია, № 2, თბ., 1974.
5. ვარდან არველცი, მსოფლიო ისტორია, ძველი სომხურიდან თარგმნეს ნოდარ შოშიაშვილმა და ეკა კვაჭანტირაძემ, შესავალი, კომენტარები და საძიებელი დაურთო ეკა კვაჭანტირაძემ, თბ., 2002.
6. ისტორიანი და აზმანი შარავანდელთანი, წიგნ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959.
7. ლაშა გიორგის-დროინდელი მატიანე, წიგნ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955.
8. გ. მაისურაძე, ერთი სომხური წყარო დემნა უფლისწულის აჯანყების შესახებ, კრ. საქართველო რუსთაუელის ხანაში, თბ., 1966.
9. რ. მეტრეველი, შინაკლასობრივი ბრძოლა ფეოდალურ საქართველოში (XII ს.), თბ., 1973.
10. რ. მეტრეველი, მეფე თამარი, თბ., 1991.
11. მცირე ქრონიკები (კინკლოსები, ისტორიული მინაწერები), ტექსტები გამოსცა, შესავალი წერილი და კომენტარები დაურთო ჯუმბერ ოდიშელმა, თბ., 1968.

12. სტეფანოს ორბელიანის „ცხოვრება ორბელიანთა“-ს ძველი ქართული თარგმანები, ქართულ-სომხური ტექსტები გამოსაცემად მოამზადა, შესავალი და საძიებლები დაურთო ე. ცაგარეიშვილმა, თბ., 1978.
13. ჯ. სტეფანაძე, დემეტრე პირველი, თბ., 1990.
14. ჯ. სტეფანაძე, მეფეთ-მეფე გიორგი მესამე, თბ., 1999.
15. ივ. ჯავახიშვილი, ქართველი ერის ისტორია, წიგნ.: II, ივ. ჯავახიშვილი, თხზულებანი თორმეტ ტომად, ტ. II, თბ., 1983.



ბიჭვანი III

გიორგი III ვარძიის ფრესკა.

გიორგი III-ის ოჯახი

საქართველოს ისტორიაში გიორგი III-ს გამორჩეული ადგილი უჭირავს. მისი ოჯახის მიმართ ოდითგანვე იყო მიქცეული საგანგებო ყურადღება. ეს გასაგებიცაა, რამეთუ სწორედ გიორგი III-ის ოჯახში აღიზარდა ყველა ქართველის სათაყვანებელი მეფე-ქალი თამარი. მაგრამ გიორგის III-ის სახელი ისტორიას შემორჩა არა იმიტომ, რომ სახელოვანი შვილის მამა იყო, არამედ იმიტომ, რომ თავად გიორგი გახლდათ ის პიროვნება, რომლის გარეშე ჩვენი ქვეყნის წარსული წარმოუდგენელია.

გიორგი III-ის მეუღლე იყო ოსთა მეფის ზუდანის ქალიშვილი ბურდუხან დედოფალი. სწორედ მასთან უნდა შესძენოდა საქართველოს მეფეს ორი ქალიშვილი თამარი და რუსუდანი. კანონიერი ცოლ-შვილის გარდა გიორგი III-ს, როგორც წყაროებშია აღნიშნული, ჰყოლია უკანონო ცოლიც ანუ ხარჭა, რომლისაგანაც მეფეს კიდევ ერთი ქალიშვილი შეეძინა.

ამ უკანასკნელს მხოლოდ ერთხელ იხსენიებს „ისტორიანი და აზმანი შარაენდეთანის“ ავტორი. ცნობების ასეთი სიმწირის გამო ვერ დგინდება ვერც მისი და ვერც დედამისის ვინაობა. მემატანესთან, იქ სადაც გადმოცემულია თამარ მეფის მეორედ გათხოვების ამბავი, აღნიშნულია, რომ თამარის ხელის მადიებელ უცხოელ უფლისწულებს შორის იყვნენ ისეთები, რომელნიც თამარის სიყვარულისათვის მამა-პაპურ რჯულსაც კი უარყოფდნენ, მათ რიცხვს ეკუთვნოდა არზრუმელი პრინცი – მუტაფრადინი. იგი კარგა ხანს დარჩა საქართველოში. სამეფო კარმა საპატიო დახვედრა მოუწყო სტუმარს. თამარმა კი, თავის სანაცვლოდ, ნახევარდის „ერთი ვინმე ხარჭათაგანის შობი-

რამდენიმე ცნობა, რომელიც ჩვენს ხელთაა, მხოლოდ გიორგის ბიოგრაფიის რამდენიმე დეტალის გაცოცხლებაში გვეხმარება. ცნობილია, რომ დემეტრე I-ს გამორჩეულად უყვარდა თავისი უმცროსი ვაჟი. ეს ფაქტი იმდენად თვალშისაცემი ყოფილა, რომ იგი მემატიანეთაგან აღუნიშნავი არ დარჩა. „ისტორიანი და აზმანი შარავანდედთანის“ ავტორი საგანგებოდ მიუთითებს, რომ დემეტრე იყო „მარჩვეული ძისა უმცროსისა“.

1155 წლისათვის დემეტრე I ტახტიდან ჩამოაგდეს და მონასტერში აღკვეცეს ბერად. საქართველოს სამეფო ტახტი დავით V-მ დაიკავა. გიორგი ამ დროს სასახლეშია და ჩვეულებრივ ცხოვრებას ეწევა. ვარდან დიდის ცნობით, დავით V გამეფების შემდეგ მალევე შეთქმულება მოწამლეს. სომეხი ისტორიკოსი, ამ საქმეში გიორგი III-ის მონაწილეობაზე საგანგებოდ საუბრობს. ზემოთ უკვე აღინიშნა, რომ ამ ცნობის გადამოწმება ძნელია და, ასე უაპულაციოდ, გიორგი III-ის ძმის მკვლელობის მოთავედ მიჩნევა არ უნდა იყოს მართალი. გარდაცვალებამდე ცოტა ხნით ადრე, დავით V-მ სამეფო კარზე იხმო დიდებულები, მაღალი საეკლესიო პირები და თავისი ძმა გიორგი. მომავლადვმა მეფემ სწორედ თავის სახლისკაცს ჩააბარა გასაზრდელად და საპატრონოდ მცირეწლოვანი ტახტის მემკვიდრე დემეტრე (დემნა). იქ მყოფნი კი პატარა უფლისწულის ერთგულებაზე დააფიცა. პირობისამებრ, დავითის შემდეგ ტახტს იკავებდა გიორგი III, რომელსაც ძმისშვილი უნდა აღეზარდა და შემდეგ, მისთვის უნდა გადაელოცა სამეფო გვირგვინი და სკიპტრა.

დავით V-ის გარდაცვალების შემდეგ მოვლენები, ცოტა სხვა სცენარით წარიმართა. დემეტრე I კვლავ ტახტზე დაბრუნებულა, თავისი უსაყვარლესი ვაჟი თანამოსაყდრედ დაუსვამს და მეფობაც მისთვის გადაულოცავს. „ისტორია და აზმანი შარავანდედთანის“ ავტორის სიტყვით, სწორედ მამის სიცოცხლეში შეურთავს გიორგი III-ს ცოლად ოსთა მეფის ასული ბურდუხანი. ეს ქორწინება გარკვეულად დემეტრე I-ის სურვილიც ყოფილა. მემატიანეს თქმით: „ამას თვისსა მეფობასა შინა მოგუარა ცოლი მამამან (დემეტრე I-მა), ასული მეფისა ხუდდანისი, სახელით ბურდუხან“.

მამის გარდაცვალების შემდეგ გიორგი III ერთპიროვნულად დაეუფლა საქართველოს სამეფო ტახტს.

ქვეყანაში XII საუკუნის 50-იანი წლების შუა ხანებში მიმდინარე შიდა პოლიტიკურმა გართულებებმა საგრძნობლად მოაღუნა სამეფო კარის ყურადღება ამიერკავკასიასა და წინა აზიაში მიმდინარე მოვლენებისადმი. საქართველოს ყმადნაფიცმა ქვეყნებმა გადანყვიტეს ესარგებლათ ამ ვითარებით და განკერძოებისთვის ბრძოლა დაიწყეს. სწორედ ამიტომაც, თავიდანვე, გიორგი III-ის ყურადღება საერთაშორისო არენაზე საქართველოს ავტორიტეტის გაზრდისკენ იყო მიმართული. სრულიად სამართლიანად მოუთითებს ივ. ჯავახიშვილი, რომ გიორგი III-მ გარკვეულ წილად განაგრძო სახელოვანი პაპის დავით IV აღმაშენებლის პოლიტიკა და ამიერკავკასიაში ჰეგემონობისათვის ბრძოლა ახალი ძალით წამოიწყო.

1161 წელს ანისის მოსახლეობა აუჯანყდა შადდადიან მმართველებს და ქალაქში საქართველოს მეფე მიიწვიეს. გიორგი III-მ შესძლო ქალაქის დაკავება და იქ ქართველთა გარნიზონის ჩაყენება. ანისი ამირსპასალარ ივანე ორბელიანს გადასცა სამართავად, თანაშემწედ კი სარგის მხარგრძელი დაუნიშნა. ამიერკავკასიის ამ ერთ-ერთი ყველაზე გავლენიანი ქალაქის დაკავებას არ შეეგუვნენ მუსულმანი ხელმწიფეები და დიდ კოალიციას მოუყარეს თავი. მტერი ანისს შემოეწყო. გიორგი III ფხიზლად ადევნებდა თვალს მიმდინარე მოვლენებს და საჭირო დროს თავად შეუტია შაჰ-არმენ სუქმან II-სა და მის მოკავშირეებს. ქართველებმა ბრწყინვალე გამარჯვება მოიპოვეს.

ჩრდილოეთ სომხეთში მოპოვებული წარმატებების შემდეგ, გიორგი III-ის ყურადღებამ უფრო სამხრეთისაკენ გადაინაცვლა – ქ. დვინზე. მომდევნო 1162 წ. ქართველთა ჯარმა დვინს შეუტია. მათეოს ურჭავცი მოგვითხრობს: „ამავე (1162-1163) წელს სახელოვანი ქალაქი დვინი აღებულ იქნა ქართველთა მეფის გიორგის მიერ. იგი, უცხო თესლთა უკუქცეულ ლაშქარს, რომელიც ქალაქიდან მის წინააღმდეგ საბრძოლველად გამოსულიყო, კვალდაკვალ მიჰყვა, ლტოლვილნი დახოცა, ხოლო გადარჩენილთ, რომლებიც ქალაქისაკენ გაბრუნდნენ, უკან გაჰყვა და ჯარიოთრთ, ქალაქის კარის გავლით, ქალაქში შეიჭრა. (ქართველებმა) ყველანი უმონყალოდ ამოხოცეს, დაატყვევეს და მათი მოსახლეობა აიკლეს. შემდეგ დიდი ტყვიითა და ალაფით თავიანთ ქვეყანაში დაბრუნდნენ“. ქალაქი დვინის აღებით, გიორგი III-მ საქართველოს საზღვარი არარატის მთის ძირამდე გადაიტანა.

ამ გამარჯვებამ სერიოზულად შეაზოთა წინა ღმირის მუსლიმი მმართველები. 1163 წ. ათაბაგმა შამს ად-დინ ელდიგუზმა და სულთანმა არსლან-შაჰმა დიდი კოალიციური არმიის თანხლებით საქართველოს შემოუტყეს და გაგის ციხემდე მოითარეშეს ქართველთა სამეფო. გიორგი III-მ მოახერხა მტრის უკუგდება, მაგრამ დიდებულთა რჩევით მათი დევნა აღარ გააგრძელა. მუსლიმი მხედართმთავრები იარაღის დაყრას არ აპირებდნენ და იმავე წელს ჩვენი სამშობლოსაკენ ახალი კოალიცია გამოემართა. გიორგი III-მ შეიტყო მტრის მოახლოება და დროის გასაყვანად არსლან-შაჰს ზავი შესთავაზა. მაგრამ სამხედრო თათბირზე ერაცელმა ამირებმა ქართველებთან ზავის წინააღმდეგ გაილაშქრეს და გადამწყვეტი ბრძოლის გამართვა მოითხოვეს. მუსლიმთა კოალიცია და ქართველთა ჯარი შეეხებნენ „შორის მთათა ლორისა და დმანისისა“. გიორგი III სასტიკად დამარცხდა. იბნ-ალ-ასირი წერს: „მათი (ქართველების) ქონებისაგან იმდენი ალაფი წაიღეს (მუსლიმანებმა), რომ მისი აღწერა ან დათვლა შეუძლებელი იყო, ხელში ჩაიგდეს მეფის საჯინბოები, ბაგა, რაც ვერცხლისაგან იყო დამზადებული. ხელთ იგდეს მეფის მარანი ყველა მისი ნივთებიანად, მათ შორის დიდი ვერცხლის კასრები. ერთ-ერთი მათგანი სულთანს მიართვეს. სულთანმა ის თავის სახლში გააგზავნა სხვა ნადავლთან ერთად, რომლის ღირებულება ბრუნვაში მყოფ ორი ათას დინარს უდრიდა. მან ოქროსა და ვერცხლისაგან დამზადებული სასმელი ჭურჭელი ჰამადანის საჯარო (საყოველთაო) მეჩეთში გაგზავნა, რათა ხალხს შეძლებოდა იმათი გამოყენება წყლის სმის დროს.

მუსლიმანებმა წაიღეს უზარმაზარი რაოდენობის ალაფი და ამოეღოთ ბევრი ხალხი. აფხაზთა (ქართველთა) მეფე აიძულეს, გაქცეულიყო. იგი ხშირ ტყეში დაიმალა. „მარტო შაჰ-არმენის ნადავლი 30-ჯერ აღემატებოდა იმას, რაც ორიოდ წლის წინ მიატოვა მან ანისიდან. ამ დამარცხებას მოჰყვა ასევე ქ. დვინის დაკარგვაც. ქ. ანის კი საქართველოს სამეფო კარი იძულებული შეიქმნა კვლავ შადდადიანთა მფლობელობა აღედგინა. „ისტორიანი და აზმანი შარავანდედთანის“ ავტორი აღნიშნავს, რომ გიორგიმ „უბოძა ანისი თუსსავე შემამულეს და ითავყანა თავისა თუსის ყმად“. ამდენად, ანისი უწინდებურად ყმადნაფიცობის პირობით დაემორჩილა საქართველოს.

მოუხედავად ამ წარუმატებლობისა, გიორგი III არ აპირებდა ალექსანდრე პეტროვიჩის გადახვევას და უფრო მეტი ძალით იბრძოდა ამიერკავკასიაში დომინირებული მდგომარეობის მოსაპოვებლად. სწორედ ამ პოლიტიკის გამოცხადდა უნდა იყოს XII საუკუნის 60-70-იანი წლების მიჯნაზე სხვადასხვა მიმართულებით ქართველთა ჯარის მიერ მოწყობილი გრანდიოზული მარბიელი ლაშქრობები. ქართველი მემკვიდრეები მოგვითხრობს, რომ გიორგი III-მ „ლიხთ-იქით ყოფასა შინა დამსკუნელმან ლაშქრობისამან და ერთსა დღესა შინა პაემან-შექმნელმან უბრძანა ტაოელთა, კლარჯთა და შავშთა მორბევა ოლთისისა და ბანისა, მესხთა და თორელთა კარისა და ამორნისა, და ამირსპასალარსა და სომხითართა-მტკუარსა აქეთ ვიდრე განძამდის; თუთ ხასაგანიანთა, ლიხთ-იმერთა და ქართველთა-განძას დამართებით მტკურის პირი იმიერ და ამიერ ხოლთამდის, ჰერთა და კახთა-ალაზნის შესართავით, ვიდრე შარვანამდის. იქმნა ესევეთარი უცხო ლაშქრობა, რომლისა სიგრძე არაოდეს ვის ეხილვა“. ეს მასშტაბური ლაშქრობა რამდენიმე მიზანს ემსახურებოდა. უპირატესად, ალაფის აღებას და ჯარის საბრძოლო სულის განრთობას, განსაკუთრებით იმ წარუმატებლობის შემდეგ, რომელიც რამდენიმე წლის წინ განიცადა ჩვენმა არმიამ. ამასთანავე, სამეფო კარი ასეთი მარბიელი ლაშქრობებით მეზობლებში შიშს თესავდა და საქართველოს პოლიტიკურ და სამხედრო უპირატესობის დემონსტრირებას ახდენდა.

საქართველოს სამხრეთ და სამხრეთ-აღმოსავლეთ საზღვრებთან, გიორგი III აქტიურ სამხედრო მოქმედებებს აწარმოებდა და ამის არაერთი მაგალითი მოვიხიშეთ ზევით. შედარებით მშვიდობიანი იყო ამ მხრივ აღმოსავლეთ საზღვრის ის ზოლი, რომელიც შირვანს ემეზობლებოდა.

შირვანში ამ დროს ტახტი უკავია აღსართან I-ს, მანუჩქრ II-ისა და დავით IV აღმაშენებლის ასულის თამარის ვაჟს. როგორც ჩანს, ასეთი ახლო ნათესაობით უნდა ყოფილიყო განპირობებული ის მშვიდობიანი ურთიერთობა, რომელიც საქართველოსა და შირვანის სამეფო ოჯახებს შორის სუფევდა. შირვან-შაჰები მართალია დამოუკიდებელი მმართველები იყვნენ, მაგრამ ისინი ყმადნაფიცობის პირობით შედიოდნენ საქართველოს მოთავეობით ჩამოყალიბებულ ამიერკავკასიის სახელმწიფოთა გაერთიანებაში. „ლაშა-გიორგის დროინდელი

მემატიანის" აღნიშნით, აღსართან შირვანმა ვალდებული იყო იმდენი მეომარი მიეწოდებინა გიორგი III-სათვის „რაოდენი ათასი კაცი უბრ-
დანის“. სამაგეროდ, საგარეო საფრთხის შემთხვევაში, საქართველოს
სამეფო კარიც ვალდებული იყო დახმარების ხელი გაენია თავისი მო-
კავშირისათვის.

1173 წელს შირვანში დარუბანდელები შეიჭრნენ. აღსართან I-მა
დახმარება ბიძაშვილს გიორგი III-ს სთხოვა. ქართველთა ლაშქარმა
დარუბანდის საამიროზე ილაშქრა და ქ. შაბურანიც აიღო. სამხედრო
კამპანიის წარმატებით დასრულების შემდეგ, ქ. შაბურანი გიორგიმ
თავის მამიდაშვილს აღსართან I-ს უწყალობა. სხვათა შორის ამ ლაშ-
ქრობაში, გიორგი III-ის გვერდით იბრძოდა საქართველოში სჭუმრად
მყოფი ანდრონიკე კომნენოსი, რომელიც ასევე ენათესავებოდა ბაგ-
რატიონთა სამეფო ოჯახს.

დარუბანდის ლაშქრობიდან დაბრუნებულმა ქართველთა ჯარმა
1174 წ. კიდევ ერთხელ აიღო ქ. ანისი. მაგრამ, ამჯერადაც, ხანმოკლე
აღმოჩნდა გიორგი III-ის ბატონობა ჩრდილოეთ სომხეთში. 1175 წელს
მუსლიმთა მრავალათასიანმა კოალიციამ სამხრეთ საქართველო მოარ-
ბია და დიდი ალაფით დაბრუნდა. გიორგი III-მ ვერ შეძლო ჯეროვანი
წინააღმდეგობა გაენია მტრისათვის.

XII საუკუნის 70-იანი წლების II ნახევარში, ქვეყნის საგარეო გარ-
თულებას თან დაერთო შიდა პოლიტიკური აშლილობა. 1177 წელს
საქართველოში დაიწყო ჩვენს ისტორიაში ცენტრალური ხელისუფ-
ლების წინააღმდეგ მიმართული, ერთ-ერთი ყველაზე დიდი ფეოდა-
ლური გამოსვლა, რომელიც „ორბელთა ამბოხების“ სახელითაა ცნო-
ბილი.

სრულიად სამართლიანადაა აღნიშნული ისტორიოგრაფიაში, რომ
ორბელთა აჯანყების ქვეყნარბი მიზეზი, ფეოდალთა მხრიდან პოლი-
ტიკური უფლებების გაზრდა-გაფართოებისათვის ბრძოლა იყო. საბა-
ბად კი ამბოხებულებმა საქართველოს სამეფო ტახტზე დავით V-ის
ვაჟის დემეტრეს (დემნას) პრეტენზიების დაცვა გაიხადეს. როგორც
ზემოთ აღინიშნა, დავით V-მ, გარდაცვალებისას, მცირეწლოვანი უფ-
ლისნული თავის ძმას გიორგი III-ს დაუტოვა აღსართანდელად. დემნას,
დავაჟაკების შემდეგ, სამეფო ტახტი ბიძასაგან უნდა მიეღო, მაგრამ
გიორგი სრულებითაც არ აპირებდა პირობის შესრულებას. სწორედ

ეს იქცა ფეოდალთა შეთქმულების საფუძვლად. აჯანყების მესვეურებად ივანე ორბელიანთან ერთად ჩანან ივანე ვარდანის ძე და შოთა ძე ართავაჩოს ძისა. ამას გარდა შეთქმულთა დასში იყვნენ ქართლის ერისთავი ლიპარიტ სუმბათის ძე, ანანია დვინელი, მეჯინიბეთუხუცესი ქეთარ ივანეს ძე, სარგის მხარგრძელი შვილით და ძმისწულით, დიდი გამრეკელი, მემნა ჯაყელი, გრიგოლ ანელი აპირატის ძე, ჰასან კაენის პატრონი. ასეთი მასობრივი გამოსვლა თითქმის საუკუნეზე მეტია რაც საქართველოს არ ენახა.

გიორგი III-მ დროზე ადრე შეიტყო აჯანყების დანყება და სასწრაფოდ თბილისს შეაფარა თავი. დედაქალაქში საქართველოს მეფემ ერთგული ჯარის შეკრება დაიწყო, მათ შორის, საგრძნობ ნაწილს დაქირავებული მეომრები შეადგენდა (მაგ. ყივჩაყები). გიორგი III-მ ძალების მოკრეფის შემდეგ თავად მიიტანა იერიში მუამბოხეებზე. ჯარის ნაწილი, რომელსაც ჭიაბერი სარდლობდა, ჰერეთში გაგზავნა აჯანყების ჩასაქრობად, თავად კი კოჯორ-ტაბახმელას მიდამოებში გამაგრდა. ცენტრალური ხელისუფლების მომხრე ძალებმა ჰერეთის ერისთავები დაამარცხეს და აჯანყების მოთავეები ხელთ იგდეს. როგორც შემატანე იტყვიან, დატყვევებული დიდებულები „მოასხეს წინაშე მეფისა“. ამ გამარჯვების შემდეგ გიორგი III-მ მუამბოხეთა მთავარ ბუდეზე – ლორეს ციხეზე ილაშქრა. ამ დროს აჯანყებულთა ერთსულაობა უკვე დარღვეული იყო. ივანე ორბელი და დემნა ბატონი-შვილი პირველად დიდმა გამრეკელმა მიატოვა. მას გრიგოლ ანელმაც მიბაძა. გიორგი III-ის ჯარებმა აჯანყებულები ლორეს ციხეში გარემოიკვეს. ალყა თანდათან მძიმე ხდებოდა. ამბოხებულებს თანდათან ეცლებოდათ ორჭოფი მომხრეები და გიორგი III-ის მხარეზე გადადიოდნენ. ერთ საღამოს თვით დემნა „ფარულად ჩამოვიდა ზღუდეზე გოდრით და მივიდა მეფესთან“. გიორგი III-მ შეინყნარა განდგომილი ძმისწული და ყველას დასანახავად თავიდან კი არ დასაჯა, არამედ დიდსულოვნად აპატია ჩადენილი. ლორეს ციხიდან დემნა უფლისწულის გამოპარვის შემდეგ აჯანყებულები მალევე დანებდნენ. გიორგი III-მ ამბოხების ჩახშობის შემდეგ, ყველა აჯანყებულს შესაფერისი სასაჯელი მიუსაჯა. ივანე ორბელს თვალები დასთხარეს. დემნა ჯერ დააბრმავეს, შემდეგ კი დაასაჭურისეს.

გიორგი III-ს ვაჟი არ ებადა. ორბელთა აჯანყების ჩახშობისა და დემნა უფლისწულის დასჯის შემდეგ, მეფის უფროს ქალიშვილს თამარს სამეფო ტახტისკენ გზა გახსნილი ჰქონდა. მას მოდავე-შემცი-
ლებელი უკვე არაინ ჰყავდა და ამიტომაც, გიორგი III-მ არ დააყოვნა, 1179 წელს ნაჭარმაგევის სასახლეში მეფემ სამეფო ოჯახის, მთელი საქართველოს მაღალი საერო თუ სასულიერო პირების თანდასწრებით თავად დაადგა გვირგვინი თამარს. მამა-შვილის მიერ ქვეყნის ერთობ-
ლივი მართვა თითქმის ხუთ წელს გაგრძელდა. ამ ხნის მანძილზე მათ არაერთი ღირსშესანიშნავი საქმე განახორციელეს. 1179 წელს სამეფო კარმა ქვეყანაში გახშირებული პარკისა და ყაჩაღობის მოსასპობად ფართომასშტაბიანი კამპანია გააჩაღა. სასჯელად დაწესდა უმაღლესი ზომა – ჩამოხრჩობა. ბოროტმოქმედებისადმი გამოცხადებულმა ბრძო-
ლამ ნაყოფი გამოიღო და მოკლე ხანში ქვეყანაში საბოლოოდ აილაგმა მეკობრეობა და ავზაკობა. ეს სამეფო ხელისუფლების დიდი გამარ-
ჯეობა იყო.

XII საუკუნის 80-იანი წლების დასაწყისში გარდაიცვალა ბურღუხან დედოფალი. საქართველოს მეფეს ამის შემდეგ დიდხანს აღარ უცოც-
ხლია და 1184 წლის 27 მარტს, ვნების კვირას, სამშაბათს, კახეთში ყოფნისას უეცრად გარდაიცვალა. გიორგი III დასაწყისში მცხეთაში დამარხეს. მემატიანეს თქმით, „უამსა სიძნელისაგან“. მაგრამ რა იგუ-
ლისხმება ამ სიტყვებში, ამის თქმა ძნელია. მოგვიანებით გადაასვენეს გელათში ბაგრატიონთა სამეფო სახლის საძვალეში.

ბურღუხან დედოფალი – გიორგი III-ის მეუღლე. ოსთა მეფის ხუდდანის ასული. თამარ მეფის ორივე ისტორიკოსი აღფრთოვანებით ახასიათებს მას. ბასილი ქნოსმოდერის თქმით, „სძალი სხუა მისებ-
რი მაშინ არა ეხილვა ქართლისა თემსა“. სამწუხაროდ, იმ ცნობებზე დაყრდნობით, რომელიც ჩვენს ხელთაა, მხოლოდ ბურღუხანის ბიოგ-
რაფიის რამდენიმე დეტალის აღდგენა ხერხდება. 1179 წელს იგი და-
ესწრო თამარის თანამოსაყდრედ კურთხევის ცერემონიალს. ამის შემ-
დეგ ბურღუხანს დიდხანს აღარ უცხოვრია და მალე გარდაიცვალა. გიორგი III მეუღლის სიკვდილის უამს გეგუთში იმყოფებოდა. მეფემ ძალიან განიცადა ბურღუხანის გარდაცვალება. მემატიანე საგანგებოდ

აღწერს გიორგი III-ის გლოვას. ისტორიკოსის თქმით, დედოფლის სიკვდილმა ენით აღწერული ტკივილი მიაყენა ყველას.

„ისტორიანი და აზმანი შარავანდედთანის“ ტექსტის გამოცემისას, აკად. კ. კეკელიძემ გარკვეული სიფრთხილით მიანიშნა, რომ იქნებ ბურდუხანი თამარის უმცროსი დის რუსუდანის მშობიარობას გადაჰყვავო. მეცნიერს ამას აფიქრებინებს ის ფაქტი, რომ ლაშა-გიორგის დაბადებისას, თანამედროვენი, უსაზღვროდ შეჰხაროდნენ „პირველ დარჩომასა თამარისასა“. გამოთქმა „დარჩომასა თამარისასა“, – კ. კეკელიძის აზრით, – შეიძლება ნაკარნახევი იყოს ბურდუხანის, ანალოგიურ შემთხვევაში, ტრაგედიით.

ბურდუხან დედოფალი გელათის მონასტერში უნდა იყოს დაკრძალული, სადაც მოგვიანებით სამუდამო განსასვენებელი ჰპოვა მისმა მეუღლემ გიორგი III-მ.

თამარი – გიორგი III-ის ასული, საქართველოს მეფე 1184-1207 (1210 ან 1213) წწ. იხ. *თამარ მეფე*.

რუსუდანი – გიორგი III-ის ასული. მშობლების გარდაცვალების შემდეგ იზრდებოდა მამიდასთან – რუსუდან დედოფალთან. დაბადებული უნდა იყოს XII ს. 80-იანი წლების დასაწყისში. კ. კეკელიძის ვარაუდით, შეიძლება ბურდუხან დედოფალი რუსუდანის მშობიარობას გადაჰყვავა.

რუსუდანის ღვთისმოსაობა იმდროინდელ საქართველოში სამაგალითოდ ყოფილა ქცეული, თანამედროვენი საგანგებოდ მიუთითებენ და დადებით შეფასებას აძლევენ მის საქმიანობას. თამარ მეფის ისტორიკოსი ბასილი ქვოსმოდღვარი მეტად ლამაზი სიტყვებით მოიხსენიებს რუსუდანს, მეტიც, ისტორიკოსი ნანობს და მკითხველს ბოდიშს უხდის, რომ ამ მონათხრობში რუსუდანს საკადრისად ვერ ამკობს. გიორგი III-ის გარდაცვალების აღწერისას მას თხრობაში ერთად შემოჰყავს თამარი, გიორგი III-ის და რუსუდან დედოფალი და თამარის უმცროსი და რუსუდანი. „იყო თამარ მაშინ, ვითარცა თავისს მამიდისა თანა, დითურთ თვისით, რომელსა რუსუდანვე მოაქენდა სახელად, რომლისათვის ან დამაკლდეს წინამდებარე ესე მოთხრობად, თუ რაოდენ მშვენიერება და თავდგმულობა იქმნა, ყოველთა პირველ

მისა ყოფილთა დედოფალთა“. რითი დაიმსახურა თანამედროვეთაგან რუსუდანმა ასეთი პატივისცემა ჩვენთვის უცნობია. ქართული წყარო მას კიდევ ერთხელ იხსენიებს ლაშა-გიორგის დაბადების აღწერისას. სამეფო ოჯახის წევრებმა თამარ მეფეს და მის ახალდაბადებულ პირმშოს ძღვენი მიართვეს. ამ მოვლენას „ისტორიანი და ზმანი შარავანდედთანის“ ავტორი ასე აღწერს: „და თვით დედოფალმან რუსუდან და გაზრდილმან მისმან მეფემან დავით და დამან თამარისმან და ყოველთა მყოფთა ამის სამეფოსათა, მსგავსად მოვეთასა, ხელყვეს ძღვენებად და მინიჭებად“. მართალია, ამ კონტექსტში თამარის დის სახელი არ იხსენიება, მაგრამ, უდავოა, აქ საუბარი სწორედ რუსუდანზეა.

გიორგი III-ის ასული რუსუდანი იხსენიება აგრეთვე ფსუტრერის მაცხოვრის ხატის წარწერაში, სადაც იგი ერთარსს სთხოვს, მიიღოს მისგან ნივთები, რომლებიც მამიდას, გიორგი III-ის დას, რუსუდანს შეუმზადებია და შეუნირავს მისთვის, ოღონდ გარდაცვალების გამო ვერ მოუხერხებია წამოწყებული საქმის დაგვირგვინება. ასევე, გიორგი III-ის ასული რუსუდანი უნდა იხსენიებოდეს ენერის სახარების წარწერაში, რომელიც მ. ბროსემ გადმოიღო.

კ. კეკელიძის მოსაზრებით, რუსუდან დედოფალი გათხოვილი უნდა ყოფილიყო ტრაპიზონის იმპერატორ მანოელ I-ზე (1238-1263).

ლიტერატურა

1. ი. ანთელავა, საქართველოს ცენტრალური და ადგილობრივი მმართველობა XI-XII სს., თბ., 1983.
2. თ. ბარნაველი, უფლისწულ ღებნას ამბოხების თარიღისათვის, საქართველოს სახელმწიფო მუზეუმის მოამბე, XIX-XXI, თბ., 1957.
3. ბასილი ეზოსმოძღვარი, ცხოვრება მეფეთა-მეფისა თამარისი, წიგნ.: ქართლის ცხოვრება, ტექსტი დადგენილია ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959.
4. მ. ბახტაძე, ერისთავობის ინსტიტუტი საქართველოში, თბ., 2003.
5. ლ. დავლიანიძე, მხითარ გომის „ალბანეთის ქრონიკა“, კრ.: ქართული წყაროთმცოდნეობა, ტ. II, თბ., 1968.

6. ვარდან არველცი, მსოფლიო ისტორია, ძველი სომხურიდან თარგმნეს ნოდარ შოშიაშვილმა და ეკა კვაჭანტირაძემ, შესავალი, კომენტარები და საძიებელი დაურთო ეკა კვაჭანტირაძემ, თბ., 2002.
7. ისტორიანი და აზმანი შარავანდელთანი (ცდა ტექსტის აღდგენისა), კონრ. კეკელიძის რედაქციითა და გამოკვლევით, თბ., 1941.
8. რ. მეტრეველი, შინაკლასობრივი ბრძოლა ფეოდალურ საქართველოში, თბ., 1973.
9. ლაშა გიორგის-დროინდელი მატთანე, წიგნ.: ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955.
10. მ. ლორთქიფანიძე, საქართველოს საგარეო და შინაპოლიტიკური ვითარება XII ს. მეორე მეოთხედიდან 80-იანი წლების დასაწყისამდე, წიგნ.: საქართველოს ისტორიის ნარკვევები, ტ. III, თბ., 1979.
11. გ. მაისურაძე, ერთი სომხური წყარო დემნა უფლისწულის აჯანყების შესახებ, კრ.: საქართველო რუსთაველის ხანაში, თბ., 1966.
12. შ. მესხია, საშინაო პოლიტიკური ვითარება და სამოხელეო წყობა XII საუკუნის საქართველოში, თბ., 1979.
13. რ. მეტრეველი, საქართველოს სახელმწიფოს საგარეო პოლიტიკა და დიპლომატია XII ს-ის 30-80-იანი წლების დამდეგს, დემეტრე I-ისა და გიორგი III-ის დიპლომატია, წიგნ.: ქართული დიპლომატიის ისტორიის ნარკვევები, ნაწ. I, თბ., 1998.
14. რ. მეტრეველი, მეფე თამარი, თბ., 1991.
15. ჯ. სამუშია, ბაგრატიონთა სამეფო სახლის გენეალოგიიდან, წიგნ.: ჯ. სამუშია, ნარკვევები შუა საუკუნეების საქართველოს ისტორიიდან, წიგნ. I, თბ., 1999.
16. ვ. სილოგავა, ბაგრატიონ ხელმწიფეთა ავტოგრაფები (XI-XIII სს.), თბ., 2003.
17. ვ. სილოგავა, ბეთანიის წარწერები, თბ., 1994.
18. ა. სიხარულიძე, ალ-ფარიკის ცნობა დემეტრე I-ის გარდაცვალების შესახებ, კრ. ახლო აღმოსავლეთი და საქართველო, ტ. II, თბ., 1999.
19. სტეფანოს ორბელიანის „ცხოვრება ორბელიანთა“-ს ძველი ქართული თარგმანები, ქართულ-სომხური ტექსტები გამოსაცემად მოაშზადა, შესავალი და საძიებლები დაურთო ე. ცაგარეიშვილმა, თბ., 1978.
20. ჯ. სტეფნაძე, რუსუდანი – თამარის და, ჟურნ.: მნათობი, № 9, 1985.
21. ჯ. სტეფნაძე, საქართველო XII ს. და XIII ს-ის პირველ მეოთხედში, თბ., 1985.
22. ჯ. სტეფნაძე, გიორგი III წერილი ათაბაგ ილ-დევზისადმი, კრ.: ქართული დიპლომატია, ტ. 3, თბ., 1996.
23. ჯ. სტეფნაძე, მეფეთ-მეფე გიორგი მესამე, თბ., 1999.
24. ქართული ისტორიული საბუთები, ტ. I, IX-XIII სს. შეადგინეს და გამოსაცემად მოაშზადეს თ. ენუქიძემ, ვ. სილოგავამ, ნ. შოშიაშვილმა, თბ., 1984.
25. ივ. ჯავახიშვილი, ქართველი ერის ისტორია, წ. II, ივ. ჯავახიშვილი, თხზულებანი თორმეტ ტომად, ტ. II, თბ., 1983.
26. გ. ჯაფარიძე, საქართველო და მახლობელი აღმოსავლეთის ისლამური სამყარო XII-XIII ს-ის პირველ მესამედში, თბ., 1995.
27. თ. უოჯუა, საქართველოს მეფის გიორგი III-ის აღსაყდრების თარიღი 1160 წელს გარეჯში გადაწერილი ხელნაწერის (Ven. 4-ის) ანდერძის მიხედვით, კრ.: ისტორიის ინსტიტუტი 60 წლისაა, თბ., 2001.



თამარ მეფე


თამარ მუფე. ყინნუისის ფრესკა.

თამარ მეფის ოჯახი

საქართველოს ისტორიაში, გადაჭარბებული არ იქნება თუ ვიტყვით, რომ ყველაზე პოპულარული გვირგვინოსანი თამარ მეფეა. თანამედროვეებმა გულუხვი ეპითეტებით შეამკეს იგი: „სამგზის სანატრელი და სამებისაგან ოთხად თანააღზევებული“, „გვირგვინი ყოველთა ხელმწიფეთა“, „მზეთა მზე და დედოფალთა დედოფალი, შარავანდედთა შორის უმეტეს აღმოზრნეული“... მადლიერმა შთამომავლობამაც უამრავი ლამაზი სიმღერა – ხოტბა უძღვნა მის პიროვნებას. „დედა ქართლისა თამარი, ბევრი ვიტიროთ, სად არის?“ ამ სიტყვებით გამოიტირა ქართველმა ხალხმა თამარი და ის ეპოქა, რომელიც სრულიად სამართლიანად, ჩვენი წარსულის „ოქროს ხანადაა“ მიჩნეული.

თამარ მეფის პირველი მეუღლე როსტომ-სოფხალის დიდი მთავრის ვაჟი გიორგი (იური) ანდრიას ძე გახლდათ. მაგრამ თამარისა და გიორგის თანაცხოვრებამ მხოლოდ ორიოდე წელს გასტანა. 1187-1188 წწ. გიორგი რუსი საქართველოდან გააძევეს.

ამის შემდეგ, სამეფო კარის დაყინებული მოთხოვნით 1189 წელს თამარი დაქორწინდა დავით სოსლანზე, რომლისაგანაც შეეძინა ორი შვილი – გიორგი-ლაშა და რუსუდანი, მოგვიანებით საქართველოს მეფეები.



თამარ მეფე – საქართველოს მეფე 1184-1207 (1210 ან 1213) წლებში. მისი მეფობის ხანა თამამად შეიძლება მივიჩნიოთ საქართველოს პოლიტიკური, ეკონომიკურ და კულტურული განვითარების მწვერვალად. ეს პერიოდი ერთგვარად გამორჩეულია ჩვენი ქვეყნის ისტორიაში. პოლიტიკურ ასპარეზზე მოღვაწეობდნენ თამარ მეფე, რუსუდან დედოფალი, დავით სოსლანი, მეჭურჭლეთუხუცესი ყუთლუ-არსლანი, სარგის, ზაქარია, ივანე მხარგრძელები, გამრეკელები, თორელები, ვარდანისძენი, ახალციხელები... ქართული ლიტერატურის შედევრებს ქმნიან შოთა რუსთაველი, იოანე შავთელი, ჩახრუხაძე, სარგის თმოგველი... თამარის დროს მოღვაწეობდნენ ოქრომქანდაკე-ბლები ბექა და ბექენ ოპიზრები. ქართველი მხედრები თამარის დროს აწყობენ ჩვენს ისტორიაში ყველაზე დიდ ლაშქრობას ცენტრალური აზიის მიმართულებით, იგებენ შამქორისა და ბასიანის ომებს, შენდება უნიკალური ხუროთმოძღვრული ძეგლები, გაჰყავთ რთული საირიგაციო ნაგებობები...

საქართველოს ასეთი განვითარება, ბუნებრივია, მრავალი ფაქტორით იყო განპირობებული, მაგრამ ერთ-ერთი მთავარი მაინც, საქართველოს ცენტრალური ხელისუფლების მიერ გატარებული სწორი პოლიტიკა გახლდათ. სამეფო კარმა კარგად აუღო ალლო ეპოქის მოთხოვნებს და საქართველო წინა აზიის უძლიერეს სახელმწიფოდ აქცია. XIII ს. დასაწყისში საქართველო უკვე ბიზანტიის იმპერიის მემკვიდრეობასაც კი ჩემულობდა და ამისათვის აქტიურად იბრძოდა კიდევ. ამ წარმატებების წყალობით ქართველი კაცის ცნობიერებაში თამარ მეფის ეპოქა სამუდამოდ დარჩა, როგორც აყვავების, განვითარების, სიძლიერის სიმბოლო. სწორედ ამიტომაც, მადლიერმა შთამომავლობამ ამ უზარმაზარი ქვეყნის მმართველი თამარ მეფე დიდების შარავანდედით შემოსა, ხოლო ქართულმა მართლმადიდებლურმა ეკლესიამ კი იგი წმინდანად შერაცხა.

თამარის დაბადების ზუსტი თარიღი ჩვენთვის უცნობია. როგორც აღინიშნა, გიორგი III-სა და ბურღუხან დედოფლის ქორწილი XII საუკუნის 50-იანი წლების დასაწყისშია სავარაუდო. მაგრამ ცოლ-ქმარი ერთხანს უშვილოდ ყოფილან. შემდეგ კი „ინება ზეგარდმო მონყალუბამან ღმრთისამან“ და იშვა ასული, რომელსაც მშობლებმა თამარი დაარქვეს სახელად.

თამარი დაახლოებით XII საუკუნის 60-იან წლებში უნდა დაბადებულიყო.

1179 წელს გიორგი III-მ თავისი ასული თანამოსაყდრედ დასვა. მამა-შვილის ერთობლივმა მეფობამ 5 წელს გასტანა. ამ ხნის მანძილზე ახალგაზრდა უფლისწული სწავლობდა, ეჩვეოდა ქვეყნის მართვას.

1184 წელს გიორგი III-ის გარდაცვალების შემდეგ თამარი უკვე ერთპიროვნულად ეუფლება საქართველოს სამეფო ტახტს.

თამარის გამეფება, დიდებულთა მხრიდან ცენტრალური ხელისუფლების წინააღმდეგ მიმართული რამდენიმე საპროტესტო გამოსვლით აღინიშნა. ფეოდალებმა ახალგაზრდა მეფე-ქალის ტახტზე ასვლა, თავიანთი უფლებების გაფართოებისათვის ხელსაყრელ დროდ მიიჩნიეს და არც დააყოვნეს. მემატინანის თქმით, გამეფებისთანავე, „იმერთა და ამიერთა“ დიდებულებმა თამარს ერთხმად მოსთხოვეს, რომ მათ აღარ სურდათ სამეფო დარბაზის წევრებად აეტანათ „მდაბიო“ წარმოშობის პირები, რომლებიც ორბელთა აჯანყების შემდეგ გიორგი III-ს ჰყავდა დანიინაურებული. ფეოდალურმა ოპოზიციამ იერიში მიიტანა ამირსპასალარ ყუბასარზე და მსახურთუხუცეს აფრიდონზე. ეს გამოსვლა იმდენად ფართომასშტაბიანი იყო, რომ სამეფო კარი იძულებული შეიქმნა დათმობაზე წასულიყო. თამარმა მამის ერთგული მსახურები თანამდებობიდან გაათავისუფლა. განსაკუთრებით ტრადიციულად წარმართა აფრიდონის ცხოვრება, რომელიც ამის შემდეგ „მოიშალა და დაიმკო ნებითა და თნევითა ლაშქართათა“. ყუბასარის უკან კი, როგორც ჩანს, სერიოზული ძალები იდგა (ყივჩაყთა დაქირავებული მეომრების სახით) და ამიტომ, მისთვის ხელისუფლებისა და ლორის ციხის მეტი არაფერი ჩამოურთმევიათ.

ამ ცვლილებებით სამეფო კარზე არსებული დავა თითქოს მოგვარდა, მაგრამ არა, ფეოდალთა შორის ახალი პრობლემა წარმოიშვა: ვის უნდა დაეკავებინა ეს მაღალი თანამდებობები? თამარის ისტორიკოსის მითითებით, დიდებულებმა „ურთიერთს დაუნყეს ზიდეა“. ეს ბუნებრივიცაა, რამეთუ სამეფო კარის ბიუროკრატიაში ამირსპასალარს, მანდატურთუხუცესს და მსახურთუხუცესს საკმაოდ დიდი წონა და გავლენა ჰქონდათ. ამიტომ, არასასურველ პირთა ჩამოშორების

შემდეგ სასახლეში პოლიტიკურ ბანაკთა შორის გააფთრებული ბრძოლა დაიწყო განთავისუფლებულ სახელოთა ხელში ჩასაგდებად.

სწორედ ამ მოვლენებზე თხრობას მოაყოლებს მემატინე ყუთლუ-არსლანის გამოსვლის აღწერას. „ისტორიანი და აზმანი შარავანდედ-თანი“ მოგვითხრობს: „... და ესეცა უცხო მოსაგონებელი: ყუთლუ-არსლან, ცხოვარმან ჯორის სახედ ორ ბუნებისა მყოფელმან, ვითარ მისცემს ბიჭთა გონებისა მზაკუარება, მომლებელმან წესსა რასამე სპარსთა განაგისსა, ითხოვა კარავი დადგმად ველსა ისანისასა და სანახებსა სალოდებლისასა და თქუა: „დასხდომილნი მუნ შიგა განმგებელნი მიცემისა და მოლებისა, წყალობისა და შერისხვისანი ვჰკადრებდეთ და ვაცნობებდეთ თამარს მეფესა და დედოფალსა; მაშინლა სრულ იქმნებოდეს განგებული ჩვენი“.

მეჭურჭლეთუხუცესის გეგმა იმდენად თამამ პოლიტიკურ მოთხოვნებს შეიცავდა, რომ თამარმა და მისმა გარემოცვამ იგი ზოგადად სამეფო ხელისუფლების დასასრულად მიიჩნია. სრულიად სამართლიანადაა აღნიშნული ჩვენს ისტორიაში, რომ ყუთლუ-არსლანის მოთხოვნა ითვალისწინებდა გარკვეული საკანონმდებლო უფლებებით აღჭურვილი ორგანოს შექმნას. სამეფო კარმა სასწრაფოდ მიიღო გადაწყვეტი ზომები: მეფის ერთგულმა პირებმა მოახერხეს მეჭურჭლეთუხუცესის შეპყრობა და ამით შეთქმულთა ბანაკს სერიოზული დარტყმა მიაყენეს, მაგრამ ეს ჯერ კიდევ არ ნიშნავდა გამოსვლის დასასრულს. ქვეყანა სამოქალაქო ომის ზღურბლთან იდგა. ასეთ ვითარებაში მეფემ მიიღო საკმაოდ შორსგამიზნული გადაწყვეტილება – მან შეთქმულებთან მოსალაპარაკებლად ორი საპატიო ქალბატონი – ხვამუქი ცოქალი, ერისთავთ-ერისთავის რატი სურამელის დედა და კრავაი ჯაყელი, სამძივართა დედა მიაგლინა. აჯანყებულებმა დათმეს პოზიციები. ისინი უარს ამბობდნენ თავიანთ პოლიტიკურ მოთხოვნებზე, სამაგიეროდ, თამარი მათ ხელშეუხებლობის გარანტიას აძლევდა.

ფეოდალთა გამოსვლის ჩაწყენებისთანავე, ქვეყანაში გარკვეული ხანი მშვიდობამ დაისადგურა. მაღალი სახელოებიც გავლენიან საგვარეულოებს შორის გადანანილდა. ამირსპასალარობა სარგის მხარგრძელს გადასცეს. მანდატურთუხუცესად ჭიაბერი დანიშნეს, მეჭურჭლეთუხუცესად კახაბერ ვარდანის ძე, ხოლო მსახურთუხუცესად

ვარდან დადიანი. ამავე პერიოდში სამეფო კარმა თამარის გათხოვებაზე დაიწყო ზრუნვა. საქართველოს მეფე-ქალს მთხოვნელებიც საკმაოდ ჰყავდა. თამარის ორივე ისტორიკოსის მიხედვით, ეს საკითხი სამეფო კარზე გაიჩა საერო და სასულიერო პირთა თანდასწრებით. „ისტორიანი და აზმანი შარავანდელთანის“ თანახმად კი, ეს პრობლემა საეკლესიო კრებაზე განუხილავთ. დაახლოებით 1185 წელს ქართული მართლმადიდებლური ეკლესიის მესვეურნი თამარის ინიციატივით, არსებულ პრობლემებზე სამჯავროდ შეიკრიბნენ. კრების დასასრულს, მემატინის თქმით, „შემოვიდეს ყოველნი სპასალარნი და ერისთავნი სამეფოსანი და მოახსენეს მამათა, რათა ზოგადად ილუანონ შემოყვანებად სიძისა თამარისთვს“. ბოლოს და ბოლოს არჩევანი რუს უფლისწულზე, ანდრია ბოგულუბსკის ვაჟზე გიორგიზე შეჩერდა. სასიძოს ჩამოსაყვანად იმიერკავკასიაში თბილისელი დიდგვაროვანი ზანქან ზორაბაბელი გაიგზავნა. 1185 წელს თამარმა და ოური ანდრიას ძემ დიდი ქორწილი გადაიხადეს. მათ შვილი არ შესძენიათ. მალე ოურის ცუდი ყოფაქცევა აღმოაჩნდა და ამის გამო ორი-ორნახევარი წლის შემდეგ თამარი ქმარს გაეყარა. გიორგი რუსი ბიზანტიაში გააძევეს.

ქვეყანას უპირველესად მემკვიდრე სჭირდებოდა, ჯარს მთავარსარდალი. ამიტომ სამეფო კარზე, მალე კვლავ დადგა თამარის ხელახალი გათხოვების საკითხი. თამარის ხელის მონატრული არა ერთი უფლისწული იყო. მათ შორის რომის საღვთო იმპერიის მბრძანებლის ფრიდრიხ I ბარბაროსას ვაჟი, ჰერცოგი ფრიდრიხ შვაბელი, არზრუმის გამგებლის ვაჟი მუტაფრადინი, შირვანშა ალსართანი, ოსი უფლისწულები... მაგრამ, ამჯერად, საქმეში რუსუდან დედოფალი, თამარის მამიდა ჩაერია და სამეფო კარს ოსი უფლისწულის დავით სოსლანის კანდიდატურა შესთავაზა. თამარმა და დავითმა 1189 წელს დაინერეს ჯვარი და ქორწილი დიდუბის სასახლეში გადაიხადეს. 1192 წელს მათ ოჯახში პირველი შვილი გაჩნდა, რომელსაც თამარმა მამის პატივსაცემად გიორგი დაარქვა. 1194 წელს თამარს მეორე შვილი რუსუდანი შეეძინა.

გიორგი რუსის საქართველოდან გაძევების შემდეგ ფეოდალთა ნაწილმა დროებით შეწყვიტა ბრძოლა. მაგრამ, მალე მათ თავი გამოამჟღავნეს. 1191 წელს ოური ანდრიას ძე კონსტანტინოპოლიდან

კარნუ-ქალაქში ჩამოვიდა, აქედან კი ქართველი დიდებულების დახმარებით იგი დასავლეთ საქართველოში ჩამოიყვანეს და გეგუთში მეფედ გამოაცხადეს. „ისტორიანი და აზმანი შარავანდედთანის“ მიხედვით, გიორგი რუსის მხარეზე გამოსულან: გუზანი, კლარჯეთისა და შავშეთის პატრონი, სამცხის სპასალარი ბოცო, მსახურთუბუცესი ვარდან დადიანი და სხვა სამხრეთ თუ დასავლეთ საქართველოს დიდებულები. აჯანყებულთა ერთი ნაწილი ლიხის მთის გადმოლაზვის შემდეგ ნაჭარმაგვეისაკენ დაძრულა. მეორე ნაწილი კი რკინისჯვრის უღელტეხილის გამოვლით ქალაქ ოძრხეს შემოწყობილა და აულია. აქედან კი ჯავახეთისკენ გაულაშქრავთ. გადამწყვეტი ომი თმოგვსა და ერუშეთს შუა გაიმართა. სამეფო ლაშქარმა აჯანყებულებს სძლია. ამის შემდეგ ცენტრალური ხელისუფლების მომხრე ჯარები შიდა ქართლში დაბანაკებულ მეამბოხეთა წინააღმდეგ დაიძრა, მაგრამ მათ ბრძოლას აარიდეს თავი და უკუიქცნენ. აჯანყებულებმა ფარ-ხმალი დაყარეს. თამარმა მათ ჩადენილი დანაშაული აპატია, მხოლოდ თანამდებობები ჩამოართვა. ოური ანდრიას ძეს არც ამის შემდეგ შეუწყვეტია ბრძოლა, მაგრამ, მისი მცდელობა, ამჯერადაც, უშედეგო გამოდგა.

ფეოდალური ოპოზიციის განადგურების შემდეგ თამარის მდგომარეობა სამეფო კარზე საგრძნობლად გამყარდა. ამიერიდან, ქვეყანამ შიდა პოლიტიკური დაპირისპირებებისაგან დაისვენა. სამეფო კარის მთავარი საზრუნავი ქვეყნის საერთაშორისო ავტორიტეტის გაზრდა გახდა. 1192 წელს გიორგი-ლამას დაბადების აღსანიშნავად ქართველთა ჯარმა ბარდავი დალაშქრა, შემდეგ კი არზრუმის მხარე მოარბია. მცირე შესვენებების შემდეგ ქართველმა მეომრებმა ჯერ გელაქუნის მხარე დალაშქრეს, შემდეგ კი ლორედან არაქსის პირამდე მოითარეშეს.

ასეთი მარბიელი ლაშქრობები შემდეგაც არა ერთხელ მოუწყვიათ ქართველ მხედართმთავრებს მახლობელი აღმოსავლეთის სახელმწიფოთა მიმართ. ძლიერი სამხედრო ორგანიზაციის წყალობით საქართველომ თავის გარშემო გააერთიანა ამიერკავკასიის პატარა სამეფო-სამთავროები. ზოგი უშუალოდ შემოვიდა თამარის სკიპტრის ქვეშ, ზოგიც ცმადნაფიცობის პირობით დაემორჩილა საქართველოს სამეფო კარს. ჩვენი ქვეყნის ასეთი გააქტიურებით ერთობ შემოფოთებულან

მუსულმანი მმართველები. მათ დახმარებისთვის ბაღდადის ხალიფასათვის მოემართათ, რომელსაც ქართველთა წინააღმდეგ საღმრთო ომი გამოუცხადებია. ხალიფას მონოდებას ბევრი გამოეხმაურა. 1195 წელს ათაბაგმა აბუბექრმა დიდი ლაშქარი შეჰყარა და შირვანისაკენ გამოილაშქრა. მას ამ სამხედრო კამპანიით ორი მიზნის მიღწევა სურდა, პირველი ის, რომ შირვანში იმალეობდა მისი ძმა და ათაბაგობის შემცილებელი ამირ-მირმანი, რომლის დამარცხების შემდეგ აბუბექრს ტახტის მოცილე აღარ ეყოლებოდა და მეორე ის, რომ შირვანის, როგორც საქართველოს მოკავშირის, დაპყრობა-დამორჩილება საგრძნობლად შეარყევდა ჩვენი ქვეყნის გავლენას ამიერკავკასიაში.

აბუბექრის ჯარების შირვანში შეჭრის შემდეგ, შირვანმა აღსართანი და მისი სტუმარი ამირ-მირმანი სასწრაფოდ საქართველოსკენ გამოემუშრნენ სამხედრო დახმარების სათხოვნელად. თამარ მეფემ დიდძალი ლაშქარი შეჰყარა და მთავარსარდლად დავით სოსლანი უთავა. მეფემ ლოცვით შეავედრა უფალს თავისი მეომრები. ჯარს ძელი ცხოველი წარუმიძღვარა და თან ანტონ მწიგნობართუხუცეს-ჭყონდიდელი გააყოლა. თავის მხრივ, აბუბექრი საქართველოს საზღვრებისაკენ მოემართებოდა. გადამწყვეტი ბრძოლა მოხდა შამქორთან, 1195 წლის 1-2 ივნისს, გამთენიისას. ქართველთა ლაშქარმა ბრწყინვალე გამარჯვება მოიპოვა. მტრის განადგურების შემდეგ დავით სოსლანმა გუჩი განძისაკენ აიღო. როგორც კი ჯარი განძას მოუახლოვდა, იქიდან ქალაქის ყადი, დიდებულები და დიდვაჭრები გამოეგებნენ ქართველებს და ზარ-ზეიმით შეიყვანეს განძაში. გამარჯვების აღსანიშნავად დავით სოსლანმა ამირას სასახლეში დიდი წვეულება გადაიხადა.

შამქორის ბრძოლაში ქართველთა გამარჯვებამ უდიდესი საერთაშორისო გამოძახილი ჰპოვა არა მარტო ამიერკავკასიაში, არამედ მთელს იმდროინდელ მახლობელ და ცენტრალურ აზიაში. საქართველოს სამხედრო უპირატესობა უკვე თვალნათელი იყო და ამიტომაც, სამეფო კარმა ახალი ძალით ნამოიწყო ბრძოლა მეზობელი მუსულმანური საამიროების წინააღმდეგ. 1196 წელს ქართველებმა ამბერდი შეიერთეს, 1199 წელს – ანისი, ხოლო 1202-1203 წწ. – ქ. დვინი. საქართველოს ხელში აღმოჩნდა ამიერკავკასიის უმნიშვნელოვანესი სტრატეგიული პუნქტები. სამხედრო-პოლიტიკური წარმატებების

პარალელურად, ამ ქალაქების დაკავებას უდიდესი ეკონომიკური მნიშვნელობა ჰქონდა. საქართველოს მზარდი სიძლიერით შემფორთებულია წინა აზიის მმართველებმა კიდევ ერთხელ სცადეს საქართველოსთვის ჭკუა ესწავლებინათ. რუმის სულთანმა რუქ ად-დინმა ქ. ერზინჯანში დიდი ლაშქარი შეკრიბა და არზრუმისაკენ გამოემშურა. იგი ბასიან-ტაოს პროვინციების გავლით აპირებდა შეტევის განვითარებას. რუმის სულთანმა გზიდან თამარ მეფეს მოციქული გამოუგზავნა, რომლის პირითაც მორჩილებას და ცოლობას სთხოვდა. სამეფო კარზე ელჩის ამპარტავნული სიტყვის მოსმენის შემდეგ, ზაქარია მხარგრძელმა ვერ მოითმინა და რუქ ად-დინის დესპანს ისეთი სილაგაანა, რომ იგი მკედარივით დაეცა. როცა მოასულიერეს, გაკადნიერებულ ელჩს ზაქარიამ მიმართა: „თუ მოციქული არა იყავ, პირველად ენისა აღმოკუეთა იყო შენი სამართალი და მერმედა თავისა, კადნიერად კადრებისათვის. ან არა არს სიტყუა! ესე წიგნი მიართვი ნუქრადინს და არქვი: ჩუენ მზა ვართ ნყობად და წინამოგებებად, სამართალი ღმრთისა იყავნ“.

გადაწყვეტი ბრძოლა ბასიანში გაიმართა. საქართველოს სამეფოს მხედრობას დავით სოსლანი სარდლობდა. თამარ მეფემ ვარძიამდე მიაცილა და ვარძიის ღვთისმშობელს შეავედრა ქართველი მოლაშქრეები.

1202 წლის 27 ივლისს (სხვა მოსაზრებით 1203 ან 1204 წლებში) ქვემო ბასიანის ვრცელ ველზე ქართველი მეომრები დაუპირისპირდნენ რუქ ად-დინის 400 ათასიან (სხვა ცნობით 800 ათასიან) ლაშქარს. გამარჯვება ქართველებს დარჩათ. მონინააღმდეგემ დიდი დანაკლისი განიცადა. სრულიად სამართლიანადაა აღნიშნული ქართულ ისტორიოგრაფიაში, რომ მართალია ბასიანის ბრძოლას არ მოუტანია საქართველოსათვის ახალი ტერიტორიები, მაგრამ გამარჯვებამ საშუალება მისცა სამეფო კარს განემტკიცებინა თავისი პოზიციები ჩრდილოეთ სომხეთში. ამ წარმატებამ ასევე ნელში გასტეხა მცირე აზიის მუსულმანი მმართველები, რამაც მომავალში გააადვილა საქართველოს ბრძოლა მათ წინააღმდეგ.

ბასიანის ბრძოლიდან ორი წლის შემდეგ საქართველოს სამეფო კარის ინიციატივით შავი ზღვის სამხრეთ-აღმოსავლეთ სანაპირო ქარ-

თულმა ჯარმა დაიკავა და იქ ტრაპიზონის იმპერიას ჩაუყარა საფუძველი, რომელსაც ბაგრატიონთა სამეფო სახლის ნათესავი ალექსი კომნენოსი ჩაუდგა სათავეში. უკანასკნელ ხანს ქართველოლოგიასა თუ ბიზანტიოლოგიაში თანდათან იკიდებს ფეხს ის მოსაზრება, რომ თამარის გეგმებში არ შედიოდა მხოლოდ ლაზიკისა და პონტოს ბიზანტიის იმპერიისგან ჩამოშორება. საქართველოს გაცილებით შორსმავალი მიზნები ჰქონდა, რომელიც ბოსფორის სრუტეზე გასვლასა და თვით კონსტანტინოპოლში კომნენოსების რესტავრაციას ითვალისწინებდა. ეს მოსაზრება შორს არ უნდა იყოს ქეშმარიტებისაგან.

ლაზიკისა და პონტოში აქტიური სამხედრო მოქმედებების პარალელურად, ქართველთა ლაშქარი 1204-1205 წწ. მანასიკერტამდე ლაშქრობს. 1206 წელს კი თამარის ძალაუფლებას დაემორჩილა კარის ციხე-ქალაქი.

თამარის მეფობის ბოლო პერიოდში ქართველმა მეომრებმა აიღეს არქეში, ხოლო 1210 წლისათვის მთელი ჩრდილოეთ ირანი დალაშქრეს. ზედიზედ აიღეს ირანის ქალაქები მარანდი, თავრიზი, მიანა, ზენჯანი და ყაზვინი. ჯარმა რომ-გურსაც კი მიაღწია, მაგრამ იმდენი ნადავლი ჰქონდათ, რომ ლაშქრობის გაგრძელება შეუძლებელი შეიქნა.

ქართველი მეომრების ირანში შეჭრა მხოლოდ ნადავლის ხელთგდებით არ იყო გამონეულო. საქართველოს სამეფო კარმა ეს გადამწყვეტილება ირანში მიმდინარე მოვლენების გამო მიიღო. XIII საუკუნის დასაწყისიდან ხორეზმის სამეფო უკვე აქტიურად ცდილობდა ადარბადაგანში გაბატონებას. ისტორიული სპარსეთის ტერიტორიაზე საქართველო-ხორეზმის მეტოქეობას უნდა გამოენვია ამ რეგიონში ქართველთა შეჭრა. საქართველომ შეძლო ადარბადაგანში პოზიციების შენარჩუნება და უფრო აღმოსავლეთითაც განავრცო თავისი გავლენა.

მემატიანე ირანში ძლევაგამოსილი ლაშქრობის აღწერას უშუალოდ მოაყოლებს „ყოვლისა სოფლისა საგლოველ“ ისტორიას – თამარის გარდაცვალების ამბავს.

ზაფხულში თამარი ნაჭარმაგვეს ისვენებდა. მეფე უეცრად ცუდად შეიქნა. თამარი სასწრაფოდ თბილისში წამოიყვანეს, მაგრამ არც ამან უშველა მეფეს. ამასობაში ზამთარიც დადგა, თამარი თავის სასახლეში, აგარას ციხეში აიყვანეს, სადაც 1213 წლის 27 იანვარს (სხვა მოსაზრებით, 1207, 1210, 1216 წლები) გარდაიცვალა.

თავიდან, დიდი ზამთრის გამო, თამარ მეფე მცხეთაში დაუსაფ-
ლაკებიათ, ხოლო მოგვიანებით გადაუსვენებიათ გელათში.

გიორგი (იური) ანდრიას ძე – თამარ მეფის პირველი ქმარი.
როსტოვ-სუზდალის დიდი მთავრის ანდრია ბოგოლუბსკის ვაჟი. და-
ბადების თარიღი უცნობია. მის შესახებ რუსულ წყაროებში ძალზე
მწირი ცნობებია შემონახული. ნოვგოროდელ მემატიანესთან აღნიშ-
ნულია, რომ 1172 წელს ანდრიას თავისი შვილი ნოვგოროდში გაუგ-
ზავნია მთავრად. 1174 წელს აჯანყებულმა ბოიარებმა ანდრია ბოგო-
ლუბსკი მოჰკლეს. ამის შემდეგ გიორგი ანდრიას ძის მდგომარეობა
ნოვგოროდში გართულდა. 1175 წელს კი იგი ნოვგოროდიდან გამო-
აძევეს. მცირე ხანს გიორგი უფლისწული როსტოვ-სუზდალის სამ-
თავროშია, მაგრამ ბიძასთან სუზდალის მთავართან ვსევლოდთან
დაპირისპირების გამო იძულებული გახდა მიეტოვებინა სამშობლო
და თავშესაფარი ყივჩაყებთან ეძია. სწორედ აქედან უნდა შეეტყოთ
ქართველ დიდებულებს მისი არსებობა. 1185 წლისათვის სამეფო კარ-
ზე დაისვა თამარის გათხოვების საკითხი. დარბაზის სხდომაზე, სადაც
ეს საკითხი იხილებოდა, გიორგის კანდიდატურა წარმოადგინა თბი-
ლისის ამირამ აბულასანმა. „ისტორიანი და აზმანი შარავანდედთანის“
ავტორის თქმით, აბულასანს დამსწრეთათვის განუცხადებია: „მე ვიცი
შვილი კელმნიფისა ანდრია დიდისა რუსთ მთავრისა, რომელსა მო-
ნებენ სამასნი მთავარნი რუსთანი. და იგი, მცირე დარჩომილი მამი-
საგან, ექსონია-ქმნით დევნული გარდამოხუენა ბიძისა, სავალათად
სახელწოდებულისაგან. და არს იგი ყივჩაყთა მეფისა სევინჯისა ქა-
ლასა“. სრულიად სამართლიანადაა აღნიშნული ქართულ ისტორიო-
გრაფიაში, რომ აბულასანმა თათბირს ორი მხარე გაუშუქა რუსი
უფლისწულის კანდიდატურის დასახელების დროს: კარგი გვარიშვი-
ლობა და „ექსორია ქმნილის“ ყივჩაყეთში უთვისტომოდ მყოფობა.

სამეფო კარმა გიორგი უფლისწულთან სასწრაფოდ გააგზავნა
დიდგაჭარი ზანქან ზორაბაბელი. საფიქრებელია, რომ ქართველ დი-
დებულებსა და გიორგი უფლისწულს შორის საქართველოში ჩამოსვლის
თაობაზე შეთანხმება მანამდე იარსებებდა, ზანქან ზორაბაბელს მხო-
ლოდ უფლისწულის თბილისში ჩამოყვანა ევალებოდა. თბილისელმა

დიდვაჭარმა თავი გამოიჩინა და როგორც მემატჩანე ამბობს: „მსწრაფლ მისრულმან ცვალებითა ჰუნეთათა წარმოიყვანა და მოიყვანა უწინარე პაემნითა მოყმე სახე-კეკლუცი“.

ქართველ დიდებულთაგან ყველა როდი იყო თამარისა და გიორგი რუსის ქორწინის მოსურნე. ფეოდალთა ნაწილს სასიძოდ ბიზანტიელი უფლისწული ალექსი კომნენოსი ჰყავდათ შერჩეული. მაგრამ ეს უკანასკნელი თამარს ენათესავებოდა და ამიტომ, არჩევანი საბოლოოდ გიორგიზე შეჩერდა.

ქართველი მემატჩანის თქმით: „იქმნა ქორწილი სახედაუდებელი და იგავ-მიუნდომელი; სიმრავლენი სახეობათანი, ძლუნობანი და ნიჭებანი თუალთა და მარგალიტთანი, ოქროჭედილთა და უჭედელთანი, სიმდიდრეთა და ლართა კერულთა და უკერულთანი, მსგეფსამდე სიხარული, შუება, ძლუნობანი, გაცემანი“. გიორგი რუსმა „აფხაზთა მეფის“ ტიტული მიიღო. იგი აქტიურად ჩაერთო ქვეყნის პოლიტიკურ ცხოვრებაში. მისი სარდლობით ქართულმა ჯარმა კარი და კარნიფორი მოარბია, ვიდრე ბასიანამდე. მოგვიანებით გიორგის სარდლობით ქართველებმა დვინის ქვეყანა მოითარეშეს და დიდი ამალით დაბრუნდნენ სამშობლოში. იმ მცირე მონაკვეთში, როდესაც გიორგი თამარის მეუღლე იყო და ჯარის მთავარსარდალი, ქართველებმა რამდენიმე დიდი ლაშქრობა მოაწყვეს განძის, გელაქუნის მიმართულებით. საერთოდ „ისტორიანი და ზმანი შარავანდედთანის“ ავტორი საკმაოდ დადებითად ახასიათებს გიორგი რუსის სამხედრო მოღვაწეობას.

ერთი შეხედვით, გიორგი რუსის მდგომარეობა საკმაოდ მყარი იყო. მას მხარს უჭერდა ფეოდალთა საკმაოდ დიდი ნაწილი. მისი სარდლობით იბრძოდა საქართველოს სამეფო ლაშქარი, რომელიც ასევე კეთილგანწყობილი იყო გიორგისადმი. მაგრამ, მოუხედავად ამისა, ორი წლის თანაცხოვრების შემდეგ თამარ მეფე იძულებული გახდა გაჰყროდა მეუღლეს. თამარის ორივე ისტორიკოსი საგანგებოდ იხილავს სამეფო ოჯახში დატრიალებულ კონფლიქტს და ორთავე მემატჩანე დამნაშავედ გიორგი რუსს მიიჩნევს. „ისტორიანი და ზმანი შარავანდედთანის“ ავტორი დასძენს: „ამას ესევეთარსა მმუდობასა, მარჯუებასა და ზეობასა შემოვიდა უცხო რამე და უმსგავსი საქმე, შუუშგავსებელი და დაუჯერებელი კაცთა გონებისაგან; შევიდა სატანა

გულსა სუე-უბედურისა რუსისასა, სკუთ-რამე სახელდებულისა, და სიტყუთ აღიძრა წყენად თამარისა, კელმნიფეთა მზისა და მეფეთა ელვა-ცისკროვნებისა, და სიტყუთ აღიძრა წყენად თამარისა... ძლეული და ტაძარ-ქმნილი შუდთა სულთა უბოროტესთა პირველისათა სოდომურიც მოიპოვა ქცევა დაქცევითა დაქცეულმან და წარწყმედითა წარწყმედულმან".

ბასილი ეზოსმოდერს სამეფო ოჯახში მომხდარი ამბები უფრო დაწვრილებით აქვს გადმოცემული. მემატანის თქმით: „და გამოაჩნდებოდეს რუსსა საკუთური ვითარ ნალებთა ბუნებითნი. და სიმთვრალეთა შინა საძაგელთა უნესობად იწყო მრავალთა, რომელთათჳს ნამეტნავ არს წერად და თქუმად, რათა არა სიგრძედ მიინიოს სიტყუა“. ისტორიკოსი იმასაც აღნიშნავს, რომ თამარს უცდია მეუღლის განკურნება. ამისათვის მას საეკლესიო პირთათვისაც მიუმართავს, მაგრამ ამაოდ.

წყაროებში მითითებულ გიორგი რუსის მანკიერ მხარეთაგან, ყველაზე მძიმე „სოდომური“ ცოდვა გახლდათ, რომელიც ეკლესიის მიერ უდიდეს ცოდვად იყო გამოცხადებული და კანონით ისჯებოდა. „ისტორიანი და აზმანი შარავანდედთანის“ ავტორი პირდაპირ მოუთითებს, რომ გიორგი მამათმავლობის („სოდომურიცა მოიპოვა ქცევა“) სენით ყოფილა შეპყრობილი. სიმთვრალის დროს კი მას პათოლოგიური გადახრები ჰქონია. თამარმა დიდხანს ითმინა მეუღლის ასეთი საქციელი. ბევრი ეცადა შეეცვალა გიორგის ხასიათი, მაგრამ ვერაფერი გააწყობა. ბოლოს და ბოლოს, თამარი იძულებული შეიქნა გაპყროდა გიორგის. რუსუდან დედოფალმა და სამეფო კარმა გიორგი რუსი ბიზანტიაში გააძევა.

გიორგი რუსს არც ამის შემდეგ დაუკარგავს საქართველოში გამეფების იმედი. 1191 წელს იგი საგანგებოდ წამოვიდა კონსტანტინოპოლიდან არზრუმში, საიდანაც დაუკავშირდა თამარის მონინააღმდეგე დასის წევრებს. არზრუმში გიორგისთან მოსალაპარაკებლად ჩავიდა „მეჭურჭლეთუხუცესის ნაცვალი“. ქართულ ისტორიოგრაფიაში მართებულადაა შენიშნული, რომ ეს პიროვნება („მეჭურჭლეთუხუცესის ნაცვალი“) თბილისის ამირთ-ამირა უნდა ყოფილიყო. სამწუხაროდ ამ პიროვნების ვინაობა უცნობია, შედეგი კი ამ შეხვედრამ ის გამო-

ილო, რომ გიორგი რუსი დასავლეთ საქართველოში ჩავიდა, სადაც იგი გეგუთის სასახლეში მეფედ გამოაცხადეს.

გიორგის საქართველოში ჩამოსვლისთანავე ცენტრალური ხელი-სუფლების წინააღმდეგ მძლავრმა აჯანყებამ იფეთქა. თამარმა და მისმა მომხრეებმა მოახერხეს განდგომილთა დამორჩილება.

ხელშეუხებლობის გარანტიის მიღების შემდეგ, ლიხთ-იმერეთის დიდებულები, გიორგი რუსის თანხლებით, პატიებისათვის თამარ მეფეს ეახლნენ. ამჯერად სამეფო კარმა დიდი სისასტიკე არ გამოიჩინა არც ქართველი ფეოდალების და არც გიორგის მიმართ. „სუე-უბედური“ რუსი კვლავ ბიზანტიაში გააძევეს. მოგვიანებით, გიორგიმ (იურიმ) კიდევ ერთხელ სცადა საქართველოში შემოჭრა. ამჯერად მას ზურგს რანის ათაბაგი უმაგრებდა. მაგრამ ამ ავანტიურას ქართველმა ფეოდალებმა მხარი არ აუბეს. გიორგიმ მხოლოდ საქართველოს მონაპირე პროვინციების დარბევა მოახერხა.

ამ მოვლენის შემდეგ გიორგი (იური) ანდრიას ძის შესახებ ცნობები აღარ მოიპოვება. რა ბედი ეწია მას, სად გარდაიცვალა უცნობია.

დავით სოსლანი – თამარ მეფის მეორე ქმარი. ეკუთვნოდა ბაგრატიონთა საგვარეულოს ოსეთის შტოს, რომელიც სათავეს იღებს გიორგი I-ის უმცროსი ვაჟის დემეტრე უფლისწულის შვილის – დავითისაგან. ეს უკანასკნელი, ბებამ, ოსთა მეფის ასულმა აღდემ, სამშობლოში წაიყვანა და იქ გაამეფა. სწორედ დავითის პირდაპირი შთამომავალი იყო დავით სოსლანი (დავითი→ათონი→ჯადარონი→ დავით სოსლანი). პატარა უფლისწული საქართველოს სამეფო კარზე იზრდებოდა რუსუდან დედოფლის მფარველობის ქვეშ. გიორგი რუსთან განქორწინების შემდეგ სამეფო კარზე კვლავ დაისვა თამარის გათხოვების საკითხი. დიდებულების არჩევანი დავით სოსლანზე შეჩერდა. ძმიშვილის გათხოვების საკითხში აქტიურად ჩაერთო რუსუდან დედოფალიც. თამარი დასაწყისში უარს აცხადებდა გათხოვებაზე, მაგრამ სამეფო კარმა დაარწმუნა მეფე ამის აუცილებლობაში – ჯვარს მთავარსარდალი სჭირდებოდა, ქვეყანას კი მემკვიდრე. მემატანის თქმით: „მაშინ თამარ, მინდობილმან მამის დისა მისისამან მშობლისა სახედ და მისგან დიდად წყალობიანთა ლაშქართა და საბათამან, ესრეთ თქუა

მზრდნებელმან: „მონამე არს ჩუენთა ღმერთი, აროდეს ყოფილა გული ჩემი მონადინე ქმროსნობისა, არცა პირველ არცა ანე, თუმცა არა მოსელოდა უნაღმართობა ჩემი საყდარსა, რომელი რწმუნებულ არს ჩემდა პირველ ღმრთისაგან და შემდგომად მშობელთა ჩემთაგან, ანცა ამისი ვარ მოაჯე“.

თამარის დათანხმების შემდეგ, სამეფო კარმა დიდი პატივით ჩამოიყვანა დავით სოსლანი თბილისში. დიდუბის სასახლეში თამარმა და დავითმა სახელოვანი ქორნილი გადაიხადეს. ქართველი მემატიანე აღფრთოვანებული აღწერს ქორნილის მიმდინარეობას: „მშუებელნი იხარებდეს, გლახაკნი განმდიდრდებოდეს; იყო ზმა მგოსანთა და მუშაითთა, სახიობათა მჭურეტელნი იყო რაზმთა სიმრავლე და სრულქმნა ამას შინა“.

დავით სოსლანი ღირსეული მეფე გამოდგა. მან მალე მოიპოვა გამორჩეული ავტორიტეტი სამეფო კარზე. მემატიანის თქმით: „ესე დავით წელინდის მოქცევამდე ესრეთ ნაეჯობინა ყოველსა მშულდოსანსა, ცხენოსანსა და მცურაუსა, მოასპარეხესა, მნიგნობარსა და ყოველსა ნასწავლსა კელთა სიკეთითა“. დავით სოსლანის სარდლობით საქართველოს სამეფო ლაშქარმა არაერთ წარმატებას მიაღწია. 1192 წელს ლაშა-გიორგის დაბადების აღსანიშნავად ქართველებმა ძველი ქალაქი ბარდავი დალაშქრეს. დავითმა სახელოვან მეუღლეს და პატარა უფლისწულს დიდი ალაფი მოართვა, მათი დღეგრძელობისათვის კი აუარებელი ტყვეები გაანთავისუფლა. ამ ლაშქრობიდან ერთი თვეც კი არ იყო გასული, რომ დავითის სარდლობით ქართველებმა კარნუ-ქალაქზე ილაშქრეს.

დავით სოსლანის სახელს უკავშირდება ასევე ორი დიდი ომის – შამქორისა და ბასიანის მოგება.

შამქორის ომში დავითმა საკმაოდ საინტერესო ტაქტიკური სელა გააკეთა. მან შამქორის ციხეს გვერდი აუარა და შეეცადა ქალაქისათვის ზურგიდან დაერტყა. მართალია, ცუდი ვზის გამო დავითის ლაშქარი ოდნავ დაყოვნდა, მაგრამ ამ მანევრმა გადამწყვეტი მნიშვნელობა იქონია ბრძოლის ბედზე. მტერი დააბნია ქართველთა ზურგიდან დარტყმამ. აბუბაქრის ლაშქარმა თავს გაქცევით უშველა. მეორე დღეს შამქორელები ქალაქის „კლიტენით“ ეახლნენ დავითს და მორჩილება

გამოუცხადეს. აქედან დავით სოსლანი განძისკენ გაემართა. განძე-
ლებმა წინააღმდეგობა არ ისურვეს და საქართველოს მეფე ქალაქში
დიდი პატივით შეიყვანეს.

„ისტორიანი და ზმანი შარავანდედთანის“ ავტორის თქმით, ქარ-
თველებს აუარებელი ალაფი დარჩათ. „მოიღეს ნიჭი, არმალანი და
განძი აურაცხელი: კაცი თორმეტი ათასი, ავაზა ორმოცი, ცხენი ოცი
ათასი, ჯვრი შუდი ათასი, აქლემი თხუთმეტი ათასი. დროშათა სხუ-
ათა, სიმრავლეთა საჭურჭლეთა, ოქროთა და ლართა ვინმცა უძლო
აღრიცხვა?“

დავით სოსლანი სარდლობდა ქართულ მხედრობას ბასიანის
ბრძოლაშიც.

მემატიანის მითითებით, დასაწყისში ქართველები მძიმე მდგომარეობაში ჩავარდნილან. ბრძოლაში ცხენები მოუკლეს ივანე მხარგრძელს, ზაქარია გაგელს, შალვა და ივანე ახალციხელებს „და სხუათა მრავალთა თავადთა“. ამასობაში ცხენოსანი არმია და ქვეითი ჯარი ერთმანეთში აირია. ბრძოლის ველზე კრიტიკული მდგომარეობა შეიქმნა. ასეთ დროს დავით სოსლანმა მიიღო სწორი და ტაქტიკურად გამართლებული გადაწყვეტილება, მან ჯარის გადაჯგუფება მოახდინა, მხედრები ფრთებზე განალაგა, ხოლო თურქების პირისპირ ქვეითი ჯარი დატოვა. ამ ცვლილებამ შედეგი გამოიღო. თურქებმა ვერ გაუძლეს ქართველი მხედრების მძლავრ იერიშს და უკუიქცნენ.

1206-1207 წწ. მიჯნაზე დავით სოსლანის სარდლობით ქართველებმა მოახერხეს კარის ციხის დამცველთა წინააღმდეგობის დაძლევა. ქალაქი გარკვეული პირობით დანებდა თამარს. ეს იყო დავით სოსლანის ბოლო სამხედრო კამპანია. ამის შემდეგ მას დიდხანს აღარ უცოცხლია და 1207 წელს გარდაიცვალა. დაკრძალულია გელათის მონასტერში.

გიორგი-ლაშა – თამარ მეფისა და დავით სოსლანის ვაჟი. საქართველოს მეფე 1207/1210/1213-1222 წწ. მის მოღვაწეობას XIII საუკუნის ბაგრატიონთა სამეფო ოჯახზე საუბრისას შევეხებით.

რუსუდანი – თამარისა და დავით სოსლანის ასული. საქართველოს მეფე 1222-1245 წწ. რუსუდანზე „ბაგრატიონთა სამეფო ოჯახის“ მომდევნო ნაწილში (XIII-XIV სს.) გვექნება საუბარი.

ლიტერატურა

1. ვ. აბაშიძე, ქართული ინტელექტუალური ფენომენი, თბ., 1992.
2. ა. აბდალაძე, ერთი სომხური ანდერძ-მინაწერი ბასიანის ბრძოლის შესახებ, მაცნე, ისტორიის ... სერია, № 1, თბ., 1972.
3. ალ. აბდალაძე, შამქორის ბრძოლის თარიღისათვის, მაცნე, № 1, 1973.
4. ა. აბდალაძე, XII-XIII სს. საქართველოს ისტორიის ქრონოლოგიის შესწავლისათვის, მაცნე, № 2, თბ., 1974.
5. ზ. ავალიშვილი, გეგროსანთა დროიდან, ოთხი საისტორიო ნარკვევი, თბ., 1999.
6. ი. ანთელავა, საქართველოს ცენტრალური და ადგილობრივი მმართველობა XI-XIII სს., თბ., 1983.
7. ზ. ანჩაბაძე, მ. ცინცაძე, საქართველო და ჩრდილოეთ კავკასია XII საუკუნესა და XIII საუკუნის I ნახევარში, კრ.: საქართველო რუსთაველის ხანაში, თბ., 1966.
8. შ. ბაღრიძე, საშინაო პოლიტიკური ვითარება თამარის მეფობაში, წ.: საქართველოს ისტორიის ნარკვევები, ტ. III, თბ., 1979.
9. შ. ბაღრიძე, ქართველები და გერმანული სამყარო შოთა რუსთაველის ეპოქაში, წ.: შ. ბაღრიძე, საქართველოს ურთიერთობები ბიზანტიასა და დასავლეთ ევროპასთან, თბ., 1984.
10. ბასილი ეზოსმოდვარი, ცხოვრება მეფეთ-მეფისა თამარისი, ქართლის ცხოვრება, ტექსტი დადგენილი ყველა ძირითადი ხელნაწერების მიხედვით ს. ყაუხჩიშვილის მიერ, ტ. II, თბ., 1959.
11. მ. ბახტაძე, ერისთავობის ინსტიტუტი საქართველოში, თბ., 2003.
12. გ. ბერიძე, მასალები XII საუკუნის საქართველოს ისტორიისათვის იბნ ისფენდიარის თხზულებაში, კრ.: საქართველოს ისტორიის აღმოსავლური მასალები, წიგნი: 1, თბ., 1976.
13. მ. ბერძენიშვილი, საქართველოს სახელმწიფოს საზღვრები XIII საუკუნის დამდეგს, კრ.: საქართველო რუსთაველის ხანაში, თბ., 1966.
14. ალ. გამყრელიძე, ბასიანის ომის თარიღი და ტრაპიზონის იმპერიის დაარსების ზოგიერთი საკითხი, კრ.: კავკასიის ხალხთა ისტორიის საკითხები, თბ., 1966.
15. თ. დონდუა, ქართული ეთნოკულტურული ევოლუცია და დასავლეთი ნუმბიზმ-ტიკური მასალების მიხედვით, თბ., 1997.
16. ვარდან არველცი, მსოფლიო ისტორია, ძველი სომხურიდან თარგმნეს ნოდარ შოშიაშვილმა და ეკა კვაჭანტირაძემ, შესავალი, კომენტარები და საძიებელი დაურთო ეკა კვაჭანტირაძემ, თბ., 2002.
17. თამარ მეფის დროინდელი მატანე („ცხოვრება მეფეთ-მეფისა თამარისა“), ტექსტი გამოსაცემად მოამზადა, გამოკვლევა და საძიებელი დაურთო მ. ქადაგიძემ, თბ., 2001.
18. ისტორიანი და აზმანი შარავანდედთანი, ქართლის ცხოვრება, ტექსტი დადგენილი ყველა ძირითადი ხელნაწერების მიხედვით ს. ყაუხჩიშვილის მიერ, ტ. II, თბ., 1959.
19. ივ. ლოლაშვილი, დაკითხოსოლანის აკლდამის საიდუმლოება, თბ., 1971.
20. ს. მაკალათია, თამარ მეფე, თბ., 1942.
21. შ. მესხია, საშინაო პოლიტიკური ვითარება და სამხრეთული წყობა XII საუკუნის საქართველოში, თბ., 1979.

22. რ. მეტრეველი, შიდაკლასობრივი ბრძოლა ფეოდალურ საქართველოში, თბ., 1973.
23. რ. მეტრეველი, მუყე თამარი, თბ., 1991.
24. რ. მეტრეველი, საქართველოს სახელმწიფო საერთაშორისო არენაზე XII საუკუნის მიწურულსა და XIII საუკუნის დამდეგს. თამარ მეფის დიპლომატია, წიგნ.: ქართული დიპლომატიის ისტორიის ნარკვევები, ნაწ.: I, თბ., 1998.
25. მიქაელ მანარეტოსი, ტრაპიზონის ქრონიკა, ბერძნული ტექსტი ქართული თარგმნით, შესავალი წერილით, შენიშვნებითა და საძიებლით გამოსცა ალ. გამყრელიძემ, მასალები საქართველოსა და კავკასიის ისტორიისათვის, ნაკვ.: 33, თბ., 1960.
26. თ. ნატროშვილი, გ. ჯაფარიძე, ცდა ერთი თარიღის დადგენისა, მაცნე, ენისა და ლიტერატურის სერია, № 1, თბ., 1974.
27. ჯ. ოდიშელი, ქართული ისტორიული ქრონოლოგიის ერთი საკითხი, უერნ.: ცისკარი, № 1, თბ., 1976.
28. გ. ოთხმეზური, XII-XIII საუკუნეების მოგზის ქართული ლაბიდარული წარწერები, როგორც საისტორიო წყარო, თბ., 1981.
29. ბ. სილოგავა, XII-XIII სს. საქართველოს ისტორიის ზოგიერთი საკითხი იბნ ალ-ასირის ცნობათა შუქზე, კრ.: საქართველო რუსთაველის ხანაში, თბ., 1966.
30. ვ. სილოგავა, ქართული წარწერების კორპუსი, II, დასავლეთ საქართველოს წარწერები, ნაკვ.: I (IX-XIII სს.), თბ., 1980.
31. ვ. სილოგავა, ბეთანიის წარწერები, თბ., 1994.
32. ვ. სილოგავა, ბაგრატიონ ხელმწიფეთა ავტოგრაფები (XI-XIII სს.), თბ., 2003.
33. ჯ. სტეფნაძე, საქართველო XII ს. და XIII ს-ის პირველ მუთხელში, თბ., 1985.
34. ჯ. სტეფნაძე, მუფთ-მუფე გიორგი მესამე, თბ., 1999.
35. ივ. შაიშველაშვილი, შამქარი, ბასიანი, თბ., 1981.
36. ნ. შენგელია, საქართველოს საგარეო პოლიტიკური ურთიერთობანი თამარის მეფობაში, წიგნ.: საქართველოს ისტორიის ნარკვევები, ტ. III, თბ., 1979.
37. ქართული ისტორიული საბუთები, ტ. I, XI-XIII სს. შეადგინეს და გამოსაცემად მოამზადეს თ. ენუქიძემ, ვ. სილოგავამ, ნ. შოშიაშვილმა, თბ., 1984.
38. დ. შველიძე, ა. შველიძე, საქართველოსა და ზორეზმის ურთიერთობა და ქართველთა ლაშქრობა ირანში (1210 წ.), კრ.: ვალერიან მაჭარაძის 80 წლის-თავისადმი მიძღვნილი სამეცნიერო ნაშრომთა კრებული, თბ., 2001.
39. ი. ცინცაძე, ძიებანი რუსეთ-საქართველოს ურთიერთობის ისტორიიდან (X-XVI სს.), თბ., 1956.
40. იასე ცინცაძე, ბასიანის ბრძოლა, თბ., 1971.
41. ივ. ჯავახიშვილი, ქართველი ერის ისტორია, წიგნ. II, ივ. ჯავახიშვილი, თხზულებანი თორმეტ ტომად, ტ. II, თბ., 1983.
42. ივ. ჯავახიშვილი, თხზულებანი თორმეტ ტომად, ტ. VII, თბ., 1984.
43. გ. ჯაფარიძე, საქართველო და მახლობელი აღმოსავლეთის ისლამური სამყარო XII-XIII ს-ის პირველ მესამედში, თბ., 1995.
44. თ. ჯოჯუა, საქართველოს მეფის გიორგი III-ის აღსაყდრების თარიღი 1160 წელს გარჯეში გადაწერილი ხელნაწერის (Ven. 4-ის) ანდერძის მიხედვით, კრ.: ისტორიის ინსტიტუტი 60 წლისა, თბ., 2001.

45. М. П. Мургуля, В. П. Шушарин, Половцы, Грузия, Русь и Венгрия в XII-XIII веках, М., 1998.
46. Р. М. Шукуров, Великие Компины и Восток (1204-1461), Санкт-Петербург, 2001.
47. С. П. Еремян, Юрий Боголюбский по армянским и грузинским источникам, Научные труды АГУ, XXIII, Ер., 1946.
48. Ш. А. Месхия, Я. Э. Цицладзе, Из истории Русско-грузинских взаимоотношений X-XVIII вв., Тб., 1958.

სარჩევნი

წინასიტყვაობა	5
ბაგრატ III	5
გიორგი I	17
ბაგრატ IV	31
გიორგი II	45
დავით IV	53
დემეტრე I	73
დავით V	87
გიორგი III	97
თამარ მუჟე	111

საგამომცემლო ჯგუფი

**მარგო ინასარიძე
ენო ქობარი
ვიოლა ტულუში
შორენა ნიქარიშვილი
ილია ხელაია**

გამომცემლობა არტანუჯი

თბილისი, ილია ჭავჭავაძის გამზ. 17 ბ. 25-05-22, 8(99) 25-05-22, 8(93) 25-05-22.
artanuji@ip.osgf.ge